
















Digitized by the Internet Archive  
in 2011 with funding from  
Research Library, The Getty Research Institute





JOANNIS HARDUINI  
SOCIETATIS JESU PRESBYTERI  
ANTIRRHETICUS  
DE  
NUMMIS ANTIQUIS  
COLONIARUM ET MUNICIPIORUM,  
AD JOAN. FOY-VAILLANT MED.



PARISIIS,  
Excudebat FRANCISCUS MUGUET, Regis & Illustriss.  
Archiepiscopi Parisiensis Typographus.

---

MDCLXXXIX.  
CUM PRIVILEGIO REGIS.

JOANNIS HARTMANNI

SOCIETATIS REIPUBLICAE

ANTIQVARIATVS

DE

NUMMIS ANTIQVVS

COLONIENSIVM ET MVSICIVM

AD JOANNES HARTMANNI




PARISIIS

Librariae Franciscus Wagnier, N. & J. B. L. M.  
Antiquariae Franciscus Wagnier, N. & J. B. L. M.


MDCCLXXIX

CEM REIPUBLICAE REGIAE





JOANNIS HARDUINI  
SOCIETATIS JESU PRESBYTERI  
ANTIRRHETICUS  
D E  
NUMMIS ANTIQUIS  
COLONIARUM ET MUNICIPIORUM,  
AD JOAN. FOY-VAILLANT MÈD.



**L**IBER a te nuper, o Valens, de numismatis æreis coloniarum ac municipiorum in lucem editus, post annos fere quatuor quam censorium adversum nos stilum exserere destinaras, mihi diutissime latuerat: cum ante mensem unum ferme aut alterum venit ad me de more quidam ex intimis meis, qui hunc coëmit, quoniam hoc genere doctrinæ capitur & gaudet in primis: isque, sive veteris nostri ad ea studia impetus iterum accendendi causa, quem deferbuisse noverat, sive justî doloris ad legitimam defensionem incitandi, violatam a te plurimis locis nostram existimationem, famamque læsam confirmavit. Cum vix jurato crederem, quod conscientiæ meæ testimonio nihil erat a me commissum, quod



boni cujusquam offenderet animum : ostentare confestim ille indicem auctorum recentiorum, quos in operis decursu laudares, in quo nullius alterius toties, quoties nostrum nomen appareret. Hinc ad ipsum opus pervolutandum aggreffus, orsus a præfatione, cœpi tunc propemodum amico subirasce : quoniam secus atque narraret, ibi te de me sentire, & satis honorifice me a te tractari, oculi ipsi facerent fidem. *Nummorum* enim, quos Sirmondus noster summo labore acquisivit, in *Ludovici Magni Collegio*, *librorumque custodiendorum provinciam*. eruditissimo *P. Harduino*, de nummis bene merito, concessam ibi commemoras. Iterumque in indice animadverti, ( nam mos est hominum, quibus non est satis abs re sua otii, librum ut integrum evolvant, consulere indices : ) *P. Harduinus S. I. erud. notis Plinium illustravit, & de re nummaria bene meritus*. Liberalius fane dictum, quam optarim : quippe qui tametsi nec labori, nec lectioni, neque exercitationi parco, tamen exiguam eruditionis in me partem agnoscam : nec tali me a quoquam onerari laide æquo ac lubenti animo feram. At me, quem nihilominus tantis præconiis extolleret in fronte operis tui, male deinde accipi in ipso voluminis corpore, vix inducere animum poteram ut existimarem. Quem enimvero de nummis bene meritum faterere, qua in re de te male meritum me putarem, cujus in eo genere lucubrationem haud mediocri tibi esse posse adjumento ea confessione agnosceres ? Verum instare ille porro, vehementiusque contendere, me crebro laceffitum a te : subinde quidem laudatum satis benigne & clementer, ab eruditione, ab acumine, a sagacitate : sed ferrum ibi occultari, meque extra hæc loca gravibus deinde vulneribus appetitum, multoque sæpius nomine appellatum, adductumque in vituperationem. Cetero nec deesse in opere tuo plurima, quæ possem vicissim carpere ac vellicare. Itaque interpellare ille me, enixeque hortari, ut ni vellem publicam defensionem instituere, te saltem per epistolam & humanitatis, quam violasti, amice commonerem : & quæ perperam in me reprehendisses, aut ultro ex te male docuisses, si quæ essent ejusmodi, dedocerem. Negavi præcise initio id me facturum. Scilicet ne respondendum putarem, non pauca



deterrebant : tum illud maxime, quod minime sentiebam eorum manibus id opus teri, aut apud illos in aliqua existimatione esse, apud quos nostra interesset, collectam, quantulacumque est, famam conservare. Nemo certe illorum de eo quidquam ad me referre. At ecce repente inter has altercationes, volumen alterum in lucem prodit, in quo amicus idem ille noster monere serio & graviter, a silentio quod ipse mihi indixissem, crevisse tibi animos, crevisse convicia. *Ariolari* nos enim, *nugari*, *allucinari*, *gravissime errare*, *abuti ingenio nostro*, te subinde dicere : similiaque maledicta a te passim in nos jactitari. Quam illiberalem linguæ licentiam cum ridendam a me & contemnendam obstinate per-tenderem, in alteram tandem partem inflexit animum, & priora consilia disturbavit. Ostendit enim difficile fore, ut omnes existiment, me injuria toties a te fuisse pulsatum, nisi reipsa ostendatur. Paritè ergo demum ac cessi amici adhortationibus : studiisque meis tantum detraxi temporis, quam invitus, quantum ad epistolam, seu brevem commotionem elucubrandam satis esset : cum a longiore mora in hoc argumento, atque a spissiore paulo volumine exarando animus, ut nunc est, vehementer abhorreat. Quin hanc ipsam opellam ex quo sum semel orsus, ita fui sæpe traductus alio, vix ut aliquando licuerit aut interruptam contexere, aut absolvere institutam.

Unde autem potissimum ordiar, quam ab illa immodica accusandi prurigine, qua falsa etiam nobis crimina objicis : idque me affirmasse pronuncias, quod præcise negavi ? *Ad Æliæ Capitolinæ urbem*, inquis, pag. 252. *pertinet M. Aurelii nummus, sub prava COL. PAPIAE... epigraphe a Tristano vulgatus : quem ille ad Papiam Cæsariensem Mauritaniæ revocat. Nummum vero P. Harduinus pag 380. ad Pappiam Proconsularis Africæ urbem pertinere frustra contendit. Patere me, amabo, ridere tecum, & iram simulare, a qua longissime nostri mores absunt. Vigent in Gallia scilicet sanctissimæ leges adversus falsos accusatores : nec metuis ne inter fontes rapiare ? Fidem non vereris ne tu dicaris præferre quidem in nomine : sed titulum, ut jureconsulti aiunt, sine re : denique ne qui πῖς vocaris, ἀπῖς habere. Nam ubi fides ?*

ubi pudor? Negamus plane conceptis verbis ad Puppiam Africæ nummum eum referri posse: ais tu nos eo ut referatur imperare. Quem te vis haberi igitur ab eruditis probisque viris? aut quis illorum ipsorum, quorum carmina in tuas laudes operi tuo præfixisti, non tuam hoc loco inconsiderantiam erubescat, justamque meam & necessariam esse defensionem fateatur? Adi rursus ea quæ de hoc nummo edidimus: vel hic eadem iterum perlege. COL. PAPIAE.

*M. Aurelii nummus apud Trifanum, a quo hic nummus ad Papiam Africæ revocatur, Ptolemæo, inquit, memoratam, libro IV. cap. III. Falso: cum ibi Papia nulla, sed Δαλια sit. Ac si uspiam Papia occurrat ex Africa, vox ea in mendo cubat, estque in Puppiam transformanda, quæ civitas fuit Proconsularis Africæ: unde Reparatus Puppiensis in Notitia appellatur. Ad Papienos referri oportuit, cujus colonie vetus inscriptio meminit apud Gruterum, pag. CCCXLVIII, 4. situmque prope Sinuessam, Latii oppidum, indicari. COLONIS. SINUESANIS ET. PAPIENIS. MONUMENTUM.* Hoccine fuit nummum retulisse ad Puppiam Proconsularis Africæ? Sane, si Puppia eadem cum Papia est: aut Latium forte tu jussu suis convulsam sedibus in Africam commigravit.

Jam idemne cum tuo nummus ille Trifani sit, difficile est statuere, nisi ei, qui utrumque oculis usurparit: eoque magis, quod a tuo discrepare longissime ille videtur. Nam quæ in ambobus litterarum similitudo aut affinitas est? Tuus te uno quidem teste præfert, COL. AEL. CAP. Quid porro Trifanicus? COL. PAPIAE. Trifani tamen peritiam mirantur hodieque eruditi: tuam, cum Græca præsertim numismata edideris, agnoscemus. In hoc tuo opere quale specimen eruditionis dederis, mox faxo intelligas: fac, si potes, ut nemo id resciat. Non impar ille in hoc certaminis genere, ut quibusdam visum est, olim congressus Achilli, hoc est, Sirmondo nostro. Tu si parem colligere famam te posse sperasti, nostro toties impetito nomine, erras tu quidem, amice, vehementer. Nam nec nos, quos laceassis, tanti sumus: nec præter hoc legitimum ac necessarium defensionis onus, unquam deinde vel tecum vel cum quovis



alio de nummis antiquis manus conferemus. Gravioribus enim sanctioribusque curis distinemur, quam ut avocare animum ad ista profana, sine piaculo ac detrimento, liceat: nec tanti arbitramur esse, ut invidorum ictus repellamus, bonas horas perdere: nedum ut te solœcizare dedoceamus: quod cum passim in opere tuo factitas, tum hoc loco turpiter, qui Æliæ Capitolinæ urbem appelles. Rideamus licet: sum enim a te invitatus. An si vel urbem Romæ filius tuus, cujus stilo fronti operis tui elogium tuum præfigendum curasti, diceret in scholis, non ferulam frangeret?

Leviore aliquanto criminatio est, qua quod nonnullis placuisse narro, mihi uni adscribis, me unum ejus rei auctorem vis haberi. *Triremis*, inquis, pag. 116. in *Sagunti & Valentia nummis earum in mari potentiam aut situm arguit: nec, ut videtur P. Harduino, triremis ideo insculpta est, quod ex Zacyntho insula colonia deducta sit. Quod ipse P. Harduinus ex Patino, ut iste ex Antonio Augustino hausit.* Ain tu ita nobis videri? Diximus ita velle nonnullos: eam causam arridere nobis quo deinde etiam verbulo significavimus? Verba nostra rursus lege. *Triremem ideo insculptam VOLVNT*, quod ex *Zacyntho insula deductam eo coloniam referunt Polybius, Strabo, Silius.* His assentiri nos an uspiam ostendimus? Nec magis tamen in *Sagunti Valentia*que nummis situm oppidi, vel civium in mari potentiam triremis indicat, quam navis hodie in *Parisiensium* aliorumque nummis. Designabat in *Corinthiis* Patrensibusque quondam adventum Augusti, aliud in aliis: quanto consideratius fuit judicium exemplo nostro in re dubia suspendere, quam temere affirmare? Adeo autem, pace tua dicam, luscitiosus mihi visus es in observandis nostris erratis, ut ubi nulla essent, deprehendere ea te putaris: ubi essent aliqua, sis prætergressus. Quorsum falsa conquiris crimina, cum vera non desint? Quin nostra de *Ægis*, de *Anazarbensium*, *Gadarensium*que, ac fortean *Laodicenorum* æra, siquidem oculatus es, aliave σφάλματα detexisti? quæ nec ipsi indicare erubescimus, nec sanare admodum satagimus, quod in ea re nullum aut leve operæ ac moræ pretium fore putamus. At ea nihilominus indicari a te oportuit, qui rei nummaria peritiam in præfatione

jactitas, triginta annorum studio ac labore partam. Quam venditare tamen quibus & quantopere debeas, ex hoc nonnullarum tuarum explicationum breviculo intelliges: in eo enim quam præpostere nummos quamplurimos interprete-  
ris, te, quod oro æqui bonique ut consulas, sæpiuscule com-  
monebo. Sparfos autem a te, ac subinde repræsentatos ea-  
rumdem urbium nummos, unum in conspectum sub certa  
litterarum serie colligam: ne, quod tibi usuvenit, de ejusdem  
unius oppidi nummis nullo operæ pretio, sub diversis prin-  
cipibus, iteretur oratio. Ceterum noli conturbari. Agam  
tecum mitissime: parcam intemperantius aliquid in te jacere:  
compendiumque operæ faciam: tum ut nec singula perse-  
quar, sed quædam passim & quasi per satyram colligam:  
tum ut in paucis illis, quæ attingam, indulgentiam meam  
lenitatemque non desideres. Qui a nobis autem nummi  
laudantur, hos in calce hujus lucubrationis offendes, eo  
ordine, quo quisque in margine appellatur.

## A

ACCITANÆ colonix nummos a te duos attributos  
esse, qui sunt Tuccitanæ.

- I. **P**AGINA 13. nummum Augusto principe cūsum exhibes,  
sic inscriptum, C. I. G. A. cum apice pontificali &  
simpulo: atque ita interpretaris: *Colonia Iulia Gemella Acci-  
tana*: cum nec ullum reperire numisma sit colonix Accitanæ,  
quod non priores ejus nominis syllabas repræsentet, COL.  
ACCI. vel COL. GEM. ACCI. vel COL. JUL.  
GEM. ACCI. & in isto legi necesse sit, *Colonia Iulia  
Gemella Augusta*, deque Tuccitana colonia intelligi: quod  
oppidum inter Cordubam Giennumque positum, *Martos*  
hodie nuncupatur. Hæc nempe simpliciter COL. AU-  
GUSTA. GEMELLA, in Claudii nummo ex Goltzio  
appellatur: Plinio nostro, libro III. sect. III. *Colonia immu-  
nis Tucci*, quæ cognominatur *Augusta Gemella*. In nummo  
Cordubensi, COLONIA. PATRICIA. pariter apex  
est cum simpulo sculptus, sub eodem Augusto principe,  
apud



apud te ipsum pag. 60. ut utriusque oppidi cives, cum  
essent inter se finitimi, pari consensu pontificatum Augusto  
gratulos fuisse noris : eodemque tempore cusa hæc duo  
numismata. Quibus adde & tertium, pag. 69. Juliae Traductæ,  
in quo pariter apex simpulumque cernitur : argumento cer-  
tissimo, a Baticæ oppidis simul universis hanc lætitiæ suæ  
significationem datam esse, atque adeo a Tuccitanis, non  
ab Accitanis, qui citerioris Hispaniæ fuere, Carthaginien-  
sisque conventus.

Expunge itaque & alterum a te pag. 93. laudatum, in-  
scriptumque pariter C. I. G. A. cum Germanici & Drusi  
Cæsarum nominibus capitibusque : atque eodem referri  
oportere, hoc est, non ad Coloniam Juliam Gemellam Ac-  
citanam, sed ad Coloniam Juliam Gemellam Augustam,  
agnosce, sive ad Tuccitanam.

Rogas Augustæ nomen cur postremo loco ponatur, cum  
priore collocetur a Plinio ? Doce vicissim, quamobrem in  
Calaguritanorum numismatis Juliae appellatio postponatur :  
MVN. CAL. I. vel MVN. C. I. *Municipium Calaguris  
Julia*. Quid a me responsi expectandum sit intelliges, cum  
quid mihi sis ipse responsurus, tecum cogitaris.

ÆLIÆ Capitolinæ adscriptos a te fuisse nummos  
duos, qui sunt Cæsareæ Palæstinæ.

NUMMUM Antonini Pii geminum repræsentas, pag.  
239. cujus in averfa area literæ exstant, C. A. C.  
de quibus ita pronuntias. *Has notas P. Harduinus inter-  
pretatur, Colonia Asido Cæsariana. Laudandus quidem illius  
conatus : sed genuina explicatio, Colonia Ælia Capitolina est.*

Quonam vel uno ex tota antiquitate exemplo, sive in  
nummis, sive in lapidibus, docere possis litteram A solita-  
riam poni, ubi syllaba prima proprii alicujus nominis præ-  
nominisve, quod designatur, ab Æ diphthongo incipiat ?  
A. P. vel Q. A. quoties cum IIIIVIR. vel IIVIR. co-  
pulatur, quis nisi veterum notarum experts ac rudis aliud  
intelligat, quam illic quidem Ædilitiam Potestatem, istic  
Quæstorem Ædilem ? A solitarium in nominibus propriis  
B

aut prænominibus si occurrat, sive in lapidibus, sive in nummis aliter accipi potest: nam quis non Augustam, ac si quidem A geminetur, Antoninianam Augustam citius, quam Æliam cogitet? Ælia igitur ubi intelligi ac dici debet, scribi certe id nomen sic oportet, ut præter istud legi aliud nullum possit. Igitur per A scribi nefas: cum aliud ab Ælia nomen hæc littera passim designet.

- Quanta cura AEL. vel AELIA sine notarum compendio nummi & marmora exhibent? Vis igitur uni tibi credi, reclamantibus omnibus antiquis monumentis? A quo demum erudito homine, nec harum rerum omnino rudi extorquebis fidem? Omnes sub Hadriano conflati Æliæ nummi præferunt COL. AEL. CAP. te ipso teste, pag. 220. & 221. Sub Antonino Pio, cui dicatus & iste est, tum ille, quem exhibes pag. 237. COL. AELIA. CAP. tum quem pagina subsequente, COL. AEL. CAP. Sub Aurelio quos habes pag. 251. 252. 253. COL. AEL. CAP. Sub Commodò apud Erizzum, ut monuimus in libro nostro de nummis pag. 562. teque ipso teste, pag. 299. COL. AEL. CAP. COMM. quomodo inscriptos & ipse refert sub Severo, sub Diadumeniano, sub Elagabalo, sub Decio, sub Herennio, sub Hostiliano.
9. Quomodo igitur est legendum, inquires? Equidem, quod nostrum laudas conatum, qui pridem conjiciebamus legi posse, *Colonia Asido Cæsariana*, nihil dicam jactantius, merito id ac jure facis. Nam quid dici plausibilius potuit ab eo, qui unicum vidisset adhuc cum ea epigraphæ nummum, & quidem ita obscurum, ut evanida prorsus esset effigies in eo insculpta, nec discerni illa probe posset? Nunc vero cum illustriore reperto numismate constet, eandem in hisce nummis similitudinem Astartes Dææ expressam esse, quæ in nummis Cæsareæ Palæstinæ occurrit sub Hadriano, ipso te

6. agnoscente, pag. 223. & in Faustina, pag. 281. eodem plane situ habituque depictam, eandem sub pedibus, non semifiguram, ut barbære loqueris, sed viri umbilico tenus exstantis, atque ex amne emergentis imaginem: quis jam deinde reliquus est ambigendi locus, quin ad Cæsaream Palæstinæ referri nummum, legique hoc modo epigraphen oporteat, *Colonia Augusta Cæsarea*?



Nam ecquid habes, amabo, quod opponas? *Nullus est Cæsareæ fluvius proximus*, inquis, in Hadriano, pag. 223. atque 6.  
 idcirco depictum similiter fluvium in Cæsariensium nummis, Adonim esse putas, qui Byblon præterfluit: id quod passim in tuo opere inculcas, etiam tomo posteriore, pag. 26. Profecto si ita est, nihil jam vetat, quominus Orontem Samosateni, Antiocheni Euphratem insculpisse olim, aut hac ætate Parisienses in nummis suis Rhodanum, Sequanam Lugdunenses pingere existimentur. De Cæsarea tamen mox viderimus.

Dic interim tu vicissim, ecquis Æliam amnis subluir, cujus causa nummos istos Æliæ adjudices? Hic nos iterum, quoniam nullus Æliam amnis præterlabitur, ad Adonim & Byblios, quos tu Adoniones novo nomine appellitas, ablegas ac remittis: neque hic tantum, sed & in Severo ac Diadumeniano: Adonimque amnem pictum in Æliæ nummis asseveras. Qua auctoritate? quo teste credi vis Bybliorum religionem aut Cæsareæ receptam, aut Æliæ? aut quid nobis Adonidis fabulas occinis, quibus in Syriæ totius nummis, quos quidem adhuc videre cuiquam licuit, nihil est loci? Dic, si nullus utrobique proprius amnis est, cur magis Æliæ nummos adseris, quam Cæsareæ? Dic, quo tandem in nummo alterius amnis eo modo ac situ expressam effigiem videris, præterquam illius, qui oppidum ipsum, cui nummus adscribitur, alluat? Non sunt hi nummi Æliæ igitur, ubi nullus amnis.

Nam quod in Æliæ nummo, tum sub Severo, pag. 1. tum sub Diadumeniano, pag. 101. Astarten sculptam arbitraris, quæ fluvium, ut loqueris, pede calcatur, nempe Adonin, ut interpretaris: vide ne mera sint ingenii tui somnia: non sunt enim sculptoris. Stat Imperator ipse sub Serapidis effigie, ut alibi passim. Numinis ipsius, quod Æliæ colitur, caput dextra gerit, læva hastam puram: pede captivum premit. In Diadumeniani nummo præterea victoriolæ dextra 8.  
 lævaque globis impositæ coronas victori Augusto porrigunt. Quam ob victoriam rogas? Severi quidem notæ sunt palmæ: ob quas in nummis Arabicus, Adiabenicus, Parthicus appellatur. Diadumeniani victorias accipe a Julio Capitolino,

in Macrini vita. *Pagnavit tamen & contra Parthos, & contra Armenos, & contra Arabas, quos Eudæmonas vocant, non minus fortiter quam feliciter.* Non ignoras autem, opinor, unum cum Macrino patre Diadumenianum Augulli nomen gessisse, bellis interfuisse, simul vicisse. Sed ad nummos, de quibus præsens instituta disceptatio est, revertamur.

Cæsaream ergo cur negas amne allui? *Urbis situm*, inquis, loco citato, *apud Iosephum libro III. de bello, cap. XIV. videre est.* Amnis igitur forsan ibi aliquis post Iosephi ævum emerfit. Vidit enim amnem eum Jacobus de Vitriaco, testis locuples & idoneus, libro VII. belli sacri, cap. XXI. *Cæsaream*, inquit, *secundæ Palæstinæ metropolim, quæ præco nomine Turris Stratonis appellata est, pervenientes, secus fluvium, qui de paludibus eidem urbi adjacentibus defluit, castra metati sunt.* At amnem eundem memorant, Plinius Iosepho suppar ætate, ac Ptolemæus: ille sub Crocodilon appellatione: iste, sub Χερσέξ. Plinius enim libro V. sect. XIV. *Stratonis turris, eadem Cæsarea, ab Herode rege condita: nunc colonia prima Flavia, a Vespasiano Imperatore deducta. Finis Palæstines, deinde Phænice.* A quo fine paulisper digressus, ad eum revertitur, sect. XVII. *Hinc redeundum est*, inquit, *ad oram, atque Phænicen. Fuit oppidum Crocodilon: est flumen: memoria urbium, Doron, &c.* Flumini nomen inditum a crocodilorum copia innuit. Ptolemæus autem diversa via a Phœnice incipiens, pergensque inde in Palæstinam, libro V. cap. XV. Δῶρα, inquit, Χερσέξ ποταμὸν ἐκβολαί. Et capite sequente: Μετὰ τὰς δὲ Χερσέξ ἐκβολὰς, Κασάρεια Στρατών. Intelligis exinde eundem ab utroque amnem dispari licet nomenclatione indicari, cumque urbi proximum? atque ideo recte insculptam in ima parte nummi effigiem hominis ex amne emergentis, ut in Antiochenium numismatis, & Samosatensium, quamplurimisque aliis: qui typus appositum amni oppidum declarat.

6. Nam quod caput Astarte manu præfert, in nummo Cæsareæ sub Hadriano, pag. 223. atque adeo & in his duobus sub Antonino, papyraceum illud esse cum arbitraris, quod ab Ægypto Byblum mari deferri Lucianus narrat: plane id alienum est hoc loco, nec ulla ex parte verum. Caput



enim esse Serapidis, qui Cæsareæ æque atque Æliæ coleretur, ut nummi alii innumeri testantur, in quibus unius Serapidis caput exstat : tum ipsis nummis credere debuisti, quos Æliæ nunc immerito tribuis, pag. 239. & Cæsariensi alteri sub Julia Domna, pag. 25. Nam capiti illi, quod Astarte manu tenet, calathus impositus est, insigne Serapidis. Tum Bocharro habenda fides fuit, de simili Astartes effigie hoc ipsum affirmanti, ut confiteris, pag. 281. in nummo Cæsareæ, sub Aurelio principe.

Sed quo jure Augusta Cæsarea tantummodo appellatur, primæ Flaviæ appellatio detrahitur ? inquires. Sentio enim hunc tibi hæere scrupulum. Eximam vero perlubenter. Quo plane jure in nummo Hadriani, quem tu ipse pagina proxime antecedente laudas, ut innumeros alios similes præmittam, COL. BER. *Colonia Berytus* tantum inscribitur, deposito Juliæ Felicis prænomine, quo sæpe gloriatur, quod ei uni in hoc tractu competit : aut COL. COR. *Colonia Corinthus*, seposita Laudis Juliæ simili nomenclatione : aut ipsa denique Cæsarea in Titi nummo COL. CAESAREA tantum inscribitur, nullo adjecto prænomine. Quis enim non intelligit compendii causa dici scribique *Colonia Augusta Cæsarea*, pro *Colonia prima Flavia Augusta Cæsarea* ?

Satis igitur habeto suos Æliæ Capitoliæ nummos adsignare : alienos cave adjudices : nec ægre feram sane vicissim Græcum Severi nummum, ΚΑΠΙΤΩΛ. ΙΕΡ. ΑC. ΑΥ. hoc est, Καπιτωλιάδος ἱερῆς αὐτοῦ αὐτονόμου, Capitoliadi Cælesyriæ oppido adscribi, adimique Æliæ Capitoliæ, cui V. Cl. Holstenius dederat : tametsi iis persuasus argumentis istud ultro dem atque concedam, quæ sentio nondum te esse subodoratum.

ANTIOCHIAE Syriæ nummos duos a te esse adjudicatos, qui sunt Antiochiæ Pisidiæ.

GEMINUM affers pariter Antiochiæ nomine nummum inscriptum, alterum pag. 189. sub Vespasiano, alterum sub Domitiano Cæsare, pag. 197. eodem utrumque annusculum, eadem turriti capitis effigie, eadem epigraphe in-

signitum, ANTIOCHIA. De utroque quid censeas audimus. *Ad Antiochiam Syriæ*, inquis, *Tristanus & Patinus hunc nummum revocant. Pater vero Harduinus illum ad Antiochiam Pisidiæ coloniam ex ejus epigraphe Latina pertinere contendit. Sed hæc in nummis coloniarum Antiochenfis in omnibus suis nummis inscribitur.* Atqui & nos verissime numismata omnia, quæ Antiochiæ Syriæ nomen præferant, Græce esse scripta contendimus: nec tu ullo probaveris documento coloniarum vocem a Pisidicæ nummis nunquam abfuisse. Exstant siquidem percussa numismata ab Antiochenfis Syriæ sub Augusto, Tiberio, Claudio, Nerone, Hadriano, Vero, Commodio, Severo, Caracalla, Macrino, Diadumeniano, Gordiano III. Tranquillina, duobus Philippis, Otacilia, Decio, Etruscilla, Herennio Decio, Hostiliano, Treboniano, Volusiano: ecquod istorum non Græcum est? Videsis igitur proferas ut idoneum argumentum, quo planum fiat, quamobrem hæc ibidem immutata ratio sit: atque uno hoc anno Latine inscripti sint, qui reliquis tum prioribus, tum subsequenter, nonnisi Græcam epigraphen exhibeant.

At nec Pisidicam semper Antiochiam COL. ANTIOCHIA, vel ANTIOCHEN. inscribi necesse est, adjecto sic coloniarum vocabulo. Alioqui quid fiet aut Corinthi nummis plerisque, a quibus vox eadem COL. abest, etiam sub Julio Dictatore: aut iis quos tu ad novam Carthaginem, nos, ut dicemus, ad Norbam Cæsarianam revocamus? nam in his nunc adjecta coloniarum vox est, nunc eadem abest, ipso confitente te. An igitur ad alia continuo oppida eos, qui voculam hanc expressam habent: ad alia eos, in quibus ea nota desideratur, es relaturus? minime sane, opinor. Antiochiæ igitur Pisidicæ hos quoque restitue: de qua Plinius noster, libro v. sect. xxi v. *Pisidæ, quorum colonia Cæsarea, eadem Antiochia.*



ANTIOCHENÆ civitatis utriusque , Syriacæ  
nimirum , ac Pisidicæ , nummis insculptæ litteræ  
quo spectarent , te nescisse.

**M**AXIMA de his litteris Δ. E. hoc est , *Δημαρχικὴ ἐξουσία*, *Tribunicia potestate* , & S. C. *Senatusconsulto* , II.  
quæ in Antiochenis & Syria nummis occurrunt , inter  
eruditos disceptatio est , quam vim illæ habeant , quid signi-  
ficent. Ais tu passim , maxime vero in Caracalla , pag. 34.  
in Macrino , pag. 90. in Diadumeniano , pag. 102. & 103. in  
Elagabalo , pag. 107. & 122. alibique , posterioribus litteris  
significari concessam a Senatu Romano Antiochenisbus cu-  
dendæ monetæ facultatem : prioribus , eam designari Tri-  
buniciam potestatem , quam a Sylla extinctam Pompeius  
restituit : concessumque jus idem Antiochenis a Populo  
Romano cum Senatu conjunctim. Nos deinde , quod paulo  
secus ac tu sentimus , subinde , ut soles , non urbanissime in-  
crepas. Ut orationis operam compendifaciam , sic habeto.  
Duum generum monetam coloniæ multæ *cuserunt*. Cuderunt ,  
vولي dicere : sed tua semper solœca vel invito mihi sese offe-  
runt : quale istud , quod sapiuscule usurpas : in primis tomo  
priori , pag. 85. Duplex , inquam , moneta coloniarum ex  
eadem officina & fabrica prodiit. Nam quod ais Antiochiæ ,  
aliisque locis duas exstitisse monetæ cudendæ basilicas , pace  
tua dixerim , mera divinatio est : neque ea certe probabilis :  
cum unica sit Lutetiæ Parisiorum , quanto populosiore , quam  
Antiochia , civitate ?

Quin dixisti potius unius Monetæ opifices fuisse plures ,  
plures monetarios , plures officinas ? Neque enim fere exi-  
stimandum est , aut ullo id certe argumento liquet alibi  
contigisse , quod Sidonius Apollinaris de Narbone cecinit ,  
carmine XXI II.

*Salve , Narbo , potens salubritate ,*

*Portis , porticibus , foro , theatro ,*

*Delubris , capitoliis , MONETIS.*

Duas enim tunc illic esse Monetas : alteram , quæ Gothicæ  
pecuniæ : alteram , quæ Romanæ figurandæ incumbet , ex

usu illius ævi fuit. At unicam in ipsa urbe Constantinopolitanā Monetam, ut Capitolium unum, exstitisse, descriptio ejus urbis sub Theodosio juniore edita admonet. Unicam pariter Roma vetus habuit, cujus effigiem nova repræsentavit. Verum in una basilica, sive Moneta, plures monetarii, plures monetariorum officinæ fuere. Quot, inquires? Constantinopoli quidem saltem tres, usque ad Valentis tempora: ut ex Valentis, Valentinianique nummis apparet. Nam Valentis quidem inscripti, OFF. II. CON. & OFF. II. CONST. Valentiniani, OFF. III. CONST. *officina secunda, officina tertia Constantinopolitana*, apud V. Cl. Mediobarbum. Postea fuere decem, hoc modo in nummis signatæ, quem nondum vidimus a quoquam esse animadvertum.

Prima, CON. A. in nummis Anastasii, Justinii junioris, Tiberii, Heraclii, Leonis Isauri: post cujus tempora CON. aut CONOB. in Augustorum nummis scribi desitum est. Item CONS. A. in nummis Constantini Magni, Juliani. KONS. A. Constantii, Juliani. CONSP. A. hoc est, *Constantinopoli percussa, officina prima*, in nummo Joviani. A. COMOB. in nummis Arcadii, Tiberii: hoc est, *officina prima, Constantinopoli moneta obsignata*. Denique A. CONOB. in nummis Anastasii, Justiniani.

Secunda, CON. B. in nummis Anastasii, Justinii junioris, Tiberii. B. COMOB. Theodosii Magni. B. CONOB. Theodosii Magni, Basilisci, Justiniani, Tiberii.

Tertia, CON. Γ. Justinii junioris, Focæ, Heraclii Constantis. CONS. Γ. Arcadii. CONSP. Γ. *Constantinopoli percussa, officina tertia*, Juliani.

Quarta, CON. Δ. Justiniani, Tiberii, Heraclii Constantis. Δ. COMOB. Justinii. Δ. CONOB. Zenonis, ex Mediobarbo: Justinii.

Quinta, CON. Ε. Flaccillæ, Anastasii, Mauricii, Focæ, Heraclii. Ε. COMOB. in nummo Arcadii aureo, qui apud nos est: in media area, S. M. *Sacra Moneta*. Ε. CONOB. Basilisci, ex Mediobarbo: Heraclii, Justiniani II. sive Rhinotmetri, qui se SERVUM CHRISTI in nummis inscripsit.

Sexta;



Sexta,  $\zeta$ . CONOB. Anastasii, Justinii.

Septima, Z. CONOB. Arcadii : & ex Mediobarbo, Leonis M.

Octava, H. CONOB. Placidii Valentiniani, Tiberii, Heraclii.

Nona, C.  $\Theta$ . Justiniani, ex Strada.  $\Theta$ . CONOB. Leonis junioris, ex eodem.

Decima, I. CONOB. Theodosii junioris, Zenonis, Constantini Pogonati.

Neque vero Constantinopoli dumtaxat, sed & in aliis civitatibus officinae plures fuere. Antiochia decem similiter occurrunt.

ANT. A. in nummis Juliani, primam designat.

AN. B. Martiniani, Licinii : & ANT. B. Valentis, Theodosii, Honorii, Arcadii, secundam.

ANT.  $\Gamma$ . tertiam, Valentiniani M. Theodosii, Honorii, Arcadii.

ANT.  $\Delta$ . Honorii, quartam.

ANT. E. quintam, Valentiniani M. & SMAT. E. *Sacra moneta Antiochia, officina quinta*, Constantini M.

ANT. S. Arcadii, quintam : ubi S pro  $\zeta$ , ut alibi. In nummis Tiberii, & Mauricii, THEVP.  $\zeta$ . ( alicubi men- 129.  
dose TUCUP S. pro THEUP. S. ) hoc est,  $\Theta$ :  $\epsilon$   $\pi$   $\omicron$   $\lambda$   $\epsilon$   $\zeta$ .  
*Theopoli, officina sexta*. Theopoleos nomen Antiochia inditum a Justiniano esse nemo eruditus ignorat. Annum quo id ei nomen obtigit, Evagrius indicat, libro IV. hist. Eccl. cap. VI. nempe Justiniani secundum : æræ vulgaris, DXXVIII.

ANT. Z. Constantini nummus septimam exhibet.

ANT. H. octavam, Valentiniani nummus.

ANT. X. Justinii junioris, decimam.

Carthagine quoque fuere octo, ut minimum. S. M. K. Licinii junioris, Helenæ Juliani : item M. K. V. *moneta Carthaginiensis urbis*, Licinii : & K. A. Nigriniani, apud Mediobarbum, primam designat officinam. Alteram, S. M. K. B. *Sacra moneta Carthaginiensis, officina secunda*, in nummis Licinii junioris, Constantini junioris, Theodosii. S. M. K.  $\Gamma$ . Flaccillæ : & M. K. V.  $\Gamma$ . Constantini Magni, tertiam : *Moneta Karthaginiensis urbis, officina tertia*. K.  $\Delta$ . Constantini M.

& S. M. K. Δ. Licinii junioris, quartam. Quintam, K R T Ε, Mauricii : vel Constantii K Ε, *Carthagine, officina V.* Sextam K R T S, Heraclii Constantis : ubi pro ῥ posita littera S a monetæ opifice est. Octavam denique Nigriniani nummus, apud Mediobarbum, K A. H.

Cyzici in Bithynia duas animadverto sub Foca : K Y Z. A. & K Y Z. B.

Lugduni in Gallia saltem duæ fuere. A. P. L C. *officina prima percussam Lugduni* pecuniam significat. B S L C. signatam Lugduni officina secunda : nummus uterque Juliani est : ut & alter inscriptus, L V G D. O F F. S.

Nicomediæ in Bithynia, N I K O. A. Tiberii, Philippici.

Ravennæ, R A. A. & R A V. A. Heraclii, primam officinam indicant : quartam, R A V. Δ. Heraclii Constantis.

Siscia in Pannonia decem fuisse non immerito suspicamur, quod in nummis septimam vidimus. A. S I S C. Valentis, Gratiani. A. S I S. Licinii junioris, Crispi, Constantini junioris, Constantii, Constantis, Theodosii junioris. B. S I S. Vetrantonis. Γ. S I S. Constantini junioris. Ε. S I S. Constantini M. S M S I S E *Sacra moneta Siscia, officina quinta*, Valentiniani M. Denique S I S C P Z. *Siscia percussa, officina septima*, Valentis, Gratiani.

Thessalonicæ primam denotat, T E S. O B. Tiberii : T H E. O B. Leonis M. & T E S. A. Flaccillæ. Unde plures ibi existisse haud inanis conjectatio est.

Treviris saltem quinque fuere, Latinis distinctæ litteris, & subinde Græcis. A. T R. Crispi, Constantini junioris : vel absque priore littera, T R. O B S. *Treviris obsignata*, in nummis Constantini junioris, Gratiani, Valentiniani junioris, primam designat officinam. Secundam, B. T R. Crispi. T R. O B. C. Valentiniani junioris, tertiam. Quintam, P T R Ε, *Percussa Treviris, officina quinta*, Constantini M. T S E. Constantis : *Treviris signata, officina quinta* : & S. M. T. S. Ε. Delnatii : *Sacra moneta Treviris signata, officina quinta*.

Viennæ denique in Gallia Narbonensi fuisse pariter plures indicat ille Mauricii Imp. nummus, cujus in averfa parte legimus, ( nam hos omnes, ne dubites, nummos contrecta.



vinus, præter eos, quos ex Mediobarbo, Occone, Strada, citamus : ) VIENNA. DE. OFFICINA. LAV-  
RENTI.

Græcarum itaque civitatum, in quas deductæ coloniæ essent, ( de Latinis enim postea viderimus ) in eadem Moneta, diversis licet officinis, pecunia altera Græce fuit inscripta, sine coloniæ mentione : Latine altera, cum coloniæ nomine. Hæc posterior moneta etiam in Urbe admittebatur : prioris usus in provinciis tantum fuit. Græcæ porro nonnullæ civitates, cum in eorum agros deducti coloni non essent, coloniæ tamen prærogativa ac titulo sunt cohonestatæ : sed Græce semper nummos inscribere. Talis in Syria Antiochia, quæ a Caracalla id nomen ac jus impetravit. *Divus Antoninus*, inquit Paulus J.C. libro L. Digest. tit. xv. de censibus, *Antiochenfes colonos fecit, salvis tributis*. Colonos fecit, colonos eo non deduxit. Laodicea similiter in Syria Cæle. In Mesopotamia, Amida, Carrhæ, Edeffa. Principes vero, quantumvis ad eorum arbitrium omnia fierent, tamen plerumque studiorum populi, ac Senatus auctoritatis habere se rationem videri voluere. Quare cum coloniis istius generis jus impertirent conflandæ monetæ, & rescriptum illi suum sub sacrosancto Tribunicia potestatis nomine, quo se summum esse populi plebisque Romanæ magistratum profitebantur, testatum in nummis esse voluere : deinde & Senatusconsulti adjici mentionem. Quæ causâ est quamobrem vel eæ litteræ Δ. Ε. summam horum nummorum aream im-  
pleant, vel duæ illæ voces ΘΗΜΑΡΧ. ΕΞΟΥΧΙΑC in  
ambitu descriptæ sint, tanquam potiore ac nobiliore loco :  
inferiorem modo areæ partem litteræ illæ obtineant, quæ  
Senatusconsultum denotant. Sic enim fit, ut tamen si ratio  
ac vetus ordo postuler, uti Senatus Populusque Romanus  
dicatur : nunc ratione mutata Tribunicia potestas, qui po-  
puli magistratus est, quoniam translata est ea potestas ad  
Augustos, priore loco memoretur : & in nummis etiam Au-  
gustarum apponi debeat : quoniam populi Romani nomine  
facta ea potestas his vocibus significatur, quæ potestas om-  
nis penes Imperatores fuit.

Solo interdum rescripto Principis impetrato, nec expectato

Senatusconsulto, monerem aliæ coloniae percussere, ut Laodicea in Syria: cujus in nummis idcirco solas Δ. E. litteras reperire est: non quod metropolis secunda esset dumtaxat, non prima, ut tu auguraris in Elagabalo, pag. 122. Nam præterquam quod in Syria Cœle unica metropolis ea fuit, non in Syria prima, ut arbitraris: quid istud, quæso, ad rem? Detractæ sunt litteræ S. C. a nummis Laodicensium, quæ in Antiochenis nummis visuntur: cur? quia Laodicea secunda tantum metropolis fuit. Cui non omnino hebeti talem esse causam probabilem suadebis?

Veram accipe. E Principibus Romanis quosdam impotentiores fuisse, qui omnia ad arbitrium neglecta senatus potestate gererent, nemo nescit. In his Severum fuisse pariter compertum est. Is Antiochenis sua jura ademit, quæ in Laodiceos propria auctoritate transtulit. Constat & illud tum ex Herodiano, libro 111. tum ex Spartiano in Caracalla. Nec vero adhuc ulli Antiochiæ fuerant cusi nummi, qui Romæ admitti possent, cum colonia non esset, aut municipium civium Romanorum. At Laodiceos Severus colonos fecit, Populi Romani nomine: non exspectato, ac ne postulato quidem Senatus consensu. Quare in nummis Laodiceis solummodo mentio Tribuniciae potestatis occurrit. Videri moderatior Caracalla voluit, quare *Antiochenis jura vetusta restituit*, inquit Spartianus, colonos eosdem fecit, cudentæ pariter monetæ, quæ Romæ admitteretur, jure concessio, tum sua Tribunicia potestate, tum Senatusconsulto.

12. Sed moneta Urbis, M O N. V R B. aliam ob causam appellata in Antiochenis e Syria nummo, quem sub Philippo seniore commemoras, pag. 128. nempe quoniam in Urbe, hoc est, Romæ figuraretur. Concessum illis singulari Principis beneficio, ut in urbana quoque Moneta, ipsorum nomine nummi formarentur: qui proinde essent, quantumvis Græcæ civitatis nomen præferrent, in usu publico, sive ut leges loquuntur, lib. 19. Cod. Theod. tit. 22. 11. *Si quis pecunias*, leg. 2. in conversatione publica, perinde occidente toto, atque alii ejusdem civitatis, quibus epigraphe Latina non esset, in suo tractu. Neque enim levis est allucinatio tua, qui Urbis nomine Antiochiam, non Romam, intelligi



putes posse. Dic, amabo, in nummis Constantii Chlorig, & Maxiriani Armentarii, apud Mediobarbum, SACRA. MONETA. VRB. AVGG. ET. CAESS. NN. item in nummo Crispi, MONETA. VRBIS. VESTRAE. quam Urbem, nisi Romam designat? *Monetæ opifices intra Urbem*, & Monetam Urbis cum audis, eandemne utrobique urbem, nempe Romam, designari putas? Atqui de illis Sex. Aurelius Victor, in Aureliano: *Intra urbem monetæ opifices deleti, qui cum auctore Felicissimo rationali nummariam notam corrossissent, pænæ metu bellum fecerant.* Vidistin in Severi nummo, RESTITVTORI. VRBIS? Quamnam ibi putas intelligi oportere? Piget porro in re trita & pervulgata diutius immorari.

Jam coloniarum in oppida quævis deductarum moneta omnis Latine inscripta, cui Augustorum essent aut Cæsarum vultus impressi: item municipiorum, quæ vel Imperatorum dumtaxat, vel præterea Magistratuum, quos a Romanis acceperant, nomina similiter Latine præferret, in Urbe pariter admissa est. Alia quælibet, oppidorum etiam illorum, in quæ essent deductæ coloniæ, aut Græce inscripta, aut peregrinis signata symbolis, propriis cujusque civitatis, Romæ non est admissa: sed in usu modo regionis ac provinciæ fuit, ubi signabatur. Augusti ac Tiberii principatu non potuit in coloniis aut municipiis prioris generis moneta signari, absque rescripto Principis: vel Populi Romani nomine, permissu Proconsulis. Id quod nummi declarant trium generum. Primum ii, in quibus PERMISSV. AVGVSTI. scriptum est, quorum aliquot inferius appellabimus. Deinde coloniæ Patrensis nummus, in quo MONETA ex indulgentia Augusti IMPETRATA dicitur. Quid enim? an jus conflandæ in ipsa Patrensi civitate monetæ intelligendum est? Minime vero: cum & ante hæc tempora, & post illa deinceps Græce inscripti nummi occurrant, ΠΑΤΡΩΝ, ΠΑΤΡΕΩΝ, & ΑΡΟΗ ΠΑΤΡΕΩΝ, adjecto interdum Proconsulis nomine, ut diximus pag. 385. operis nostri de nummis. Sed prærogativa intelligitur monetæ cudendæ nomine coloniæ, quæ moneta Romæ perinde atque in provincia ultro admitteretur. Postremo, nummi inscripti apud te

13.

14.

sub Tiberio, pag. 132. PERMISSV DOLABELLAE PROCOS. & Drusi nomine pag. 134. PERMISSV APRONI PROCOS III.

Post ea tempora, cum in nummis coloniarum ac municipiorum ea formula non occurrat, quævis moneta in toto orbe Romano Latine inscripta, Augustorum aut Cæsarum vultus exhiberet, admissa ultro & in Urbe fuisse plane videtur, cujuscunque coloniae aut municipii foret. Donec officinae quaedam ac fabricae monetariae institutae certis locis, de quibus nos egimus pag. 458.

Horum cum tu nihil dicas, quæ tamen debent esse in confesso, quid juvat in iis confutandis, quæ dicis, quæque absunt ab his & a vero longissime, chartam tempusque perdere? Quæres fortassis a me, cur Græce eæ litteræ scriptæ sint, quæ Tribuniciam potestatem signarent, non Latine, perinde atque quæ Senatusconsultum. Breviter dicam. Primum: quoniam iis characteribus scribi decuit, quibus ipsum in eo nummo nomen Imperatoris scriberetur, cujus est illa auctoritas propria: est autem illud in omnibus Antiochenis nummis Græce. Deinde, quod litteræ istæ T. P. simplices ac solitariae aut nunquam aut vix usurpari solitæ pro Tribunicia potestate. Denique, quæ potissima ratio est, quod non tam aperte ac perspicue Latina vox Tribuniciae potestatis, quam Græca *Δημαρχικὴ ἐξουσία*, potestatem factam populi Romani nomine significat.

15. Quid quod autem nonnullarum etiam coloniarum officinae Romam translata? Dic aliquam, inquires, ejusmodi. Antiochenam Pisidicam: cujus nummis inscriptæ litteræ S. R. sub Severo, tomi tui posterioris, pag. 2. sub Caracalla, pag. 35. sub Geta, pag. 76. & 77. in Elagabalo, pag. 108. sub Alexandro Severo, pag. 160. sub Gordiano III. pag. 198-199. 200. & 201. sub Philippo patre, pag. 229. denique sub Decio, pag. 276. Nam quid hæ tandem litteræ denotant? Senatum Romanum, inquis. Quanto aptius litteræ duæ, S. C. pingerentur, ut intelligeretur Senatus consultum? Deinde quis Senatum Romanum in nummis aliquando, aut lapidibus vidit? Denique, si Senatus ibi Romanus accipiendus est, cur abest populi mentio, quæ in Antiochenis Syriæ



& Laodiceus, tam accurate litteris Δ E designatur? *Signatam Romæ* pecuniam scito significari: atque ex eo disce quanta tibi sint ex tuo opere placita eradenda. Posterior ætas sub Constantino M. nunc scripsit P E. R. P. *Pecunia Romæ percussa*: nunc P. R. vel P. R O M. *Percussa Romæ*: nunc R. dumtaxat *Romæ*: nunc R O. P. S. *Romæ pecunia signata*, sub Honorio: nunc R. S. ( quod idem valet, opinor, atque S. R. ) *Romæ signata*, in nummis Licinii & Nepotiani: in Valentis, S. M. R. P. *Sacra moneta Romæ percussa*: quibus formulis similes fere ducentas aliorum locorum, in quibus moneta cuderetur, collegit Vir clarissimus Du-CANGIUS, in opere de inferioris ævi numismatibus, pag. 36. 37. 38. quod opus si legisses, aut si auctorem consuluisses, næ tu in hoc genere plurimum profecisses. Fuit enim ille vir cum eruditionis eximiæ, tum mirificæ humanitatis: neque doctrina magis, qua vicit omnes, quam comitate ac facilitate morum admirandus: cujus cum testes sint, quotquot in hac civitate eruditi degunt: tum ego in primis, quem ille paternæ, dum viveret, caritate ac benevolentia sic complectebatur, ut menstruis me, nam sic urbane vocabat, salutationibus cohonestaret, optimis revera potius præceptionibus imbueret atque institueret. Et nos illum vicissim ceu parentem amantissimum optimumque, vivum coluimus, mortuum luximus: cujus nostræ observantiæ dolorisque nostri significationem, nulla non lucubratio nostra exhibebit, dum tanti viri imago, qualem hausimus oculis, cum ille nos in extremo spiritu amplexaretur, animis obversabitur: hoc est, dum vita superstes erit. Sed ad te redeamus.

Hic tu autem haud dubie, cum neque sis tardi in dividendo ingenii, neque naris obesæ, ubi Moneta Urbis quæ fuerit, a nobis didiceris, statim subodorabere latere aliquid simile in voce CON. KON. CONOB. KONO B. & COMOB. quæ in multis ex omni metallo nummis Imperatorum Orientis & Occidentis, immo etiam & in aureis aliquibus primæ stirpis Francorum regum nummis occurrit. Et nostram tu forte jamdudum conjectationem felici Minerva antevertisti. Dic igitur, si potes, quamobrem ex litteræ, CONOB. & COMOB. quæ a temporibus Constantini

M. visuntur in nummis, quarum hæc interpretatio est, communi eruditorum suffragio recepta, & iis quæ paulo ante diximus de Monetariis CP. decem officinis, haud mediocriter confirmata, *Constantinopoli obsignata*, *Constantinopoli moneta obsignata*: Latinitate tunc scilicet rudiore: ut TROB. & TROBS. in nummis Constantini junioris obsignatam Treviris manifeste significat: quamobrem illæ, inquam, litteræ etiam in Honorii, Attali, Constantini tyranni, Jovini, Joannis, Petronii Maximi, Aviti, Majoriani, Libii Severi, Anthimii, ( sic enim in nummis nostris nomen istud scribitur: ) Glycerii, Nepotis, Romuli Augusti, nummis sint insculptæ, quos nummos constat in occidente formatos? Cur in ea quoque aurea moneta visuntur, quæ Childrici & Chlotarii regum nostrorum nomina conjunctim repræsentat? cur in aureis pariter Theodeberti nummis? Rem paucis, ne forte hæreas, indicabo.

Francorum, Burgundionum, & Gothorum reges, qui Gallias, Hispanias, Italiamque tenuere, militare se pro rei publicæ incolumitate: ac sub Imperatoris Romani auspiciis, qui Constantinopoli degeret, hos se tractus regere profitebantur. Itaque cum gentis quisque suæ rex esset, rectorem se regionis, quam sub ditione haberet, appellabat. Quemadmodum in Oriente, Aureliani principatu, Vabalathus Odenati Palmyrenorum principis nepos pro Cæsare imperitavit, ut nummus ejus declarat, VABALATHVS VCRIMOR. Quas litteras ante quadriennium interpretati sumus, *Vice Cæsaris Rector Imperii Orientis*. Nam & ab Avito Viennensi, epistola LXXXIV. Theodericus rex Gothorum *RECTOR ITALIÆ* nuncupatur: & ab Evagrio, libro IV. hist. Eccles. cap. XIX. idem administrasse imperium occidentale in Italia, & occidentalibus copiis præpositus dicitur, ut post Theodahatum Vitiges.

Quin etiam iidem imperatoris aulæ se Proceres dicere, sive Comites, nonnulli etiam imperatoris famulos ac milites, haud dedignati. Sigismundi certe Burgundionum regis ad Anastasium Imp. hæc oratio est, epistola LXXIX. ab eodem Avito Viennensi dictata, nec ulla rerum necessitate expressa, sed solo officio, ac sola consuetudine. *Si devotionem nostram,*

*quæ*



*qua vobis animo militamus, etiam corporaliter præsentari obex temporum regionumque non patitur: quod tamen habemus in votis, exserere tentamus officiis. Credimus enim toties coram sacris gloriæ vestræ obtutibus intromitti, quoties solitudinis debitum studio paginæ famulantis offerimus. Nam licet mundum latere nequeat vestra prosperitas, & orbem suum radiis perspicuæ claritatis illustret: dulce tamen est, si hi, quos militiæ fascibus, & peculiaris gratiæ pietate sustollitis, quos in extremis terrarum partibus aula pollentis contubernio, & veneranda Romani nominis participatione ditatis, specialiter gaudia vestræ perennitatis agnoscant, quæ generaliter cunctis famæ concelebrat. Ornat quippe imperii vestri amplitudinem longinquitas subiectorum, & diffusionem reipublicæ vestræ adserit quod remotius possidemur. Rursumque in epistola LXXXIII. Gloriosissimo principi nostro, qui corpore absumus, animo præsentamur. Et quanquam istud famula vestra prosapia mea ex devotione persolverit, me tamen gratiæ debitorem, non magis parentalia debita, quam beneficia mihi impensa fecerunt. Vester quidem est populus meus: sed me plus servire vobis, quam illi præesse delectat. Traxit istud a proavis generis mei apud vos decessoresque vestros semper animo Romana devotio, ut illi nobis magis claritas putaretur, quam vestræ per militiæ titulos torrigeret celsitudo: cunctisque auctoribus meis semper magis ambitum est quod a principibus sumerent, quam quod a patribus attulissent. Cumque gentem nostram videamur regere, non aliud nos quam milites vestros credimus ordinari. Denique, epistola LXXXIV. Igitur post obitum devotissimi fidelissimæque patris mei, Proceris vestri, &c.*

Eam ob rem his regibus & patriciatus & consulatus codicillos atque insignia, aliosque titulos dignitatum, Romani Imperatores detulere. Unde & Theodericum regem Gothorum, *Magistrum præsentis militiæ*, in Chronico Marcellini Comitæ, anno CCCCLXXXIII. Fausto solo Cos. & alios, Magistros militum sæpe appellatos legimus. Patriciatum Sigismundo Burgundionum regi delatum Avitus testatur, epistola VII. Theodericum eundem a Zenone patricium esse creatum annales alii prodidere. Ad Clodoveum quoque regem Francorum, post victoriam Gothicam, codicillos de consulatu ab Anastasio Imp. missos refert Gregorius Turo-nensis, libro II. cap. XXXVII. Itaque consulatus ille munia

obiit, cum in urbe Turonensi esset. Nam *adscenso equo, aurum argentumque . . . . presentibus populis manu propria sparsit, voluntate benignissima erogavit, & ab ea die TANQVAM CONSVL ET AVGVSTVS est vocatus.*

Hinc & Justinianus Imp. passim se Gothicum, Francicumque inscribit: & ante ipsum Anastasius Aug. in litteris ad Senatum Urbis Romæ missis, Petro V. C. Cos. *Francicum inclytum* se appellat: qua cum gente non bellum ei, sed amicitia fuit: ut ex consulatu apparet, quem Clodoveo detulit. Cur ergo hæc uterque sibi nomina adserit? Quod haberet utique harum gentium reges sub se militantes, id quod perhonorificum Augustis fuit. Inepta est enim, & a vero prorsus abhorrens Agathiae conjectatio, libro 1. pag. 15. Theodebertum regem Francorum, quod agre ferret hos sibi titulos Justinianum arrogare, bellum ei denuntiassè, sed in proximo diem obiisse.

Quin etiam centum amplius annis post Theodeberti obitum, imperante Constantino Pogonato, occidens universus ad imperium attinere existimatus est, cui Græcorum Cæsar præesset. Quare in epistola ad Constantinum Imp. nomine synodorum concilio Apostolicæ sedis subjacentium, hoc est, suburbicariarum regionum, Italiæ, Galliarum, ac Britanniarum, (nam Hispani defuere:) scripta anno DCLXXIX. episcopi horum tractuum, qui epistolæ subscripsere, Imperatorem his verbis compellant. *Omnes nos exigui ecclesiarum præsules VESTRI christiani IMPERII famuli, in septentrionalibus vel occiduis partibus constituti.*

Sed quorsum tam longe divagamur? inquires. Accipe. In occidente quoque percussi Augustorum nummi, vel tyrannorum etiam, qui pro Imperatoribus & Augustis se gererent, has habent insculptas litteras, CONOB. Quid ita? Ut & se consortes imperii, parisque cum Imperatore CP. dignitatis ac fortis, consensionisque cum illo, hac nota populis facerent fidem: & suo idcirco nomine pecuniam signatam in usu quoque orientis esse orientales ipsi ex iis notis agnoscerent, perinde ac si Constantinopoli conflata esset. Nam ex quo Byzantium Constantinus sedem imperii transtulit, urbs illa deinceps orbis Romani caput existimata est:



*Sceptrorum columen, imperii genitrix*, ut a Sidonio Apollinari nuncupatur, Carm. 2. Quin etiam in Occidente ordinati Cæsares voluntate Imperatoris CP. ut de Majoriano Aug. refert Marcellinus Comes, Sidonius de Anthemio, alique de aliis. Quam ob causam hujus regiae urbis nomen præferre monetam oportuit, quæ in totius orbis Romani usu foret. Has ergo notas Occidentales Augusti in moneta Palatina, hoc est, in ea quæ in Palatio cudebatur, tanquam Augustæ potestatis consortiique in imperio tesseram, insculpi statim curavere, CONOB. vel COMOB.

Istud in occidente primus ex omnibus usurpavit, nec vero quisquam potuit ante ipsum, Constantinus junior, Constantini M. F. In nummo scilicet Arelatensis fabricæ, quam hæ litteræ A. R. in media nummi area positæ indicant: nempe ubi tunc comitatus, sive aula fuit: legere est KONOB. Sic postea Valentinianus M. in moneta Ravennæ percussâ, quod litteræ R. V. docent, CONOB. adjecit in imo margine, teste Occone. Honorius in aureo nummo, CON. in argenteo Libius Severus, COMOB. jussit insculpi. Uterque in Cimelio nostro est: Ravennæ cusum eadem litteræ admonent. Ut ceteros autem omittam, quos alii indicavere, Constantinus tyrannus, qui ex Britannia in Gallias Honorii principatu venit, & his in potestatem redactis Consularum edidit anno ccccix. ut docet vetus inscriptio, quæ Treviris exstat, ΥΠΑΤΕΙΑ. ΟΝΩΡΙΟΥ. ΤΟ. Η. ΚΑΙ. ΚΩΝΣΤΑΝΤΙΝΟΥ. ΤΟ. Α. is, inquam, de more Augustorum, in nummo aureo, quem nos habemus, tum nomen suum insculpi jussit, D. N. YSTAN...INVS. PP. AVG. (Y pro CON per notarum compendia. quales Tironi ac Senecæ adscribuntur:) tum ex aversa parte, perturbatis, ut videtur, sculptoris vitio litteris, VICTORIA. AVGVSTOR. in infimo margine, CONOB.

In Anthemii nummo CORNOB. legi aiunt, monetarii fortassis vitio: nam & Strada, a quo hic nummus describitur, & in Museo nostro nummi Anthemii CONOB. habent. Sed si CORNOB. legi placet, sententia erit, *Constantinopoli Romæ novæ obsegnata*. Nam Roma nova, hoc est, Roma altera Constantinopolis, ut pueri norunt, appel-

lata est : quo sensu , id quod viris doctis latuit , Leo junior in nummo aureo Leo novus appellatur , hoc est , Leo alter : qui virtutes prioris , nempe avi sui Leonis M. repræsentaret. D. N. ZENO. ET. LEO. NOV. CAE.

Anthemii nummo similis hac in parte nummus , ut aiunt , Euphemiæ Augustæ , quæ Justini Imp. uxor : habet enim CORMOB. *Constantinopoli Romæ moneta obfignata*. Sic enim appellari eam urbem subinde solitam esse , absque réas cognomine , ΚΠ'εως 'Ρώμης , docent epistolæ in primis duæ Sergii & Pyrrhi Patriarcharum CP. in Concilio Lateranensi , Secret. III. Sed pariter temere insertam litteram R hoc in nummo nihilominus suspicamur. Extra hos autem ceteri etiam in Occidente nummi Augustorum , CONOB. & COMOB. exhibent. Typi scilicet Palatinæ monetæ , Comitatusque fabricæ , ut appellat Ammianus , libro XVII. ubi eo verbo translate utitur : typi , inquam , monetæ , quæ in Palatio Imperatorum Occidentis cuderetur , fuere hujusmodi , a temporibus filiorum Constantini M. Quoniam decuit in Orientis quoque usu esse Imperatorum occidentis monetam Palatinam , quam a reliquis hæ notæ fecernerent. Quin etiam si conjunctissime cum Cæsare Orientis concordissimeque Occidentales imperarent , Constantinopoli quoque horum nominibus moneta figurabatur : qualis illa Placidii Valentiniani , H. CONOB. de qua diximus : neque illic tantum , sed & in reliquis civitatibus : ut Constantini junioris , Amidæ : Antiochiæ , Honorii. Et Orientalium vicissim nummi percussi in occidentalibus officinis : ut Licinii , Arelate : Lugduni , Valentis.

Communicatum autem cum Francorum regibus ab Imperatoribus CP. jus Augustorum fuit : quod ab illis propter profapiæ nobilitatem , decusque gentis , ut Gregorii Turo-nensis verbo utamur , TANQVAM AVGVSTI habebantur. In Gothicorum Regum , sive Italiæ , sive Hispaniæ nummis , eadem notæ , CONOB. vel COMOB. ne semel quidem occurrunt : quoniam neque tanquam Augusti habebantur : neque , quod ex eo confectarium fuit , eorum moneta aut Constantinopoli , aut omnino in publico Orientis usu fuit. Tanto ceterarum gentium reges jam tum regum



Francorum culmen excelluit, ut Gregorius M. postea pronuntiavit.

Nihil mirum igitur, si vel in nummis, quos Franci per se sponte deinde conflarent, CONOB. subscriberent: ut in nummo circiter annum DCLXX. conflato: qui ex una parte CHILDRICVS. REX. ex altera, CHLOTARIVS. REX. inscribitur: vel in his, quos Constantinopoli cufos, Francorum Regum nominibus, transmitti in Galliam Imperatores curarent. At prioris generis est, qui in Museo nostro adservatur, Theodeberti regis Francorum nummus aureus, Sirmondi nostri cura comparatus, mole quidem exiguus, sed probæ notæ, cum effigie regis ac nomine, D. N. THEODEBERTVS. C. hoc est, *Dominus noster Theodebertus Comes*. Comitem hoc loco, non Procerem aulae modo, sed Comitem rei militaris intellige, sive Magistrum militum, ut monuimus. Quemadmodum Stilico Comes & Magister utriusque militiae sub Theodosio M. in Oriente fuit: per Galliam & Italiam Comes & Magister militum sub Honorio. Sic Burgundionum rex Sigismundus eodem ævo Comitum rei militaris ab Anastasio obtinuit. Quare inter Aviti Viennensis epistolae duæ ab Avito dictatæ fuere, nempe XLII. *sub nomine domni C. S.* hoc est, *Comitis Sigismundi*, ad Vitalianum Senatorem: & LXXXIV. *sub nomine domni regis C. S. ad Imperatorem Anastasium*.

In parte autem nummi averfa, Victoria, seu Fama alata potius manu coronam præfert: in ambitu vero nummi inscriptio est huiusmodi: VICTORIA. ACC. C. D. N. RE. Sic enim perspicue legimus: sic punctis autem distingui litteras oportere arbitrati sumus, ut sententia sit, *Victoria accepta Comite Domino nostro Rege*. Nec omnino ineleganter acceptam victoriam Fama prædicat, dum ostendat coronam, insigne victoriæ: nam & accipere coronam, & accipere spolia, aliaque huiusmodi, Latine perbene dicimus. Imam nummi oram obtinent litteræ supradictæ CONOB. Hanc victoriam scilicet, quæcumque ea sit, difficile est enim statuere, Theodeberto regi & Comiti imperium acceptam refert.

At Constantinopoli fortassis eodem tempore illi percussi,

quos affert D. de Bouterouë, pag. 130. in quibus Theodebertus galeatus hastatusque pingitur, cum epigraphe, D. N. THEODEBERTVS. VICTOR. Ex parte altera, inscriptio, ut quidem conjicimus, nostræ haud absimilis : sed ibi ab ipso vitiose describitur. Nunc ad id revertamur, unde digressa oratio est.

ANTIOCHIÆ Pisidicæ nummum a nobis recte, perperam a te lectum esse & explicatum.

- S**ED de hac ipsa Antiochia Pisidica, cui nos primi omnium amplius nummos duodecim vindicavimus, quos Syriacæ omnis Antiquariorum cœtus adjudicarat, tu mira quædam narras, quæ te quidem amplexum eo consilio apparet, ne facere nobiscum usquequaque viderere. Sunt quæ dicis hujusmodi, pag. 240. in nummo Antonini Pii : COL. CAES.
18. ANTIOCH. MENSIS. *Figura stolata stans, crescente Lunæ dorso imposito, ad pedes gallus gallinaceus, Deus Lunus est, cujus nomen MENSIS in nummo scriptum legitur, ut subolevit Patinus : pro quo legit Harduinus uno verbo ANTIOCHENSIS, pro ANTIOCH. MENSIS. Ejus Dei in hac urbe cultum memorat Strabo. Ἦν δὲ ἐν ταύτῃ τῇ ἱερωσίῃ ἡς μινὸς Ἀσχαίς, πλῆθος ἔχουσα ἱεροδύλων καὶ χορίων ἱερῶν. Fuit ibi etiam sacerdotium mensis Ascai, multitudinem hierodulorum habens, & sacrorum locorum.*

Dei Luni effigiem eo nummo exhiberi, una cum gallinaceo monueram. Sub ea appellatione coli solitum ac designari ab Antiochenis indicaram. At sub appellatione MENSIS ibi cultum esse, præsertim a Romanis colonis, aut MENSIS omnino vocem in eo nummo expressam fuisse, si bene eruditorum judicia novi, adhuc illi mecum concordissime pernegabunt.

At ait Strabo, inquis. Num tu Græce intelligis ? negat enim Strabo planissime : adeoque non patrocinator erroris tuo, ut eum plane convellat ac labefactet. Locum Strabonis, quem tibi Patinus indicarat, iterum si perlegas, adversari tibi ipse senties. Ἦν δὲ ἐν ταύτῃ, inquit, καὶ ἱερωσίῃ πινὸς μινὸς Ἀρχαίς, πλῆθος ἔχουσα ἱεροδύλων καὶ χορίων ἱερῶν. Καταλύθη δὲ



μετὰ τὴν Ἀμύντα πλοῦτην ὑπὸ τῶν πεμφθέντων ὅτι τὴν ἐκείνης κληρονομίαν. *F V I T* ibi etiam sacerdotium mensis cujusdam Arcæi, multitudinem hierodulorum habens, & sacrorum locorum: sed *E V E R S V M E S T* a morte Amyntæ, ab iis qui in hereditatem ejus missi fuerunt: hoc est, a Romanis: nam pag. 567. ejusdem libri χιι. Καθ' ἡμᾶς ᾧ εἰς πρεῖς, εἴτ' εἰς δύο ἡγούμενας, εἴτα εἰς ἓνα ἦκεν ἡ δυνατεία, εἰς Διότταρον, εἴτα ἐκείνον διεδέξατο Ἀμύντας. νῦν δ' ἔχουσιν Ῥωμαῖοι τὴν αὐτὴν καὶ τὴν ὑπὸ τῷ Ἀμύντᾳ ἡγομένην ἐπαρχίαν. *Nostra ætate in trium*, deinde duorum, tandem in unius Dejotari venit potestatem, cui successit Amyntas: nunc Romani & hanc, & quæ Amyntæ fuit, tenent provinciam. Audis igitur ex Strabone fuisse quidem olim Antiochiæ religionem mensis Arcæi, & sacerdotium numerosum: ejus autem ætate abolitum collegium illud peculiare sacerdotum mensis Arcæi, & eversum a Romanis? Cur ergo Romani coloni illud in nummis adhuc Antonini Pii principatu commemorent? Cur in isto solo, non in aliis etiam M. Aurelii, Severi, aliorumque? Quid quod in nummo exprimi si quo jure potuit, debuit multo verius sub Arcæi nomine exprimi, quam sub illa communi *MENSIS* appellatione? Neque enim hanc numen illud Antiochiæ habuit, sed alio quodam loco ei cognomine: quem idem Strabo, pag. 557. ab Antiocheni fano oppidoque procul dirimit. Τό, περὶ Μηνὸς, inquit, ἐν τῷ ὁμωνύμῳ τόπῳ, καὶ τὸ περὶ Ἀρχαίης τὸ πρὸς τῇ Ἀνποχείᾳ τῇ πρὸς Πισιδίαν. Collegium igitur sacerdotum Dei Lunæ fuerit Antiochiæ sane: sub *μηνὸς* appellatione non fuit: sub Arcæi nomine fuit, sed idem eversum a Romanis jam a Strabonis & Augusti temporibus.

Collegium quodnam intelligam, rogas? Quale Antiochiæ in Syria fuit, ut docuimus pag. 51. operis nostri de nummis: cujus collegii nomine sic nummus inscriptus: *ΚΑΙΣΑΡΙ ΣΕΒΑC. ΑΡΧΙΕΡΕΙ*. Ex parte altera, *ΑΡΧΙΕΡΑΤΙΚΟΝ. ΑΝΤΙΟΧΕΙΣ*. Eo autem in nummo, præter ea quæ indicavimus, unum subnotari obiter operæ pretium fuerit, quo tuas de urbibus Græcis commentationes locupletare possis. Tanti est mihi ut redeam tecum in gratiam, vel alieno si quid occurrat loco, docere te quod nescias. Disce ergo ex eo nummo, C pro Σ usurpari solitum subinde

jam Augusti ævo: vetere forma pingendi *σῖγμα* per *Σ* paulatim jam evanescente, quæ Domitiani principatu plane sublata est. Unde apud Martialem, libro XIV. Epigram. LXXXVII. *Lunata scriptum testudine sigma*, pro lecto tricliniari, lunæ falcata effigie. Quo spectavit idem iterum, libro X. Epigram. LXVIII. *Septem sigma capit*. Quanquam Galbæ ætate vetus forma ejus litteræ in nummo Musei nostri servatur adhuc, ΛΟΥΚ. ΑΙΒ. ΣΟΥΛ.... *Lucius Livius Sulpicius Galba*: quo de utroque Lucii Liviique nomine a Galba usurpato, testis Suetonius, cap. IV. Sed hæc obiter, unde proficias, suggerimus.

Ad lineas rursus: ad nummum revertamur, in quo legendum, COL. CAES. ANTIOCHENSIS contendimus: tamen si in nummo, ubi extimum aræ marginem hæc voces obtinent, divisa, ut sit, voce ANTIOCHENSIS in duas partes, quoniam pars una ejus vocabuli dextrum Dei Luni latus obsidet, lævum altera, inserta videri a sculptore potuit ad pedes galli gallinacei littera M. haud dubie extenda. Cur? tum ob allatas antea rationes, tum quod in Antiochiæ Pisidicæ nummis, qui sunt omnes affabre admodum & exquisita arte conflati, (quippe omnes Romæ conflati, ut arbitramur,) si MENSIS scribi debuit, certe non eo situ scriberetur, quo nunc est, hoc est, ad latus, ac permixte confuseque cum ceteris vocibus: sed in imo nummi margine sejunctim a reliquis: quod nostri dicunt, *dans l'Exergue*.

At legi ANTIOCH. MENSIS oportere subolevit Patinus. Superi! Subolevit Patinus? Suboluisse Patino dicere voluisti, nec potuisti tamen sine duplici solœcisimo, in quem fœde imegisti. Adeo non subolevit istud autem Patino, ut peritorum judicio arbitrioque permiserit, num esset ea littera M eradenda, atque ita factum opus sibi videri haud obscure significavit. *Dissimulandum non est*, inquit, *in hoc alioquin integerrimo nummo abundare litteram M. Sic enim scriptum est, COL. CAES. ANTIOCHMENSIS: qui fortassis error sculptoris est. Fortassis enim Dei Luni nomen significat: cum enim Luna a Grecis dicatur Σελήνη, Strabo qui Luni mentionem fecit, non σελήνης nomine, sed MENIS usus est, quod quodammodo*



modo inscriptioni congruit. Videat lector num M aut S ex utraque suspitione redandans ad certius quid possit revocari. Barbara & hæc oratio est: sed tamen suspicio non spernenda. Nos igitur, quod similius veri fuit, expungendam M litteram censuimus, legendumque ANTIOCHENSIS, ut legere alibi est pag. 214. nomen integrum CAESARENSIS, & pag. 246. DIENSIS, & in alio ejusdem hujus Antiochiæ nummo, GENIO. ANTIOCHENSI. Fore hanc litteram demum, si quis obstinate retinendam defendat, saltem ejus generis, cujus esse videtur & in vocibus NEPTVM NVS ac NEPTVMN ALIA apud Gruterum pag. CCCCLX, 3. & in vocabulo Μομφεσίας, apud Antiochum Monachum S. Sabæ, homilia cxxx. pro Μομφεσίας: & apud Hesychium χέμψα, quæ vox capsam significat: hoc est, supervacuum, nec ullius roboris aut usus. At tu a nobis stare ne viderere, quod deterius fuit, & abhorrens ab omni similitudine veri, avidissime arripuisti. Patere te nunc demum dedoceri.

ASTURICÆ adscriptum a te nummum fuisse, qui est coloniae Astigitanæ.

**D**E nummo Augusti, qui sic inscriptus a te commemoratur, pag. 14. COL. AST. AVGVSTA. in quo 19. colonus boves agit, timidior aliquanto & cautior primum quidem videris: at obices tandem audaciore saltu transilis. Nam cum præfatus esses, *an nummus ad Astam, vel ad Astigitanam, utramque Beticæ provinciæ coloniam, an vero ad Asturicam Hispaniæ Tarraconensis revocandus sit, inquirendum.* Subjungis paulo mox, *Asturicæ tribuendum credimus.* Quam quidem urbem magnificam Plinius appellat, Augustanorum Asturum metropolim, unde ei Augustæ factum nomen est, ut monueramus, pag. 81. quod si advertisti, subnotari a te oportuit. Sed Asturicam, amabo, quis coloniam nuncupavit, præter Goltzium unum? cujus cum lubrica fides te ipso ita prodente sit: cum neque in alio, ut apparet, quam in isto ipso nummo, quem perperam legit, coloniam Asturicam viderit: qua auctoritate Asturicam coloniam deduxisti?

Rogas tu vicissim, cur Firmæ cognomen in eo nummo,

si Astigitanæ convenit, omittatur. Nam a Plinio quidem, ut monuimus, libro III. sect. III. *Astigitana colonia*, cognomine *Augusta Firma* appellatur, hodie *Ectja*, inter Hispalim & Cordubam: & apud Gruterum, pag. 101. COL. AVG. FIRM. Sed potuit Firmæ nihilominus appellatio negligi: quod ex iis coloniis, quarum initiales litteræ similes essent in Hispania, AST. sola Astigitana Augusta diceretur: atque adeo internosci facile posset tum ab Asturica, quæ colonia non esset: tum ab Asta, quæ non Augustæ, sed Regiæ, Plinio ita docente, aliisque, nomen obtinuit.

## B

B A B B A cur Julia sit appellata, cur item aliæ coloniæ eo nomine donatæ sint, haud satis probabilem a te allatam esse rationem.

20. **I** Nter Claudii nummos hunc profers, pag. 155. C. C. I. B. D. D. hoc est, ut dudum antea explicuimus, tum in notis ad Plinium, tum libro de Nummis, pag. 86. *Colonia Campestris Iulia Babba*, *Decreto Decurionum*: a Plinio admoniti, libro v. sect. 1. *Augusti*, inquit, *colonia Babba*, *Iulia Campestris appellata*, in Mauretania Tingitana. Est in averfa nummi area tauri natantis expressa effigies: ubi tu fabularum solers subinde investigator ac narrator, de Jove in taurum transformato & Europa refers ea, quæ sunt lippis notatoribusque, sed quæ alieniore loco referri non possint: cum nihil aliud ea effigies, quam situm urbis indicet: in mediterraneo positæ quidem, ut Plinius admonet, sed quam amnis Guarga, ut nunc vocant, præterfluat. Quam belle enim utrumque tauro natante exprimitur? tauro quidem, ea quæ in mediterraneo sunt pecorum pascua, & armenta: fluminis vicinia, ejusdem natatu signatur. Par tua felicitas in altero ejusdem oppidi nummo, quem Neroni dicatum profers pag. 167. Nam Æsculapii ibi depictum caput arbitraris, cum Jovis sit: adjectusque serpens non Æsculapium, sed Africam denotet, ut monuimus.



Verum hæc levia : aliquanto gravioris momenti est , unde Julæ appellatio , qua Babba gloriatur , sit repetenda , nosse. De qua re sic pronuntias universim , pag. 68. *Constat urbes aliqua immunitate , seu colonie titulo a Iulio Cæsare donatas , Iulæ nomen prætulisse : Ab Augusto autem deductas SOLO Augustæ nomine insignitis : sed quæ denique Iulæ Augustæ simul nominantur , a Iulio primum constitutæ sunt , deinde ab Augusto novis civibus frequentatæ.* Apud quos autem id constare putas ? nam id eruditos quidem negare oportet. Dic , amabo , Julia Constantia Zilis cujus colonia est ? Augusti sane , si Plinium audis , sub initium libri quinti. *Colonia Augusti* , inquit , *Iulia Constantia Zilis , regum ditione exempta.* Et Julæ tamen illa solum nomen habet. Hæc ipsa Babba , in qua nunc sumus , quam ibidem ille *alteram Augusti coloniam* vocat , an Augustæ nomen ullo præfert in nummo ? plane nullo : si suspectum Goltzii nummum exceperis , cujus olim meminimus : ubique C. I. B. tantum inscribitur , *Campestris Iulia Babba.* Sint hæc instar sexcentorum exempla duo : quibus non ob Julii unius , sed ob gentis Julæ memoriam id ascitum a colonis , etiam sub Augusto , expetitumque nomen esse liqueat.

Quare ne cuncteris viro doctissimo Norisio assentiri : hæres enim dubius pag. 125. quem sequare : sed ne cuncteris jam confiteri Uticense municipium id quoque nomen Augusti principatu sibi tum vindicasse , cum Augustus , ut Dio tradidit , Uticensibus civitatem dedit. Illud ergo nomen , id quod vobis ambobus ex æquo latuit , in honorem Julæ gentis adscivit. De Augustæ vero appellatione , dic sodes , quid Corinthus Augusto debeat , quoniam Neronis ævo Augusta cœpta est appellari ? neque enim ante eam ætatem id nomen occurrit in nummis. Quid Augusto Cæsarea Palæstinæ debet , quæ Augusta cognominata est , cum sit a Vespasiano deducta ? Hos nodos , si potes , expedi : nos ad alia interim prope-ramus.

BERYTENSEM nummum nec probe inspectum a te fuisse, & eundem præpostere explicatum.

21. **T**RAJANI nomine nummus inscribitur, pag. 213. IMP. CAES. NER. TRAIANO. OP. AVG. GER. DAC. cujus in averfa parte, COL. IVL. AVG. FEL. BER. hoc est, *colonia Iulia Augusta Felix Berytus*, uti ex Plinio monuimus, pag. 90. ubi & Augustanam coloniam ab Hadriano appellatam esse, indicavimus item ex Ulpiano. At in eo nummo depictam aîs turritam mulierem ac *feminudam*, Astarten Deam videlicet: cui icuncula columellæ imposita, sive Cupidinis, sive Victoriæ, nam & hic incertus ac suspensus hæres, coronam imponat. Adjice, mihi crede, iterum oculos: dioptram & specular admove: intelliges depictum ibi virum, non feminam: id quod seminudi corporis habitus, subligaculumque quo virilia solum obvelantur, debuit admonere: Serapidis effigiem esse, non Astartes: nec turritum caput esse, sed calathò imposito, qua forma pingi Serapis solet, onustum: denique non Cupidinem, sed Victoriâ, quæ Serapidi, vel Trajano potius ipsi sub Serapidis effigie depicto, coronam porrigat. Quanquam de Trajano quod excidit, forte ampliandum. Quin nobis fidem habebas, qui in Berytensium nummis Valeriano principe conflatis, pag. 90. Serapidem esse insculptum monuimus? Non te hæc fabula nuuc irretitum teneret.

BILBILIS nummo cur vox hæc altera, ITALICA, adjecta sit, alieniorem, quam quæ est a te allata, causam afferri non potuisse.

22. **A**UGUSTI vultum ex altera parte nummus exhibet, cum voce BILBILIS: ex altera equitem cum hasta decurrentem, adjecta voce ITALICA. Nec sine causa suspicabar olim hunc Bilbili conflatum: addito fortassis alterius civitatis, Italicæ scilicet, nomine, quicum ei societas esset: quam societatem atque concordiam Græci passim in nummis



fuis atque marmoribus OMONOIAN appellant: Videri aliter aliis interim submonui, quibus Italicam Bilbilim cognominari eo nummo placuit. Horum in sententiam concedere dum tu videri cupis, ut a nobis dissentias, quam præclaram causam affers iudicii tui? *Bilbilis municipium sine suffragio*, inquis, pag. 17. *ab Augusto jus Italicum habuisse videtur: unde Italica & Augusta in nummis vocata est.* Ob concessam juris Italici prærogativam Italica si Bilbilis dicta est, cum fuerint, teste Plinio, in Bætica, quam ipse rexit, oppida eo jure donata novem ac viginti, octodecim in citeriore Hispania, solane Bilbilis ex omnibus Hispaniæ civitatibus eo jure debuit gloriari in nummis? An verò gloriari ea re tantopere debuit, cum e tergemino jure, quo cohonestari oppida potuere, coloniarum scilicet, Latii novi seu civium Romanorum, & Latii veteris sive Italici, istud postremum atque infimum sit?

Non est, mihi crede, non est Bilbilitanæ civitatis cognomen ITALICA. Bilbili quidem cufum esse nummum illum docuimus pag. 94. & ad Bilbilim, non ad Italicam, ut tu pag. 114. falso accusas, retulimus: & recte profecto: quoniam primariam nummi aream & Augusti effigies & Bilbilis simul nomen occupat.

Quid ergo vox ea sibi vult, ITALICA? Accipe: coloniis videlicet ac municipiis, si nescis, datum est jus legionis: uti ex Festo liquet in primis, verbo *Municipes*: hoc est, ut in legione Romana pariter ac cives Romani, non in auxiliis, ut focii, stipendia mererent. Idcirco nomina legionum, in quibus stipendia coloni municipesve facerent, Hispaniensibus nummis insculpta: Bilbilitanorum quidem, Italicæ, quo nomine fuere legiones quatuor, prima, secunda, tertia, quarta, ut ex variis apud Gruterum inscriptionibus liquet: & in Apostolorum Actis, *Cornelius Centurio cohortis quæ dicitur Italica*, cui non notus? In aliqua igitur ejus nominis legione vel cohorte equis fecisse stipendia Bilbilitanos admonet eques in ea nummi parte insculptus, cui vox ea addita, ITALICA, est. Quid planius? Non eam ob causam Martialis de patria sua cecinisse hoc carmen videtur? libro 1. Epigr. 1.

*Videbis altam, Liciniane, Bilbilim,*

*Equis & armis nobilem.*

Hinc & Victrix Osca, Norba, Tarraco, nuncupata videtur. Neque enim est in hisce nummis, similibusve, sculptus eques, quod regio equis abundat, vel quod est gens bellicosa: ut ais in Oscensium nummis praesertim, sub Augusto, pag. 56. & in Segobrigensibus, pag. 64. Sed ut argumento sit, municipes potuisse equis in legione stipendia facere: sive in Italica I. II. III. & IV. sive in Victrice VI. XX. & XXII. Et in Narbonensi Gallia, Arausio dicta colonia Secundanorum, Arelate Sextanorum, Beterræ Septimanorum, Forum Julii Octavanorum, Narbo Decumanorum: quod in sui nominis ac numeri legione mereri stipendia scripti ex illis coloniis milites, cum evocarentur ad militiam, deberet. In Thracia Deulton veteranorum colonia appellatur: quod ex ea descripti ad bellum cives, non cum tironibus, sed cum veteranis militiam agerent: id quod in Gordiano, pag. 224. non intellexisti. Veteranorum enim appellari coloniam aliquam singularem, mirum tibi visum est & inextricabile, eo quod nusquam deducti alii praeter veteranos. In Notitia Imperii, quos arbitraris Equites quinto-Dalmatas, sexto-Dalmatas, octavo-Dalmatas, nono-Dalmatas appellari? quos putas in inscriptione vetere, quam legere me alicubi memini, Dalmatas Septimanorum vocari? An e quinta, septima, aliave legione in Dalmatiam transmissos? Næ tu vehementer errabis, ita si sentias. Sic enim habeto, legionem designari quintam, sextam, aliamve, quæ sit collecta e Dalmatis. Sic Beterræ Septimanorum vocitata, quod qui ex ea civitate conscriberentur milites, mererent in septima legione stipendium. Septimaniæ enimvero ex eo qui nuncupatam existimet, nemo jam est inter eruditos. Alia ejus appellationis causa, longeque post coloniam eo deductam orta ac nata est.

Habes hic aliquid quod opponas? Aut minusve hæc tibi vera videbuntur, eo solum nomine, quod tibi minime ea subolueret?



BOSTRAM a nobis recte Novam Trajanam, a te male Nerviam Trajanam appellatam esse.

**N**OBIS etiam dicam grandem impingis, quod nummum Commodi principatu conflatum, inscriptumque, NE. TP. BOCTPA. interpretati sumus, Νέα Τετραν Βόστρα, & in Alexandro Severo, N. TR. *Nova Trajana*. Adimis deinde eorum, qui pariter nobiscum sensere, patrocinium, Holstenii ac Tristani: quippe omnes tanquam ex tripode pronuntias turpi errore delusos: Nerviam Trajanam dici oportere. Ego vero faxim ut intelligas, si ea rursus quæ isti de hac re prodidere, legeris, contulerisque cum nostris, ne causas quidem ita interpretandi, nedum errorem, ab iis nos hausisse, ut prædicas.

Nervæ prænomen adscivisse sibi Trajanum quis ignorat? Nervium nihilominus dictum a Nerva quidquam, aut a Nerva Trajano Nervium Trajanum, ubi reperisti? Ulpian hic de suo nomine legionem, aliam de cognomine Trajanam similiter, Trajanamque coloniam appellavit: Nervium plane nihil. Ulpian Trajanam potius diceret, quo nomine in Dacia colonia fuit, quam in antiquis marmoribus DIVI NERVÆ TRAIANI AVSPICIIS conditam, & VLPIAM tamen TRAIANAM dici monuimus, pag. 518. Gratulare in sinu tibi de hoc præclaro tuo invento: nemini ante te hæc res in mentem incidit: nemo tam solertis ad excogitandum ingenii laudem invidet. Quæ enimvero te ars edocuit, a Nerva Nervium deduci? An a Numa Numium, a Sylla Syllum, Cinnium a Cinna, Agrippium ab Agrippa, a Seneca Senecium, a Sura Surium, a Mela Melium, Nasicius a Nasica, a Dolabella, ut mittam cetera, Dolabellum deduceres? Diceres saltem Nervianum, ut a Dolabella Plinius noster Dolabelliana pira cognominata commemorat.

Quo porro sensu dictam a nobis esse Novam Trajanam putas? an quo tu Novam Carthaginem appellasti, ut ab antiquo altero & cognomine oppido secernatur? minime vero: sed quo apud Gruterum, pag. CCXXXVIII, 7. NOVA CIVITAS. ARVCCITANA. legitur: non ut ab

altero oppido diversa, sed ut sui ipsius dissimilis : quoniam recens instaurata ornataque, in meliorem evecta sit conditionem atque sortem. Nova ergo Trajana cognominatur : quoniam, cum vicus esset ignobilis, castrum ibi Trajanus arcemve condidit, cum praesidio limitaneae legionis. Unde a Ptolemaeo libro v. cap. xvii. Βόστρα λεγών appellatur. Legionem secundam autem Trajanam esse nuncupatam, & Trajanam Fortem, Gruterus, si nescis, multis te locis edocebit : Nerviam Trajanam, sive illam, sive alteram, plane nemo. Jam litteram N pro *Novo* poni vetusti lapides clamant, in quibus N. MONVM. *novum monumentum* significat. Tu N. pro Nervio poni ut facias fidem, vel uno, si potes, exemplo comproba.

Aevo subsequente Bostrena munitio aucta maximopere a Severo est : is enim pomeria prolatavit, muros struxit, urbem ingentem condidit. Auctor Damascius in bibliotheca Photii, cod. CCXLI. pag. 1060. Εἰς τὰ Βόστρα τῆς Ἀραβίας, πόλιν μὲν ἐκ δευτέρων, ὅταν δὲ Σέβηρος ὁ βασιλεὺς πολίτευται, φρεσιον ἢ παλαιόν, &c. *In Bostra Arabia, civitatem quidem haud vetustam, a Severo enim Imperatore condita est, vetus autem castellum fuit.* Ammianus, libro xiv. pag. 21. ingens fuisse oppidum declarat, ubi de Arabia verba facit. *Hæc quoque, inquit, civitates habet inter oppida quædam ingentes, Bostram, & Gerasam, atque Philadelphiam, murorum firmitate cautissimas.* At tu latina interpretis Photiani verba amplexus quam præpostere accepisti ? nam cum ille scripserit, *sub Severo Imp. in civitatem redacta est* : tu civitatis nomine jus civium Romanorum concessum Bostrenis ab Alexandro Severo jubes intelligi. Qua de re non leviter castigandus es duplici nomine : primum, quod de Alexandro Severo, non de Severo Pertinace prodita hæc a Damascio arbitreris : deinde quod πολίτευται nescieris esse, condi, strui, ædificari civitatem : non jus accipere civium Romanorum. Non sunt hæc porro ita obvia & aperta, ut ab iis etiam, qui parum acutos se natos gaudent, videri possint ?



BUTHROTI, aliisve in locis, Quinquennales  
qui fuerint, te ignorasse.

NUMMUS a nobis allatus fuerat, pag. 102. BVTHR.  
hoc est, Buthrotum, in Epiro. C. PAET. QVIN.  
ITER. Quorum verborum editam a nobis interpretatio-  
nem modesta hac oratione vellicas ac perstringis, pag. 78.  
*P. Harduinus* C. PAET. QVIN. ITER. interpretatur,  
*C. Patus, Quinquennalia iterum, pro Quinquennalis iterum, &*  
*frigide ad ludos quinquennales revocat.* Pax, mi Valens, nolo  
enim convitia regerere aut recordari. Duo reprehendis, quo-  
rum in altero lapsus typographi est, in altero nullus cujus-  
quam. Quinquennalis quin scribi dicique oportuerit, non  
inficiamur: & nos ita scribi quidem optavimus. Ludis quin-  
quennalibus præfuisse Buthroti quinquennales adhuc si con-  
tendimus, quomodo refelles? Nega, si potes, aut in eo tractu  
terrarum ludos quinquennales edi solitos esse, aut penes  
Duumviros quinquennales procurandi curam fuisse. Non  
imposita Duumviris ubique, sive annuis, sive quinquenna-  
libus, nullo discrimine, edendorum spectaculorum provincia  
est? Id vero tum ex aliis locis, tum ex Iliberitano canone  
LVI. (nam sacra nunc sæpius nobis occurrunt, quam pro-  
fana) disce. Non alter e Duumviris quinquennalibus eam  
ob causam in Augusti nummo, de quo mox dicturi sumus,  
Flaminis habitu pictus cernitur, quod eidem esset & sacro-  
rum cura commissa, & ludorum, cum lustrum conderet?

Quid est autem causæ quamobrem pag. 9. neget tu Quin-  
quennales de magistratu per quinquennium gerendo, accipi  
oportere? *Duumviri*, inquis, *in coloniis Romanis quotannis tan-*  
*quam Consules Romæ creabantur, nec magistratum ultra proroga-*  
*bant: quamobrem qui Duumviri quinquennales in hoc nummo per-*  
*hibentur, non de magistratu per quinquennium gerendo intelligendi,*  
*sed de censoribus omni quinquennio creatis, ob eam causam Quin-*  
*quennalibus in colonia vocatis.* Quam multa in unum errata?  
Ecquis enim, qui Latine norit, quinquennales magistratus  
a quinquennio integro, ut annuos ab anni spatio appellatos  
neget? Censores ipsi Romæ quinquenne primis temporibus

gessere munus : postea singulis annis aut sexto quoque mense creati , ab ætate Æmilii Dictatoris : nec dicti certe ex eo amplius quinquennales : quid ergo Censorum hic exemplum juvat ad quinquennales tuos annui imperii magistratus ? Quod si quinto quoque anno tantum creati , & annui tamen fuere , quis interjecto quadriennio horum vices egit ? Si censoriæ horum Quinquennialitiorum partes fuere , quorsum illi toties appellantur in nummis ? aut , ut verbis tuis utar , pag. 40. *quid Censor in nummo signatus ?* in Augusti nempe nummo , cujus averfa area Censorem , ut falso putas , exhibet , quoniam epigraphæ docet esse Quinquennalem : cum sit , ut dixi , Flaminis habitu Duumvir Quinquennialis , cui fors obtigerat , ut lustrum municipale conderet. M. POSTVM. ALBIN. L. PORC. CAPIT. II VIR. Q. M. *Postumio Albino , L. Porcio Capitone , Duumviris Quinquennialibus.* Quod si tibi mirum videtur Censorem in nummo pingi semel , quanto admirabilius videri oportuit toties in nummis appellari Quinquennales , quos tu Censores putas fuisse ?

Atqui ubi Censores aut sculpi existimas , aut appellari , mihi crede , Duumviri sunt , Magistratusque municipales. Hoc saltem loco Quinquennales qui fuerint , quod nobis latuisse ais , intelliges multo nobis notius fuisse , quam tibi : præsertim si his adjicias ea , quæ de Patrensi nummo , ex quo extricare te minime potuisti , inferius dicturi sumus. Nam aliud ibi præterea Quinquennialium genus ab isto diversum , sed æque tibi ignotum occurret. Legem , Medice , legisti primam de Medicis & Professoribus in codice Theodosiano : quæ jubet , *ut si quis eos vexaverit , centum millia nummorum ærario inferat , a Magistratibus vel Quinquennialibus exactus.* Monuisset Gothofredus Magistratuum nomine Duumviros municipales intelligi , quorum annalis magistratus esset : cum in aliis civitatibus , seu municipiis , & coloniis , iidem quinquennales forent.

De his Quinquennialibus Spartianus in Hadriano : *Fuit , inquit , in patria sua , Italica Beticæ civitate , Quinquennialis : & item Adriæ Quinquennialis , quasi in alia patria.* Meminit & Apulcius , libro x. *Gradatim permensis honoribus Quinquenniali magistratui fuerat destinatus.* Horum frequens mentio in



vetustis inscriptionibus apud Gruterum. Pag. CLXVIII. M. GAVIVS. DVOVIR. QUINQ. CREPIDINES. CIRC. FORVM. S. P. F. *M. Gavius Duumvir Quinquennalis crepidines circa forum sua pecunia fecit.* Pag. CCCCXLV, 5. C. OFILIO. DVOVIR. ITERVM. QVINQVENNALI. Hinc municipale lustrum in antiquis monumentis, quod quinquenniis singulis ab altero magistratuum condebatur. Plura de Quinquennalibus desiderare te jam a nobis haud arbitramur : itaque ad alia properamus.

C

CÆSARAUGUSTANÆ coloniae, aliarumque, nummos complures inter se similes non alio operæ pretio a te prolatos, nisi ut quamplurima errata tua, in Romanarum præsertim familiarum nominibus, proderes.

CÆSARAUGUSTAM cur amplius tricies Cæsaream Augustam appellas, cum e Latinis scriptoribus nemo unus sic vocitet, præter Paulinum, in poemate xri. ad Aufonium, versus quomodocumque struendi causa : sed extra hunc nemo, nec sic lapis ullus, aut nummus inscribat ? Nam si quando hæ voces CAESAR. AVGVSTA. in nummis puncto dirimuntur, & vitium esse sculptoris, neque illud perpetuum esse, nosse te ac præmonere oportuit. Sed istud per se leve. Quo vero operæ pretio, nisi ut nummorum copiam ostentares, vicens omnino nummis ibidem sub Augusto cufis, librum ad fastidium tædiumque oneras, qui boves tantum aut vexilla militaria exhibent ? Quæ pariter spes fructus atque emolumentum ex quindenis Calaguritanis sub eodem principe, aut ex Celsæ coloniae sex, aut ex quaternis Turiafonis sub Tiberio, cum universi nihil nisi boves repræsentent ?

At familiarum præterea nomina hi nummi exhibent ac docent : sic enim passim admones. Quasi vero id tanti sit. Sed sit sane pretii alicujus : quot in his quoque & quam gravia

errata committis ? Mitto disquisitiones otiosas & parergas de origine nominum Romanorum , quoties Duumviri aut ædiles appellantur in nummis : ut unde Catones , unde La-beones , unde Barbatii cognominati sint , aliaque innumera ejus generis scruta , quisquillasque. Quarum unicam commemorabo , ex qua discas commentationes tuas non plus æquo osculari ac venditare. Nam quale illud est , quod quoniam Flaccus Duumvir appellatur in nummo Corinthiorum sub Augusto , pag. 46. idcirco hæc subjungis : *Flaccus cognomen ei datum est ex Plinio , cui aures tantum immobiles*. Quid ? an huic tantum vel homini vel familiæ aures ex Plinio immobiles ? Sic libro undecimo Plinius , sect. L. *Aures homini tantum immobiles*. *Ab iis Flaccorum cognomina*. Quem in locum quid subnotaverimus si consulisses , non id quod est multis nominibus insulsum nunc diceres : Flaccum esse cognominatum , cui aures sint tantum immobiles. Sed ad familiarum nomina veniamus , ordiamurque ab iis , quæ in Cæsaraugustanorum nummis exhibentur.

Pag. 23. C. ALLIARIO. T. VERRIO. IIVIR. De Alliarum gente apud historicos esse silentium dicis. Vide an *Alliano* legi oportuerit : nam apud Gruterum , pag. ccccxix , 5. C. ALLIANUS Tiburtinus occurrit.

Pag. 24. CN. DOM. AMP. C. VET. LANG. I. VIR. *Cneo Domitio Amplo , Caio Vettio Languido*. Lepidum istud Ampli cognomen , si potes , dic unde sis furatus. *Ampliato* dici quanto satius fuit ? quod cognomen & Antonii usurparunt , ut ex Gruteri libro constat , pag. dclxviii , 12. CN. ANTONIO. AMPLIATO. Jam tres tantum litterulas , VET. pro Vettio positas in nummis marmoribusve , dic similiter , ubi vidisti ? Veturiam , mihi crede , gentem hæ notæ indicant , non Vettiam , seu Veetiam : quæ solet aut integra exprimi , aut certe prope integra , in hunc modum , VETTI.

Hæc duo præcipua sunt , quæ ex Cæsaraugustanis nummis sublegimus : at in Calaguritanis duobus quam nihilo fuisti felicior ? Pag. 33. C. MAR. CAP. Q. VRSO. IIVIR. *Caio Mario Capitone , Q. Vrso , Duumviris*. Et mox , *Quinti prænomen a numero dictum*. *Vrso scribit Plinius , libro IV. & V.*

Imo, tertio, & octavo. In tertio quidem, Urso colonia Bætica est: in octavo, de urforum natura agitur: videsis ex utro loco auctoritatem repetas idoneam huic familiæ illustrandæ. Ursi nomen esse viri proprium non nesciunt, qui Episcoporum subscriptiones in Conciliis viderunt.

Pag. 33. & 34. M. PLAE. TRAN. Q. VRSO. IIVIR. ITER. *Marco Plætorio Tranquillo, Q. Vrso Duumviro iterum.* Et mox: IIVIR. ITER. *de Vrso tantum intelligendus.* Marcus ergo Plætorius Duumvir non est, aut eo certe nomine non designatur in nummo: quod nemo harum rerum peritus dixerit. Sed erras, mi homo, & parum vides: si quod usus annorum xxx. te docere debuit, legendum non vides, *Duumviris iterum.* Alioqui si alter amborum solus esset iterum Duumvir, is præponeretur alteri, qui semel actum primum foret: ut in Cæsaraugustanorum nummo pag. 26. Q. MAXIMO. ITER. C. VALENTINO. IIVIR. hoc est, *Q. Maximo iterum, Caio Valentino, Duumviris.* Et pag. 29. MN. KANI. ITER. L. TITI. IIVIR. *Manio Kavnio iterum, Lucio Titio, Duumviris:* atque alibi passim: sunt enim exempla obvia. Ævi scilicet prærogativa, gestique jam honoris, ut par est, priorem appellari jubet, qui sit prius magistratu perfunctus: quare & Plætorium Urso præcessisse in Duumviratu intellige. In nummo quidem, quem tu Novæ Carthagini perperam, ut dicemus, adscribis, pag. 39. e Duumviris Quinquennialibus alter in primaria nummi area, quæ caput Augusti exhibet, appellatur, P. TVRVLB. IIVIR. QVINQ. In parte averfa is, 48. qui duumviratum secundo gerebat, M. POSTV. ALBINVS. IIVIR. QVIN. ITER. cum Augusti templo, 48. cujus in superno limine vox hæc AVGVSTO inscribitur. Sed cur minus insigni loco appellatur is, quem priore, ut diximus, appellari decuit? Quod templi, si nescis, cujus effigies in ea parte cernitur, sive exstruendi, sive Augusto dedicandi, ad eum, veluti digniorem, cura spectabat, ob prærogativam ævi & honoris.

Duos pariter colonix Celsæ nummos, amabo, rursus inspicere, & observare: in altero, pag. 41. L. BAGGIO, an BACCIO legi oporteat, subdubitas. Nos BACCIO



malueramus : jubetque propemodum vetus inscriptio apud Gruterum , pag. ccccxiij , 12. Bacchiam gentem intelligi : nam ibi L. BACCHIVS. plane legas. In altero autem eadem pagina , L. COR. TERR. M. IVNIO. HISP. II VIR. hoc est , te interprete , *L. Cornelio Terracina , M. Junio Hispalo*. Cui interpretationi hæc subjicis : *Hispalus C. & Cn. Corn. Scipionis agnomen. Hispalus etiam Celtiberorum rex a Diodoro , libro vi. citatur*. Quot hic , patere me tecum ridere , quot hic non pharmaca , medice optime , sed gentes familiasque confundis ? Gentis Cornelie agnomen Hispalus fuit : etiamne Junie ? Legi oportuisse scito , *M. Junio Hispellate*. Ac ne omnia tibi semel argumenta prodam , cur ita legi necesse sit , aliis paulisper dilatis , vide Reinesium , XII , 73. HISPELLATIA. PROCVLA.

Clunie colonie unicum commemorabo , Tiberii principatus , quem pag. 105. affers , C. ARRI. T. CAECIL. P. REST. C. CAELIO. CAND. III VIR. Hoc est , interprete te. *C. Arrio , T. Cecilio , Publio Restituto , C. Caelio Candido , Quartumviris*. Quod Quartumviris , non semel , sed sæpius , pro Quatuorviris dicas , piget objicere toties solœcizare te pro more : si leviuscula remittas , quæ peccasse me dicis , si tamen vere dicis , solœca innumera , quibus liber tuus scatet , vicissim , ne ingratus videar , indulgebo : tu da operam , ut quæ saltem a me amice & obiter indicantur , emendes. Sed cum cælator tuus P. REST. inculpserit , tu tantum P. RES. exhibeas , utrius tandem fide standum erit ? Nam si P. RES. dumtaxat nummus habet , tum non Restituti cognomen , sed Resii nomen in promptu erit intelligi.

Ne vero ab Hispania discedamus , pag. 121. nummum video a te laudari Turiasone conflatum , inscriptumque , MVN. TVR. M. ANT. MVSO. C. MARI. VEGETO. II VIR. Quo loco Musi tibi cognomen ignotum esse fateris : & mihi profecto est : tametsi Antonii Musæ , quem tibi notum esse oportuit , nam is medicus Augusti fuit , mentionem perhonorificam meminisse a Plinio factam. At idem tu pagina proxime subsequente nummum alterum exhibes ejusdem oppidi , MVN. TVR. M. PONT. MARSO.

C. MARI. VEGETO. IIVIR. *Municipium Turiaso.*  
*M. Pontio Marso, C. Mario Vegeto Duumviris.* Hic ego tecum quovis pignore contenderim, unius ejusdemque anni ac fabricæ utrumque nummum esse, cum sit idem Tiberius in antica parte, bos idem in postica, eosdem quoque esse Duumviros: sed prioris nomen in priore evanidum & obscurum esse, in posteriore illustrius: ac legi utrobique oportere, Muso tuo expuncto, M. PONT. MARSO. Nam Pontii quidem nomen vulgatum, ut & Marfi cognomen.

Corinthum ex Hispania transfretemus. In M. Antonii nummo, pag. 9. qui inscriptus est, P. ALITIO. L. MENIO. IIVIR. quæ sit Alitia gens, nescire te confiteris. Apud Gruterum, pag. D C C C X X, II. ALICIA. SP. F. IVSTA.

Pag. 44. in Augusti nummo ex antica parte, in qua expressus Augusti vultus, appellati simul Duumviri, P. ALV. SIT. C. IVL. IIVIR. ITER. ex altera rursus Duumviri alii, L. POMP. C. IVL. IIVIR. Hic fluctuas incertus ac dubius, num ob difficilem aliquem rerum statum adjecti novi ad priores Duumviri fuerint. Noli extimescere: nihil hic turbarum. In nobiliore nummi area, Duumviri nominantur ii, qui Magistratum secundo gererent, eo anno quo cusus nummus est: in postica, qui magistratu jam anno superiore perfuncti essent: quorum idcirco nomina signantur in ea parte nummi, quod arcus, cujus ibi effigies cernitur, exstruendi in honorem Augusti, curam subirent. Pro Alusitio interim vide & observa, num ALVIT. legere debueris: est enim apud Gruterum, pag. D C C L X X X V I I I, 5. in inscriptione reperta Emeritæ, M. ALVITIVS.

Pag. 45. ejusdem Augusti nummum ex parte priore, quæ caput principis repræsentat, sic est inscriptus: M. BARBATIO. MN. ACILIO. IIVIR. COR. M. *Barbatio, Manio Acilio, Duumviris. Corinthi.* In averſa rursus, P. VIBIO. M. BARBA. PRAEF. IIVIR. COR. *P. Vibio, M. Barbatio Præfecto, Duumviris. Corinthi:* qui nempe Magistratu jam perfuncti, ludos & sacra, quæ pro salute Principis inchoassent, absolverent. Ex his autem alter, Barbatus videlicet, quo anno cusus nummus est, Duumviratu

iterum fungebatur : quare & anticam nummi aream obtinet, & priore loco appellatur. En cur quatuor Duumviri, sic enim pag. 45. novo plane more atque eleganti appellas : hem : quis te tam lepida verba edocuit ? en cur quatuor, inquam, Duumviri signentur in nummis : quod te vehementer sollicitum habuit : perinde atque quamobrem interdum unicus appelletur : quod haud magis debuit mirum videri, quam quod in nummis Romanis unius tantum Consulis sit nomen insculptum. At de Barbatio quæris, an Præfectus annonæ, ærarii, cohortis, classis, urbisve fuerit. Nihil horum, mi Valens. Est enim illud Barbatorum cognomen, ac fortassis aliorum. Nam est apud Gruterum, pag. CXIII, 3. P R A E F. P R I N C E P S. E T. L A T I N V S. F E L I X.

Ad Corinthum nummos spectare duos arbitramur, quos tu inter incertos rejicis. Alter est a te descriptus, pag. 183. VOLVMNIO. LVRINO. IIV. in aliis, LVRINO. VOLVMNIO. Quæ *Duumvirorum nomina* appellas : & mox, *sub iisdem Duumviris*, inquis. Atqui unicus est, si nescis : cui nomen Volumnius, Lurinus cognomen fuit : ut sub Augusto, pag. 45. unicus pariter Duumvir Corinthi notatur, M. BELLIO. PROCVLO. IIVIR. COR.

Alter Drusi Cæsaris nomen præfert, pag. 134. & ex parte altera, P E R M I S S V. L. A P R O N I. P R O C O S. At non illius, qui in Africa Proconsulatum sub Augusto gessit, ut tu existimas : neque enim id temporum ratio patitur : sed ejus filii, cui cognomen Cæsiano fuit : qui & Cæii collega in secundo ejus consulatu. Quid quod ad Corinthios hunc nummum spectare ex his vocibus, P E R M I S S V. P R O C O S. quæ in Africæ nummis reliquis non apparent, haud levis suspicio est ? Mercurium certe, qualis in nummo depingitur, a Corinthiis coli monuimus, operis nostri de nummis, pag. 125. Et a Patrensibus, ut discas postea ex nobis, nam id tibi latuit, nummus pariter conflatus est, cum simili epigraphe, *Permissu Dolabellæ Proconsulis.*

Quo loco mecum obiter animadvertes hanc formulam, P E R M I S S V. A V G. P E R M I S S V. I M P. in his tantum numismatis occurrere, quæ sint in provinciis populi Romani, non item in provinciis Augusto attributis, conflata.

Habent



Habent hanc nummi Italicae, coloniae Patriciae, coloniae Romulensis, Juliae Traductae, e Baetica: Eborae, atque Emeritae, e Lusitania: quam hinc intelligimus populo Romano primum adjudicatam: id quod Appianus tradere videtur, libro extremo de bello Hispaniensi: tametsi postea, ( quod Dio libro LV. pag. 505. & Suetonius in Augusto, cap. XLVII. referunt multis contigisse, ) hanc suis legatis Augustus ad ali- quod tempus commisit. Habent & percussi Patris atque Corinthi in Achaia: in Sicilia denique, Panhormi. Nam Augusti nummus, quem affers, pag. 58. ita legendus, PERMISSV. CN. DOMITI. PROCOS. tametsi vox ea PERMISSV in eo nummo oculorum tuorum aciem fugit.

Extra haec autem loca nondum alibi nobis formula haec occurrit. Sed cur in istis, inquis? Quoniam populi Romani integra auctoritas non est, absque eo, penes quem summus populi Romani magistratus est, hoc est, Tribunicia potestas. Is autem Augustus est. Permissu igitur Augusti opus fuit in provinciis etiam populo Romano adsignatis, ut moneta cuderetur, non Senatusconsulto tantum. Quae animadversio lucem affert iis, quae de litteris Δ. E. in Antiochenis nummis dicta sunt a nobis proxime.

Postremus, ne te copia erratorum obruat, nummus erit 28.  
Buthroti percussus sub Augusto, allatus a te pag. 19. cum  
hisce Duumviris, Q. NAEVI. SVRA. A. HIP. TVL. 29.  
NICER. B. IIVIR. Q. *Nævio Sura, Aulo Hippiio, Tullo Nicereo, Duumviris bis*: sic enim distinguis atque interpungis, atque tres Duumviros, *Nævium, Hippium, & Nicereum*, ibi signari: quo quid monstruosius dici potest? Tres Duumviri, prohi superi! Hic animo subit illud Martialis: *Vnus cum sitis, duo, Calliodore, sedetis: surge, solæcisum, Calliodore, facis.* Nicereum, si Nicereus est, nescis eundem esse cum Hippiio, frustra que a te distractum in duos: nam geminum ei cognomen fuit, Tullus Nicereus: nomen, Hippius: ut Aulus, prænomen. Sic Antonino Pio, Titus prænomen, nomen Ælius: cognomina duo, Hadrianus Antoninus. Sic apud Gruterum inter exempla sexcenta, *Cn. Acceius Arunteus Lutatius: M. Antius Ennius Sergianus: L. Antonius Vetus Sabinus. M. Antonius Rufus Axius.* Sic denique Sir-

mondus noster olim edocuit in quodam Præfectorum edicto Salmasium turpiter lapsum esse : quod Junius Quartus Palladius, non duorum, ut Salmasius existimabat, sed unius Palladii tria sunt nomina.

Litteram vero B cum *bis* interpretaris, trepide facis : statim enim subdubitare te significas, num ea littera annum deductæ colonix secundum designet. Sed inanis ea trepidatio est : ecquis enim nummus omnino annos Latine designat singulis, ut Græci solent, elementis, secundum alphabeti seriem ? Disce ergo, quæ te præteriere, duo : alterum, certissime *bis Duumviris* legi oportere : alterum, aliud esse *bis* Latine, aliud *iterum*, vel *secundum* : aliosque bis Duumviros intelligi, quam qui Duumviri iterum solent appellari. Nempe qui Duumviri iterum dicuntur, hunc eo anno magistratum secundo gerunt : qui bis, abiere illi jam magistratu, quo per biennium fuere perfuncti. Sic Consules secundum dicuntur, qui secundo munus illud obeunt : quemadmodum in hac inscriptione apud Gruterum, pag. ccc. ut innumera alia prætermittam exempla. C. BRVTTIO. PRAESENTE. T. MESSIO. EXTRICATO. II. COS. P. R. C. AN. DCCCCCLXX. hoc est, *secundum Coss. post Romam conditam anno 970*. Sicut in nummo Hadriani, in quo explicando hæsisse vidimus viros doctos, ANN. DCCCCCLXXIIII. NAT. VRB. P. CIRC. CON. S. C. hoc est, nam id obiter indicari haud erit abs re, *Natale Urbis, post Circum conditum*.

Occurrunt & in vetustis lapidibus hi Duumviri Quinquennales bis : apud Gruterum, pag. cccclix. T. APPAE O. T. F.....DVO VIR. QVINQ. BIS. OB. MERITA. EIVS. Pag. ccccxliv, 8. L. OCTAVIO. BIS. DVVMVIRO. QVINQ. Hoc igitur in nummo insculpta Duumvirum nomina, qui jam bis eum honorem gessissent, quod Augusti statuam militarem, quæ in eo nummo basi imposita cernitur, EX. D. D. *ex decreto Decurionum*, ut fert area nummi altera, post alterum magistratus annum exactum, poni curaverunt. Quid quod legendum in recto casu viderur, ut in altero Corinthiorum nummo dicemus, Q. Naevius Sura, Aulus Hippinus Tullus Niger, poni scilicet curavere ? Feliciorum enim arbitror cælatorem tuum,

quam te, fuisse: qui NIGER in eo nummo sculpsit, ubi tu NICER. legisti. An aliquid ultra jam desideras aut expectas?

CÆSAREAM Palæstinæ in nummo Titi, COL. CAESAREA. LIB. ΦΛΑ. nec dictam esse liberam Flaviam, ut existimas, neque ita dici omnino potuisse.

VERUM hæc præ iis quæ sequuntur, ludicra & levia. Inter nummos quamplurimos Cæsareæ Palæstinæ conflatos, vetustate reliquos ac difficultate antecellit is, quem pag. 194. refert sub Tito, ita inscriptum, COL. CAESAREA. LIB. ΦΛΑ. cum turrato capite. Sequitur hunc alter sub Titi fratre Domitiano, pag. 198. cum Serapidis effigie, COL. PRIMA. FL. AVG. CAESAR. hoc est, ut ex Plinio monueramus, *Colonia Prima Flavia Augusta Cæsarea*. De utroque igitur nummo conjunctim quæri duo possunt: alterum, cur prima Flavia appellata hæc colonia sit: alterum, an & libera Flavia, ut tu has litteras interpretaris, LIB. ΦΛΑ. in priore. Nam quod Cæsaream a Plinio vocitatam esse Apolloniam dicis, pag. 195. plane negligimus, cum falsa non in nos, sed in accuratissimum scriptorem accusatio sit: quam abunde tum nostra editio Pliniana, tum nostræ in Plinium notæ, quas subinde laudas, refellunt. Nunc alterum igitur controversiæ caput dirimamus: de priore enim, opportuniore loco dicemus inferius.

Titi ergo nummum, COL. CAESAREA. LIB. ΦΛΑ. quod recte putas te interpretatum esse, *Colonia Cæsarea libera Flavia*, hic tibi nunc est eripiendus error. Nam quis te Cæsaream esse liberam docuit? Paulum J.C. appellas libro 2. de censibus: *Divus Vespasianus*, inquit, *Cæsarienses colonos fecit, non adjecto ut & juris Italici essent, sed tributum hic remisit capitis. Sed Divus Titus etiam solum immune factum interpretatus est.* Pergis tu deinde: *Vnde Cæsarea beneficii memor, Flavie nomen accepit, & liberam se in nummis inscripsit.* Id quod denuo repetis, tomo posteriore, in Caracallæ num-



mis, pag. 73. Ain tu, quia immunis illa omni censu fuit, ideo liberam se inscripsit? Idemne esse tu putas, immune, ac liberum? Quantopere allucinaris? Fuere coloniae multae immunes, Caesaraugusta colonia immunis, colonia immunis Illici: coloniae immunes, Augusta Gemella, Virtus Julia, Genua Urbanorum, aliaeque multae, ita praudente Plinio: quod erant ab omni censu soli & capitis prorsus immunes. At nulla harum interim libera. Liberum enim quod censemus oppidum? quod suis legibus ac moribus vivere permittitur, nec Romana cogitur sequi instituta, uti passim in libro de nummis monuimus. At colonias quis ignorat Romanis vixisse legibus? *Coloniarum*, inquit Gellius, libro xvi. cap. xiii. *alia necessitudo est. Ex civitate quasi propagatae sunt: & jura institutaque omnia populi Romani, NON SVI ARBITRII, habent. Quae tamen conditio cum sit magis obnoxia, ET MINVS LIBERA, potior tamen & praestabilior existimatur, propter amplitudinem maiestatemque populi Romani, cujus istae coloniae, quasi effigies parvae simulacraque esse quaedam videntur: & simul quia obscura oblitterataque sunt municipiorum jura, quibus uti jam per ignorantiam non queunt.* Audin non esse colonias liberas, libera e diverso esse municipia? Antiochia Syriae primis temporibus colonia non fuit: libera, teste Plinio fuit: & nummi probant, quos illustravimus: *ANTIOXEN. ΜΗΤΡΟΠ. ΑΥΤΟΝΟΜΟΥ*. Eadem ubi colonia facta est, libera esse desuit, nec immunis fuit. *Divus Antoninus*, Caracalla scilicet, *Antiocheneses colonos fecit, salvis tributis*, inquit Paulus J C. *Laodicia in Syria*, inquit idem, & *Berytos in Phoenice, juris Italici sunt, & solum earum*: ambae quidem coloniae, at neutra tamen libera, neutra immunis.

Quamobrem, ut idem Gellius refert, error est vulgi, existimantis meliorem conditionem esse colonias, quam municipia. Cujus de opinionis erroribus *Divus Hadrianus*, inquit, in oratione, quam de Italicensibus, unde ipse ortus fuit, in Senatu habuit, peritissime disseruit: mirarique se ostendit, quod & ipsi Italicenses, & quaedam item alia municipia antiqua, in quibus *Vitenses* nominat, cum *SVIS MORIBVS LEGIBVSQVE VTI possent*, in *IVS COLONIARVM* mutare gestiverint: hoc est, cum libera essent municipia, coloniae esse amissa libertate

maluerint. At alii cautiores libertatem suam esse salvam & integram maluere, municipii nomine ac jure vindicato, coloniae titulo & onere deposito. *Prænestinos autem refert idem Hadrianus, teste Gellio, maximo opere a Tiberio Imperatore petisse orasseque, ut EX COLONIA IN MVNICIPII STATVM redigerentur: idque illis Tiberium pro referenda gratia tribuisse.*

Eam ob rem cave credas viro illustri; tamen illi inter eos qui hac ætate de nummis scripsere, eruditus habendus est: sed tamen nunc semel securus ab illius discede sententia: dum pag. 785. Gordiani nummum refert, (Patinus Caracallæ tribuit, pag. 310.) ex cimelio Regio, ΚΟΛ. ΕΛΕΥΘ. ΤΑΡΧ. Romanamque & liberam coloniam Tarsum vocat: & ex eo nummo lucem accedere putat ei Actorum loco, ubi se civem Romanum Paulus profitetur, Act. XXII, 28. *Atqui Tarsus (hic Grotii tibi in eum locum verba transcribo: ) non Colonia erat, sed libera urbs, Plinio teste. Concessam Tarsensibus libertatem ab Antonio dicit Appianus Civilem quinto. Et Dion Chrysostomus priore oratione Tarsensi multa privilegia recitat ab Augusto tributa Tarsensi civitati, non autem jus coloniae aut municipii, qualibus jus civitatis Romanæ competeat. Et Vlpianus inter Ciliciæ colonias Tarsum non nominat. Restat ergo ut aliquis majorum Pauli bellis civilibus, quæ inter Cæsarem Augustum, & Brutum, Cassiumque, aut etiam inter eundem Cæsarem & Antonium intercessere, jus illud sibi comparaverit. Vnde colligas ex opulenta familia fuisse Paulum. Pro ΚΟΛ. igitur in eo nummo quid sit legendum ut rescias, Versalias te confer quamprimum: nos enimvero lucem aulae fugimus.*

Vide jam interim qua tu libertate coloniam Cæsaream impertias: aut abde potius, si me audis, pulcherrimum illud libertatis munus tuum, quod esse coloniae nec usui nec ornameto potest: tibi, si pergis ostentare, pudori futurum est ac dedecori. Neque enim nummus aliquis Latine inscriptus hanc libertatis vocem ferre potest: cum vel in colonia cusus, vel in municipio sit: colonia autem esse libera non possit: municipium si dicatur aut intelligatur, cum coloniae nomen abest, liberum ex eo abunde noscatur.

CÆSAREAM Palæstinæ in nummis Titi & Elagabali peculiarem Flaviorum æram, quod tu nescisti, descripsisse : Antiochenorum æras vicissim a te confictas, quæ nullæ fuere : ex alia eorundem æra sincera natalem Christi Domini te perperam coniecisse in annum post Romam conditam DCCXLIX.

ROGAS igitur, quemadmodum in Titi nummo, qui sic inscriptus legitur, COL. CAESAREA. LIB. ΦΛΑ. legi & accipi has notas oporteat, si libera Flavia dici non potest. Græcæ sunt, vir bone, ex litteræ, quas tu Latinas esse putasti : nunc vero Latinas esse non posse, si nos audisti, fateris. Et sunt ex autem sic interpungendæ : L. IB. ΦΛΑ. interpretandæque, *λυχαλπος ἱβ. φλαβίαν*, hoc est, *anno XII. Flaviorum*. Cæsarea Palæstinæ Flaviorum æram, ut olim Syriacæ civitates Seleucidarum, exhibet in nummis : ducitque illius initium, vel a Kalendis Julius, quibus Vespasianus salutatus est Imperator, ut Tacitus monet, libro 2. histor. Galba iterum & Vinio Coss. anno V. C. DCCCXXII. æræ vulgaris LXXIX. vel ab expugnata anno sequente, mense Septembri, urbe Hierosolymitana.

Neque vero in hoc solummodo numismate, quod nondum oculis usurpare licuerat, sed & in altero, quod alii Caracallæ, nos recte, sic enim confiteris non semel & prædicas, Elagabalo asseruimus : quo in nummo cum Tristanus legerit, COL. CAESAREA EIN ΦΛΑ. tu quemadmodum lecturus esses, cupidissime expectabamus, cum prius volumen lucubrationum tuarum legeremus : spondebas enim ænigma te strenue dissoluturum : ubi vidimus tomum alterum, pag. 41. carbones thesaurus erant. A nobis igitur disce nunc primum legi oportere, COL. CAESAREA. L. PN. ΦΛΑ. quibus notis annus CL. æræ Flaviorum indicetur, qui V. C. DCCCCLXXIII. a mense Septembri, Elagabali tertius fuit : ducto æræ hujus exordio, ab Hierosolymis



expugnatis : vel V. C. DCCCCLXXII. idemque Elagabali secundus, si Flavianæ æræ initium repetatur ab ipsis Vespasiani principatus auspiciis, quod verius arbitramur. Tu cum LIB. ΦΛΑ. pro L. ΠΝ. ΦΛΑ. & in isto legis, aut non optima fide, aut non acutissimis oculis esse te fidem facis. Vide interim quantum tibi compendium operæ ultro præstemus, emendatiorem alteram si velis parare tui operis editionem : & gratiam, si vis, habe.

Cave tamen credas Neapolim Samariæ, quoniam in eadem prima Palæstina fuit, eandem observasse æram Flaviorum : tametsi Flaviæ similiter nomen usurparet. Nummum illius penes nos ipsi habemus, Faustinae junioris nomine, cum nota anni ET. ΠΗ. hoc est, LXXXV I I I. quanquam alias, quod est nummus paulo obscurior, aliter legimus. Regia gaza similem habet, cum anni nota ET. ΠΘ. hoc est, LXXXIX. ab urbis scilicet instauratione, Vespasiani jussu & auspiciis.

Has vero notas L. vel ET. ad annum signandum solitas adhiberi non ignoras, opinor : cum id abunde ostenderimus in libro de Nummis, pag. 608. cui loco hanc Macrobiani, si lubet, vocem adijce, e libro 1. Saturn. cap. XV I I. *Annum vetustissimi Græcorum λυχαλτα appellant*, &c. Et apud Homerum quidem in Odyssæa, vox ea semel iterumque occurrit.

Hanc igitur monetæ opifices littera L in nummis representant. Fuit enim, si nescis, apud Græcos vetustiores pingendi λ'μ'εδα forma duplex : altera, quæ nunc est in usu, Λ : altera, quam a Græcis Latini mutuo acceperunt, L, inferiore modo linea obliquo ductu leviter adfurgente. Communicavit nobiscum nuper veterem inscriptionem in Græcia delineatam, vir e Societate nostra præter ceteras laudes incredibili omnium fere linguarum peritia celebratissimus P. PETRUS BESNIER. Virorum nominibus propriis, qualia ista duo sunt, ΚΑΛΛΙΑΣ & ΑΠΟΛΛΟΔΩΡΟΣ, in ea inscriptione, litteræ λ'μ'εδα ea forma insertæ sunt, quæ Latinæ prorsus conditionis esse videantur, aut certe Latinis affines maxime atque cognatæ. Neque id vero in uno tantum vel altero nomine animadvertimus, sed plusquam quinquagies. Quare nihil mirum, si in Ægyptiacis Ptolemæorum, & in Tyriorum nummis, sub Demetrio Sotere, Demetrioque

Nicanore, aliisque, ea littera passim occurrat: jam tum adscito videlicet ad anni voculam signandam altero caractere, qui tum in usu foret: altero ad numerum annorum indicandum reservato. Præsertim cum unica littera signari hanc vocem *Anno* commodissimum foret: neque id fieri per E pro *ἐπὶ* posset: aut per alteram formam pingendi *λάμδα*, Λ: quoniam utraque littera commisceri cum notis numeralibus a legentibus posset.

An & inversa aliquando hæc littera in nummis appareat, in hunc modum, Γ, rogas? Nusquam certe, quod quidem sciam. Nam in nummo Tarsensium, sub Caracalla, apud Trifanum, tom. 2. pag. 215. ΤΑΡΧΟΥ ΜΗΤΡΟΠ. Γ. Β. multo satius videtur interpretari, Γεχμματα βασιλέως, *Imperatoris rescripto*: quod θεῖον γεχμμα, in Concilio Ephesino, & in Calchedonenfi appellatur: in Glossio Philoxeni, Γεχμμα βασιλέως, *divini apices*: ab aliis θεῖα σακεα, & *sacra littera*. Itaque, ut in aliis nummis superius vidimus, S. C. & PERMISSV. AVGVSTI, sic in isto nunc eodem significatu, Γ. Β. nisi quid habes rectius istis, accipe.

Non sunt eæ litteræ in nummo Herenniae Etruscillæ, in quo istud tantum: ΤΑΡΧΟΥ ΜΗΤΡΟΠΟΛΕΩΣ. Α. Μ. Κ. Quarum litterarum sententia videtur esse, Ἀδελφοὶ Μεταλλεῖς Κιλικίας. Nam in alio Caracallæ, teste Holstenio in Stephanum, pag. 313. circa leonem, scribitur, ΑΝΤΩΝΕΙΝΙΑΝΗC. CΕΟΥ. ΑΔΡ. ΜΗΤ. ΤΑΡΧΟΥ. *Antoninianæ Severianæ Hadrianæ Metropoleos Tarsi*. Et intus: Κ. ΑΔΕ. Μ. Κ. Quod nos interpretamur, Κοινὸν ἀδελφῶν μεταλλέων Κιλικίας. *Commune fratrum metallariorum Ciliciæ*. Metallarii sunt, qui metalla suppeditant monetæ cudendæ conflandæ. Vide, fodes, quæ pag. 379. de nummo diximus Musei nostri sic inscripto, ΜΕΤΑΛΛΙ. ΥΠΙΑΝΙ. ΠΑΝΝ. cui metallo nomen ab Ulpio Trajano Aug. & a Pannonia, ubi metallum illud conflagabatur in monetam. Non corpora modo, sive collegia, sed & civitates in Cilicia, fraternitatis titulum usurpasse docet nummus alter, de quo diximus olim, Η. ΤΑ. ΑΔΕΛΦΩΝ ΔΗΜΩΝ.

Omnes autem hosce characteres, de quibus nunc agimus, Caracallæ tertius apud Holstenium nummus complectitur:

nam

nam circum elephantem, ANTΩNEINIANHC. CEOYΡ. AΔPIA. & subtus, TAPCOY. Super tergum elephantis, M. A. K. Super caput, Γ. B. Μεγαλλεῖς ἀδελφοὶ Κιλικίας, ῥεῖματι βασιλέως. Alexandri Severi laudatus ab eodem nummus, AΔP. CEOYH. AΛEΞAN. MHTP. TAPCOY. circum Apollinem : ad dextrum ejusdem brachium, A. M. K. ad lævum, sub arcu, Γ. B. In Gordiani nummo circum leonem, qui taurum discerpit, TAPCOY. MHTPOΠOΛEΩC : & subtus, AMKΓB. Ἀδελφοὶ Μεγαλλεῖς Κιλικίας, ῥεῖματι βασιλέως : non, uti Holstenio credidimus olim, *prima metropolis Ciliciæ*. Nam cum metropolis semel dicta sit in epigraphe, hunc iterum repeti titulum nec usus fert, nec ratio patitur. Denique in Maximi Clodii Pupieni nummo, apud Tristanum, tom. 2. pag. 496. TAPCOY. MHTPOΠOΛEΩC. AMKΓB. eodem, quo sæpe diximus intellectu : neque enim litteræ Γ. B. pro L. B. ut monuimus, accipi debent : hoc est, pro anno secundo : quippe cum secundum imperii annum Maximus Pupienus non viderit.

Ad eosdem Tarsenses spectare & hunc Alexandri Severi nummum ex eo intelliges, laudatum ab Holstenio, loco citato : AΛEΞANΔPIANΩN. AΔPIANΩN. Intus, A. M. K. Subtus, Γ. B. Et istum a nobis relatum, pag. 28. operis nostri de nummis, AΛEΞANΔPEIAC. MHTPOΠOΛEΩC. ET. BΠC. anno CCLXXXII. qui incidit in annum Gordiani quartum, ab Urbe condita DCCCCLXXXIV. ducto illius æræ initio, ab anno V. C. DCCXIII. quo anno concessam Tarsensibus ab Antonio libertatem cum immunitate disces ex Appiano, libro v. Civilium, pag. 675. Neque vero aut Alexandria Ægypti metropolis dicatur in nummis, haud certe magis quam Roma, Carthago, vel Constantinopolis : aut æra ista potest Alexandria Ægyptiacæ convenire. Et eos autem qui hunc olim Caracallæ, & nos qui Elagabalo adscripsimus, cælatura rudior, cujusmodi est Græcorum nummorum, & fugientes postremæ litteræ, fefellerunt : nam ad M. Anton. Gordianum juniorem referri oportere admonet & annorum numerus, & Alexandrinæ cognomen, quod ei civitati nonnisi ab Alexandri Severi temporibus obtigit. A proposito autem non tam facile divagarer, nisi gra-



tificandi tibi animus eo subinde impelleret, quo his adnotationibus locupletare possis illud, quod magno promittis hiatus, volumen de nummis Græcorum. Ad lineas igitur revertamur.

Habes aliquid quod Flaviorum æræ opponas, quam in Cæsariensium nummisprehendimus? Non is es, opinor, qui nescias hoc adulationis genus invaluisse dudum in illo Orientis tractu. Nam ut Arabes omittantur, de quibus, cum essent a Trajani legatis perdomiti, scribit auctor chronici Paschalis, sive Alexandrini, anno Trajani VI II. æræ vulgaris CV. *Petræi & Bosireni ab hoc anno suam æram inchoant*: Πετραῖοι & Βοσρηνοὶ ἀντέθεν τὰς ἑαυτῶν χεῖρας χρυσῶσι: quæ causa fuit altera quamobrem Nova Trajana Bosira diceretur, præter eam quæ est a nobis ante allata: quasi novum sibi sæculum exoriri incolæ testarentur: ut hos, inquam, omittam, quoniam in nummis annos minime signavere: Antiocheni, qui peculiarem sibi æram constituerant, post stabilitam sibi libertatem, sive αὐτονομίαν, beneficio Julii Cæsaris, prima ipsius Dictatura, mense Maio anni ab V. C. DCCV. ut diximus, libro de Nummis, pag. 49. iidem sub Augusto, priore deposita, alteram, ut Principi gratulationis suæ significationem darent, consignavere in nummis, quæ dici Augustæa vel Augustana possit, a pugna victoriaque Aëtiaca, quæ contigit IV, Nonas Septembris, anno V. C. DCCXXIII. Duravitque illa apud ipsos Augusti Tiberiique ætatibus. Sed mox Claudii saltem principatu reditum est ad Julianam. Posterioris certe, hoc est, Augustanæ, annos exhibent nummi subsequeutes: nondum enim plures licuit oculis usurpare.

I. ANTIOXEΩΝ. ΤΗΣ. ΜΗΤΡΟΠΟΛΕΩΣ. ΑΥΤΟΝΟΜΟΥ. ΔΚ. *Antiochensum metropoleos libera, anno XXIV. a pugna nempe Aëtiaca: Urbis conditæ, DCCXLVII. Augusti XXXVIII. ante æram Christianam vulgarem anno VII, ante mensem Septembrem.*

2. ΕΠΙ. ΟΥΑΡΟΥ. ANTIOXEΩΝ. ΕΚ. *Sub Vava Syriæ Præside, Antiochensum. Anno XXV. ab eadem victoria: qui annus a Septembri mense anni DCCXLVII. ad Septembrem anni DCCXLVIII. numerandus est. Nummus est ille cimelii Regii, ut eorum plerique, quos vidimus.*

3. ΕΠΙ. ΟΥΑΡΟΥ. ΑΝΤΙΟΧΕΩΝ. 7Κ. *Anno* xxvi.

4. ΕΠΙ. ΟΥΑΡΟΥ. ΑΝΤΙΟΧΕΩΝ. ΖΚ. *Anno* xxvii. Eodem fortassis anno percussus & alter a nobis supra memoratus, e Museo nostro, ΑΡΧΙΕΡΑΤΙΧΟΝ. ΑΝΤΙΟΧΕΙΣ. ΣΚ. Sic enim plane scriptum est, tam conspicuis fere characteribus, quam lux est meridiani Solis. Sed nihilominus Σ pro Ζ vitio opificum sculptum arbitramur: aut aliquid ibi latere mysterii, quod a te indicari nobis, ut vicem rependas officii, pro jure quodam nostro postulamus.

5. ΕΠΙ. ΣΙΛΑΝΟΥ. ΑΝΤΙΟΧΕΩΝ. ΓΜ. *Sub Silano* Præside Syriæ. *Anno* xliiii.

6. ΕΠΙ. ΣΙΛΑΝΟΥ. ΑΝΤΙΟΧΕΩΝ. ΔΜ. *Anno* xliiv. Sunt anni hi duo ab Urbe condita dccclxvi. & dccclxvii. usque ad Septembrem: æræ vulgaris Christianæ, xiii. & xiv. Augusti Cæsaris anni postremi duo.

7. Α. ΕΠΙ. ΣΙΛΑΝΟΥ. ΑΝΤΙΟΧΕΩΝ. ΕΜ. *Anno* xlv. Ex parte nummi antica, ΣΕΒΑΣΤΟΥ. ΚΑΙΣΑΡ. *Cæsar Augusti F.* Tiberius scilicet, cujus & vultus in eo nummo impressus, & annus primus littera Α, quæ in posticæ area epigraphæ summum locum obtinet, designatur. Annus est V. C. dccclxviii. ante Septembrem, æræ Christianæ xv.

8. Γ. ΕΠΙ. ΣΙΛΑΝΟΥ. ΣΕΛΕΥΚΕΩΝ. ΖΜ. *Sub Silano, Seleucensium: anno* xlvii. Nam Seleucenses adjungi Antiochenis jus & ratio postulat: & quod est admodum vicina civitas, & quod eandem Augustanam in nummis designat æram. Littera Γ primo loco posita, tertium Tiberii annum denotat, cujus vultum & nomen nummus repræsentat.

9. ΚΑΙΣΑΡ. ΣΕΒΑΣΤΟΥ. *Cæsar Augusti F.* In aver-  
sa nummi area, ΑΝΤΙΟΧΕΩΝ. ΜΗΤΡΟΠΟΛΕΩΣ. ΔΝ. *Anno* liv. Urbis conditæ dccclxxvii. æræ Christianæ xxiv. Tiberii decimo, usque ad Septembrem.

10. ΕΠΙ. ΦΛΑΚΚΟΥ. ΑΝΤΙΟΧΕΩΝ. Tiberii nummus, cujus & Patinus meminit, pag. 76. Sed anni notam non expressit, quæ est hujuscemodi, ΒΞ. hoc est, lxi. Tiberii xviii. Urbis dccclxxxv. æræ vulgaris xxxii. Cave enim pro ΒΞ aliud quidpiam oculi tibi obtrudant, ut Pom.

peianam nobis æram per vim inculces. Quid enim alienius a vero, quam sub eodem Augusto, eodemque Præsidente, in simili nummi fabrica, diversas cudi tamen æras? Pomponius autem Flaccus in hoc nummo signatur, quem Josephus laudat libro XVI II. Antiq. cap. VIII. Suetonius in Tiberio, cap. XLII. denique Tacitus, libro VI. Annal. cap. XXVII. Syriæ Proprætorem appellat, defunctum Servio Galba, Lucio Sulla Coss. hoc est, anno æræ vulgaris XXXIII. Tiberii XX.

Præter hos decem, nisi memoria fallit, ab eruditis olim inaudivi alium exstare nummum, ΕΠΙ. ΣΑΤΟΡΝΙΝΟΥ. ΕΤ. ΕΛ. *Sub Cneio Sentio Saturnino, ἐπι λέ. anno XXXV. post Actiacam similiter victoriam, sive Urbis conditæ DCCLVII. Augusti XLVIII. æræ vulgaris Christianæ IV. a Septembri.*

Priorem autem æram, sive Julianam, quæ a Julio Dictatore anno DCCV. ab Urbe condita mense Maio ducit initium, exhibent nummi qui sequuntur.

1. ΕΠΙ. ΠΕΤΡΩΝΙΟΥ. ΑΝΤΙΟΧΕΩΝ. 4. *Sub Petronio, anno XC. Claudium Imp. facies antica nummi repræsentat, cujus in annum primum plane incidit nonagesimus a prima Julii Cæsaris Dictatura. Est idem V. C. DCCLXXXIV. æræ Christianæ XLI. ante mensem Maium. Nummus hic est quoque, ut plerique alii, qui nunc laudantur a nobis, gazæ Regiæ.*

2. ΕΠΙ. ΔΟΓΓΙΝΟΥ. ΕΤ. Δ4. *Anno XCIV. cujus initium a mense Maio anni V. C. DCCCLXXXVIII. æræ vulgaris XLV. Claudii Imp. IV. Sed nummum hunc ipsi non vidimus: de eo ad nos amici retulere, Cassius Longinus a Josepho appellatur, libro XX. Antiq. cap. I.*

3. ΕΠΙ. ΚΟΥΑΔΡΑΤΟΥ. ΕΤ. ΕΡ. *Sub Quadrato, anno CV. Neronis nummus est, anno ipsius altero cusus, V. C. DCCCIX. æræ Christianæ LVI.*

4. ΝΕΡΩΝΟΣ. ΚΑΙΣΑΡΟΣ. ΣΕΒΑΣΤΟΥ. In superficie altera, ΠΟΠΗΙΑΣ. ΣΕΒΑΣΤΗΣ. ΗΡ. *Anno CVIII. Urbis conditæ DCCCXII. Neronis V. æræ vulgaris LIX.*

5. ΕΠΙ. ΚΕΣΤΙΟΥ. ΑΝΤΙΟΧΕΩΝ. ΕΤ. ΔΙΡ. *Sub Cestio, anno CXIV. Neronis XI. æræ Christianæ LXV. Urbis conditæ DCCCXVIII.*



6. ΕΠΙ. ΜΟΥΚΙΑΝΟΥ. ΑΝΤΙΟΧΕΩΝ. ΕΤ. ΖΙΡ.  
*Sub Muriano, anno cxxvii. Galbæ Imp. nomen ex altera parte nummus Latine præfert. Annum designat Urbis conditæ dcccxxi. post Junium mensem, quo Galba rerum potitus est.*

7. ΑΝΤΙΟΧΕΩΝ. In averſa parte, ara : cum his vocibus, ΕΤΟC. ΚΡ. id est, annus cxx. qui V. C. dcccxxiv. Christianæ æræ lxx. Vespasiani secundus.

8. ΑΝΤΙΟΧΕΩΝ. ΜΗΤΡΟΠΟΛΕΩC. Η Κ Σ.  
*Anno ccxxviii. Nempe V. C. dccccxxxi. æræ Christianæ clxxix. M. Aurelii Imp. xix.*

9. ΑΝΤΙΟΧΕΩΝ. ΜΗ. ΚΟΛΟ. ΔΟC. Ἀντιοχέων μητροπόλεως κολωνίας, σδ'. *Anno cclxxiv. Urbis conditæ dcccclxxviii. æræ Christianæ ccxxv. Alexandri Severi quarto.*

Sed quorsum ego hæc te doceo, inquires ? Nempe ut intelligas multa tibi etiam in hoc genere dediscenda. Sic enim de Antiochenorum æra pronuntias, in Alexandro Severo, pag. 162. *Antiochenſes ingenio leves & mutabiles, varias in nummis æras computarunt. Prima ab ipsis signata est sub regibus suis a condita Antiochia. Secunda, cum epigraphe αὐτονομία, principibus suis expulsis, & Syria in provinciam redacta, anno Urbis conditæ 641. Tertia post interfectum Pompeium, anno V. C. 705. Quarta denique, sub Augusto, V. C. 723. Sed eam etiam mutarunt sub Vespasiano, extinctis post Neronem Cæsaribus, Iuliana iterum recepta.*

Quot hic e divite pera tanquam æra spargis æras ? At expunge, sodes, uno calami ductu duas priores : fictitiæ enim sunt : neque usquam in nummis, aut in aliis monumentis apparent. Primam quidem si qui nummi præferunt sub regibus Syriæ, ut ais, cur hi a te prætermiſsi in opere de nummis regum Syriæ ? Unum tu quidem profers sub Romanis Impp. conflatum, pag. 268. in Philippo juniore : quo in nummo censes annos numerari a condita Antiochia : quo id autem argumento doces ? plane nullo. Et vero ad annum M. Aurelii xix. ut nos proxime fecimus, referri oportuit, ducto annorum initio a prima Cæsaris Dictatura. An ullam ducerent a Pompeii adventu æram Antiocheni, cum annus ille luctum

mœroremque potius, quam gaudium, attulisset : capta urbe, rege pulso, redempta pretio libertate, nec sine metu ejusdem brevi amittendæ ? Quod contra Gazensibus Gadarensibusque evenit, quibus concessa a Pompeio ultro libertas est, anno subsequente, hoc est, V. C. DCCXCII. quo Palæstinam ille lustravit, unde horum æra cepit initium : ultra biennium hanc nequicquam prorogante chronici Alexandrini auctore, qui tempora rerum gestarum subinde conturbat.

Secundam pariter epocham tuam cur potius quam tertiam *αὐτονομία* appellatio designet, haud sane intelligo. Nam *αὐτονομία* quidem, sive potestatem propriis vivendi legibus redemere pecunia a Pompeio Antiocheni, teste Porphyrio in Scaligeri Eusebianis, pag. 227. At eadem a Julio Cæsare postea lege lata est stabilita, ut dudum monuimus ex chronico Alexandrino. Noli ergo æræ Pompeianæ hunc nummum, ut ibidem facis, adscribere : ANTIOXΕΩΝ. ΤΗΣ. ΜΗΤΡΟΠΟΛΕΩΣ. ΑΥΤΟΝΟΜΟΥ. ΔΚ. Anno XXIV. sed Augustanæ, ut fecimus. Nisi forte arbitraris, aut sub Julio Cæsare, aut sub Augusto consignari potuisse in nummis Antiochenorum æram Pompeianam. Quam tu cum cœptam dicis anno 641. vel ut in indice aïs erratorum tuorum, anno 691. aberras adhuc a vero : nam annus DCCXC. debuit adsignari : quem Pompeius in Syria transegit. *Μητροπόλεως* quoque titulum ab Augusto demptum huic civitati dum conjicis, restitutumque a Trajano, conjectationem hanc tuam egregie refellit hic nummus, anno XXXVIII. Augusti percussus : itemque alter sub Tiberio, quem & nono loco superius commemoravimus, & apud Patinum in Thesauro, pag. 48. legere potuisti.

Vide igitur ut duas tantummodo Antiochenorum æras in tuo opere Græcorum numismatum agnoscas : alteram a Julio Dictatore, anno DCCV. alteram a pugna Actiaca, anno DCCXXIII. Neque hanc sub Vespasiano, ut aïs, extinctam, sed multo antea, Claudii saltem principatu, scito : revocata nempe æra Juliana : non levitate animi, ut accusas : sed quod ab Imperatore, qui tunc rerum potiebatur, confirmatum fuisset diploma Julianum de Antiochenorum libertate :

stabilitâque jura ac privilegia eo diplomate comprehensa.

Veniamus jam ad insignem fructum, quem percipi dicis ex notis annorum, quæ sunt in nummis insculptæ. *Hic lector*, inquis, tom. 2. pag. 163. *per Antiochenſium æram in nummis ſub Syriæ præſidibus percuffis ſignatam, D. N. Ieſum Chriſtum ſub Auguſto, Syriam regente Varo, anno V. C. 749. natum nos cognoviſſe monemus: de quo fuſius in diſſertatione particulari, aut in 2. de Syriæ præſidibus tomo, quem aliquando ſumus edituri.*

An arcanum aliquando tuum cuiquam impertiſti, a quo deinde ad nos dimanarit? Dabo nunc operam ut intelligas nihil ad nostros haustus e tuis fontibus derivatum. Vide enim quanto nobis notius iſtud, quam tibi, ſit. Natalem Dominicum contigſſe anno Urbis conditæ DCCXLVII. annis ſex & menſibus tribus ante æram vulgarem, quæ a Kalendis Januariis anni DCCCLIV. ducit initium, Antiochenorum nummi plane ſuadent: non anno DCCXLIX. ut affirmas: Syriam regente Caſo Sentio Saturnino: non Varo, ut arbitraris. Nam ſub Saturnino cenſus editus eſt, quem Lucas commemorat in Evangelio ſub Cyrino, ſeu Quirinio, actum. A Saturnino nempe, ut præſide Syriæ: a Quirinio, ut procuratore, peractum id munus eſt.

De Saturnino quidem teſtis eſt Tertullianus, libro IV. contra Marcionem, cap. XIX. ubi de Chriſti genere & carne diſputat: *Sed & cenſus conſtat actus ſub Auguſto tunc in Iudæa per Sentium Saturninum, apud quos genus ejus inquirere potuiſſent.* De cenſu porro, qui ſub natalem Chriſti actus eſt, ſermonem ei eſſe, fidem facit alter ejusdem locus hoc ipſo libro, cap. VII. ubi de Chriſto Domino: *Quomodo in ſynagogam potuit admitti tam repentinus, tam ignotus? cujus nemo adhuc certus de tribu, de populo, de domo, de cenſu denique Auguſti? quem teſtem fideliffimum Dominicæ nativitatſ Romana archiva cuſtodiant.* Unde Rigaltii notam ad priorem Septimii locum non immerito ſpreveris.

De Quirinio vero Juſtinus martyr in apologia ad Antoninum, quæ vulgo ſecunda dicitur, pag. 59. ubi natum in Bethleem Chriſtum ait, *quemadmodum*, inquit, *& ex deſcriptionibus cenſus acti, quæ ſub Cyrenio, primo veſtro in Iudæa*



*PROCURATORE*, sunt confecta, intelligere potestis: ὡς καὶ μαθεῖν δύνασθε ἐκ τῆς ἀπογραφῆς τῆς ἡγομένης ἐπὶ Κυρηνίου ὃ ὑμέτερον ἐν Ἰουδαίᾳ πρῶτον ἡγομένης ὀπίσθου. Primus procurator dicitur, quoniam primus censum egit. Nam procurator ante illum fuit reip̄sa Volumnius : sed priore anno, ut apparet, quo Saturninus Syriæ præfuit, morte abreptus. Itaque quem agere ille cum Saturnino censum non potuit, egit Cyrinus, sive Quirinius, in Volumnii locum suffectus, ut esset ἐπίτροπος, procurator, & secundum quendam modum eam ob rem cum Saturnino ἡγεμών, in provincia præses.

Nam & Volumnius a Josepho, libro xvi. Antiq. cap. xvi. ea communi cum Saturnino appellatione cohonestatur: Σατορνῖνον & Ουολόμνιον τ' ἐς τὴν Συρίαν ἡγεμόνας: iterumque cap. xii. Et tamen libro i. belli Jud. cap. xvii. οἱ ἡγεμόνες dicuntur Σατορνῖνον τε, καὶ οἱ δὲ Πεδάνιον πρεσβύτης, Saturninus & Pedanius legati, quorum ille provinciæ rector esset, τὴν Συρίαν ὀπίσθη, ut appellatur ab eodem Josepho, libro xvi. Antiq. cap. i. iste exercitus, sive legionis: (nam ita postea sub Nerone, teste Tacito, libro xv. Annal. cap. xxv. *Syriæ executio Cincio, copia militares Corbuloni permixta*: ) Sed cum Saturnino & Pedanio Volumnius procurator fuit, σὺν οἷς καὶ Ουολόμνιον ὁ ἐπίτροπος, inquit Josephus loco ante citato. Et a Luca in Evangelio Cyrinus similiter ἡγεμονεύων appellatur, quem Justinus martyr, ut vidimus, ἐπίτροπον nuncupavit, & quidem πρῶτον: quoniam ab eo, ut Lucas testatur, descriptio prima facta est. Alteram egit idem, cum Syriæ præses esset, adjuncto ei comite Coponio præfecto equitum, anno æræ Christianæ vii. Urbis conditæ dccclx. Augusti Imp. li. sive, ut Josephus docet, libro xviii. Antiq. cap. iiii. anno xxxvii. post pugnam Actiacam. Quo ex Josephi loco suspicari haud temere licet, tota Syria, atque adeo & Palæstina receptam fuisse illo ævo æram, quæ in nummis Antiochenorum Augustana superius nuncupata est.

Jam Cæsar Sentio Saturnino Syriæ præfidi suffectus est Quintilius Varus, anno xxv. Antiochenorum, ut nummi docent antea allati: qui annus incipit ex a. d. iv. Nonas Septembres anni ab V. C. dccxlvii. Igitur Saturnino Varus est subrogatus cum ferissime, ut eo anno xxv. sub ejus nomine

moneta

moneta cuderetur, insequente Maïo, censu jam peracto per Saturninum, dum haberet Cyrinum procuratorem. Nam Volumnium initio magistratus habuerat, ut monuimus: qui cum eo sententiam dixit in Herodis filios, ut Josephus refert, libro XVI. Antiq. cap. ult. anno eo ipso, ut arbitramur, V. C. DCXLVII. sub Pascha. Census ergo in Judæa, defuncto paulo post Volumnio, vel abdicato, peractus est mense Septembri: quæ tempestas itineribus eorum qui dare nomina debuerat, erat opportunior. Quam forte ob causam natali Dominico adsignavere quidam Aprilem aut Maïum, apud Clementem Alex. libro I. Strom. pag. 340.

Anno, inquam, DCXLVII. Quid enim verius, aut certe propius vero, quam cum Romæ census ab Augusto peractus esset, lustrumque conditum, anno DCCXLVI. Censorino & Atinio Coss. ut ipse Augustus admonet in marmore Ancyrano, per provincias anno proxime subsequente *exiisse editum ab eodem Casare Augusto, ut describeretur universus orbis?* Hoc ergo anno DCCXLVII. censemus descriptum orbem: nam post Romam quidem censitam: non igitur anno DCCXLVI. Sed necdum Varo præside Syriæ, qui magistratum iniit anno DCCXLVIII. Anno igitur intermedio, qui DCCXLVII.

In mensem vero Septembrem multo verius conveniunt *pastorum vigiliæ super gregem suum*, quas Lucas commemorat: sive, ut in Græco legitur, ἀγρωλίας, campestris sub dio stabulatio, ut ante nos alii viderunt, quam in Decembrem. Shabb. fol. 45, 2. & Bezah, fol. 41, 1. *Hæc sunt pecora eremi, ea nempe quæ prodeunt pastum circa tempus paschatis, & pascentur in campis, & domum redeunt ad pluviam primam.* Nedarim, fol. 63, 1. & Taanith, fol. 6, 1. *Quænam est pluvia prima? Incipit tertio mensis Marcheshvan.* Qui mensis partem habuit cum Octobri nostro ac Novembri.

Nam quod die xxv. Decembris apud nos natalis hic dies colitur, (qui mos ævo Chrysostomi, hoc est, sub annum CCCLXX. transit etiam ad Orientales, sive Antiochenos, ipso teste, homilia XXXI. tomi IV. de natali Christi: cum ante hunc annum in ea diœcesi dies natalis Domini in obscuro fuisset: ) id, inquam, suspicamus sapientissime institutum ab Ecclesia Romana jam a primis temporibus. Nempe eo

consilio, ut quoniam dies ille ab ethnicis natali Solis dedicabatur, ob reditum Solis a bruma, religione mutata, JESU Christi Domini ac veri Solis nostri natali, cujus alioqui verus dies natalis lateret, tribueretur. In Calendario Romano, quod confectum est Constantini Magni temporibus, ipso anno Christi CCCXXV. quo synodus prima Nicæna celebrata est, VIII. Kal. Ianuarias, N. Inviſti. C. M. XXIIII. Hoc est, *Natalis Inviſti. Circenſium miſſiones* XXIV. Id quod de Mithra Sole Inviſto intelligendum est. Vidisti enim, opinor, nummos complures Gallieni, aliorumque, inſcriptos, SOLI. INVICTO. Græce Ἡλίου Ἀνίκητος a Juliano Cæſare appellatur, orat. IV. pag. 292. ubi natalem Solis incidere ait in eos dies, quibus Sol primum ad ſeptentriones ab aſtro regreditur. Hinc illud Auſonii, in Idyllio VIII. *Renovate veni Sol.* Inter Jovis epitheta locum & illud habet apud Auguſtinum, libro VII. de Civitate Dei, cap. XI. Deo ipſi Opt. Max. a Fulgentio Ruſpenſi tribuitur, epiſt. VII. cap. VI. *Bonitas INVICTI non vincitur.* In eum ergo diem natalis Chriſti Romæ primum tranſlatus eſt: ut dum gentiles profano ritui vacarent, ſacris ſuis Chriſtiani libere operam darent.

De anno vero, nam id caput controverſiæ eſt, nobis plurimi veteres ſuffragantur, quos citat R. Abraham, a Genebrardo editus, pag. 72. Nam illi ipſo teſte docent *natum eſſe JESUM anno* XXXVIII. *Auguſti*: qui annus ipſe eſt quem adſignavimus. Tempore certe natalis Dominici ſic conſtituto, cum ſacris evangelicæ hiſtoriæ ſcriptoribus Joſephus, Dio, aliique, mire concordant: quibus alioqui penitus ſit abroganda fides, ſi aliter ſtatuatur. Quis autem tot teſtes, tam idoneos, ac locupletes, ubi nulla ſit cauſa mentiendi, mendacii inſimulet? Inde triennio poſt natalem Domini Herodem obiſſe, ut ex Luca haud obſcure colligitur: hoc eſt, Sabino & Ruſino Coſſ. anno V. C. DCCCL. ut Joſephus & Dio ſcripſere, & ex Tranquillo conficitur: elapſis poſt eclipſim, quæ XIII. Martii eo anno contigit, aliquot menſibus, ut ex Joſepho liquet: adeoque die XXV. Novembris, ut Judæorum libri habent, plane conſtabit. Baptizatum deinde a Joanne Chriſtum, ὡς τὸν πρῶτον πιάκοντα, ut ait Lucas: poſt annos triginta, καὶ πιάκοντα ἔτη, ut Chryſoſtomus: cum anno tantum uno triceſimum excederet, intelligemus: anno



Tiberii decimo quinto, ex quo provincias rexit Proconsule : VI. Id. Novembres, ut ait Epiphanius hæc. LI. anno æræ vulgaris xxv. Præterea ab anno xviii. Herodis post Hierosolyma expugnata, detrusumque regno Antigoni, sive ab anno V. C. DCCXXXIV. tertio mense, die jejunii, ut Josephus docet, libro xiv. cap. ult. adeoque die xxiii. Siwan, ut ex Calendario Judaico discimus : quo anno xviii. circiter Julium mensem templum ab Herode instaurari cœptum est, ex Josepho, libro xv. cap. xiv. in diesque augeri usque ad Neronis tempora, ut idem prodit, libro xx. cap. viii. sive xvii. Ab anno, inquam, isto, V. C. DCCXXXIV. annum xlv. de quo sermo est Joannis capite secundo, incidere animadvertimus in annum V. C. DCCCLXXX. usque ad Julium mensem, qui est æræ vulgaris xxvii. idemque usque ad Maium primus prædicationis Christi, quo res ea a Joanne capite laudato narratur. Nam prædicationis officium Dominus capeffivit anno superiore, Kalendis Maii, ut Martyrologium admonet, quod Hieronymi dicitur. Denique passum esse Dominum JESUM anno æræ vulgaris xxix. ex eo intelligimus, tertio paschate post susceptum prædicandi munus, ut vetustissimi e Patribus unanimi consensione prodidere, duobus Geminis Coss. Horum an tu quidquam es subodoratus ? aut tibi aliquis ante nos indicavit ?

CÆSAREÆ Palæstinæ quo tempore metropolis facta sit falso te docuisse : cum id & alia monumenta, & ipsi nummi aperte doceant.

**I**N Alexandri Severi nummo, pag. 166. tomi posterioris, Cæsareæ Palæstinæ metropolis inscribitur, C. P. F. A. FEL. CAES. METR. *Colonia prima Flavia Augusta Felix Cæsareæ metropolis.* Sunt & sub Decio principe quatuor, cum epigraphe auctiore, pag. 279. 280. 281. & 282. COL. PR. FL. AVG. CAES. METR. P. S. P. Denique sub Volusiano alius, pag. 318. COL. P. F. CAES. MET. PR. S. P. *Colonia prima Flavia Cæsareæ metropolis provincie Syriae Palæstinæ.* Ais autem ubique horum locorum, ab Alexandro Severo primum Cæsaream id beneficii consecutam,

ut metropoleos prerogativa & appellatione potiretur, quoniam id nomen in ejus Imperatoris nummis primum occurrit. Dic sodes, si vere Tacitus retulit, libro 2. histor. ipso te confitente, Judææ caput jam tum Vespasiani temporibus Cæsaream fuisse, aliudne censes caput esse provinciæ, aliud metropolim? aut Judææ caput esse potuisse, nec simul Palæstinæ esse? Certe cum Judæam Tacitus dixerit, ipse Taciti dictum de Palæstina, ut decuit, interpretaris, pag. 166. Fuit ergo jam tum totius Palæstinæ, quam Judææ nomine Tacitus designat, seu caput, seu metropolis. Totius, inquam, Palæstinæ, sive Syriæ Palæstinæ, quæ in tres postea, nempe sub Thodosio II. divisæ est Palæstinas. Sed sub Vespasiano Syriæ Palæstinæ, quæ tres illas complectebatur, Cæsarea metropolis fuit: postea & sub Prælide. Quo tempore, inquires? Hadriani Augusti principatu: quem auctorem divellendæ a Syria Antiochena Syriam Palæstinam, dato huic Prælide, Victor in Epitome satis dilucide testatur, ut ex ejus oratione id eruditi colligant. *Officia sane publica*, inquit, *& palatica, necnon militiæ*, hoc est, dignitates tam civiles, quam militares, quæ in Notitia Imperii continentur, *in eam formam statuit, quæ paucis per Constantinum immutatis hodie perseverant.*

Quid quod id ipsum fere nummi docent? non deinde te pudet id nescisse? nec rubor pudorem, nec ruborem versæ repente lacrymæ nunc tandem consequuntur? Superi rursus ut tam gravem mihi solœcismum condonent, oro ac flagito: obortas sive fusas dicere lacrymas volui: sed hæsit animo vox illa, quam ubi apud te vidi pag. 358. sive ultima tomi secundi, risum tenere non potui. Sed qui nummi tandem Palæstinam avulsam a Syria indicant? Vidistin, aut meministin Antonino Pio principe, qui proxime Hadriano successit, percussam Neapoli Samariæ nummum ita inscriptum, Φ Λ. Ν Ε Α C. Π Ο Λ Ε Ω C. C Υ Ρ Ι Α C. Π Α Λ Α Ι C Τ Ι Ν Η C? Audis igitur ibi primum commemorari Syriam Palæstinam: tres eo nomine, quæ postea discretæ fuere, Palæstinas intellige: cum prima scilicet Syriæ Palæstinæ nomen habuit; altera, secundæ Palæstinæ: tertia, Palæstinæ salutaris.

Vis adhuc planius tempus nosse, quo divisæ fuere a Syria Palæstinæ? Nihil te celatum velim. Vide quam tecum agam

liberaliter. Annum rogas? Ex nummis indicabo. Hadriani x. æræ vulgaris cxxvii. Urbis conditæ dcccclxxx. Est in Regio cimelio nummus inscriptus, ΑΥ. ΚΑ. ΤΡ. ΑΔΡΙΑΝΟC. In altera superficie, ΓΑΖΑ. Γ. ΕΠΙ. ΒΥΡ. Scis quid hæ litteræ velint? *Anno tertio, cum anno, vel sub anno, vel in anno cxcii.* Gazensem æram diximus eo anno cœpisse, quo Palæstinam Pompeius lustravit: est enim illud oppidum primæ Palæstinæ. Lustravit is autem tractum illum anno V. C. dcxc. Annum igitur hic nummus designat dcccclxxxii. æræ vulgaris cxxix. Hadriani xii. At idem est annus tertius alterius æræ Gazensium. Hæc igitur cœpta est anno dcccclxxx. æræ vulgaris cxxvii. Hadriani x. quo anno sejunctam ab Antiochena Syria ac Phœnicia Palæstinam, ubi Gaza fuit, hic nummus fidem facit: Præsidemque Syriæ tunc datum. Idem anno sequente, hoc est, imperii undecimo, cum Syriam lustraret, id quod inter alia docet numisma ΚΑΝΟΘ. Λ. ΙΑ. urbis Canathæ in Decapolitana, ut diximus olim, Syriæ regione, *Antiochenſes ita odio habuit*, inquit Spartianus, *ut Syriam a Phœnice ſeparare voluerit*, ut jam a Palæstina sejunxerat, ne tot civitatum metropolis Antiochia diceretur.

Rogas deinde, neque enim uno errore contentus es, an a Syria sejuncta Cæsarea sit. Hoc est quærere an Lutetia sit divulgata a Galliis. Sed Palæstinam, credo, pro Cæsarea dicere voluisti. Rogas denuo, an Decapolim sit complexa. Syria Palæstina utique, Hadriani principatu: non item sub Theodosio juniore, Palæstina: quo nomine Palæstina prima intelligitur in Notitia Imperii. Fuit enim secundæ Palæstinæ regio Decapolitana pars maxima. Vide quot a te admissa uno in nummo σφάλματα.

CALAGURIM non a Scipione, ut arbitraris, Nassicam cognominatam esse.

NUMMUS Augusti caput exhibet, cum epigraphe NASSICA, quam ibi non esse viri appellationem, uti ex Plinio indicaveramus, ipse quoque agnoscis: sed oppidi ipsius cognomen potius, quod in aversa nummi area ap.



pellatur MV. CAL. IVLIA, hoc est, *Municipium Calaguris Iulia*. Plinius enim noster, libro III. sect. IV. *Calaguritani*, inquit, *qui Nassicci cognominantur*. Et vetus inscriptio, teste Ambrosio Morale, MVN. CALAGVRIS. IVLIA. NASSICA. Tu quid præterea conjicis, pag. 36. a Scipione Nasica videri id ei nomen inditum, quoniam is prætor in Hispania citeriore fuerit? quasi vero Calaguritanis potius id nomen obtingere idcirco debuerit, quam aliis quibuscumque ex eadem provincia: aut prætorum sibi nomina civitates adsciscerent: aut Nassicci geminata littera S a Nasica, cui verbo unica in Fastis inest, cognominari possint. Susceptæ me hic profecto jam operæ tædet, ac nisi tibi prodesse cupe-rem, indicando amice ac benevole saltem pauca quædam, in quibus offenderis, amico prorsus indignarer, qui me convitiis adegerit suis, ut tales nugas refellerem.

CARRHENORUM civitati dum ex duobus nummis  
secundæ metropoleos prærogativam adferis,  
ne litteras quidem Græcas te nosse.

- M**ESOPOTAMIÆ metropoles duas exstitisse, Emesam & Carrhas, ex nummis probare tibi videris. De Emesa suo loco viderimus. Carrhis interim secundæ metropoleos jus ac dignitatem vindicas duplici nummo: altero Elagabali,
30. pag. 113. tomi secundi: ΚΑ. ΚΟΛ. ΜΗ. ΠΟΛ. Δ. Alex-
31. xandri Severi altero, pag. 167. ΚΑΡΡΑ. ΚΟΛ. ΜΗ. ΜΕC. Δ. Quos sic interpretaris: Κάρρα κολωνία μητρόπολις Μεσοποταμίας δυτῆρα. Quis te Græce legere magister edocuit? quis Δ pro binario nummo usurpatum vidit? Digitis computa, Α. Β. Γ. Δ. Quot digiti sunt? quatuor. Non & quatuor hæ litteræ sunt? Quartam igitur metropolim hæc littera indicat: vel, quod eodem recidit, cum distributa in quatuor regiones esset ille tractus Mesopotamiæ, qui Romanæ ditioni suberat, ut Cappadocia in multo plures, quartæ Mesopotamiæ Carrhena civitas metropolis appellatur: sic enim legendum, Μεσοποταμίας τετάρτης. Rogas quæ ceteræ metropoles fuerint, suorum quæque conventuum, jurisdictionum-

que capita? Amida principatum tenuit: quamobrem metropolis Mesopotamiæ primæ appellatur in nummis, ut postea videbimus. Edessa, & Nisibis deinde consecutæ. Nam quod Nisibin metropolim a Philippo creatam narras, pag. 248. vel hic Carrhenorum nummus id falsi coarguit: qui quartum in censu metropoleon locum obtinuisse Carrhas docet, jam inde ab Alexandri Severi principatu. In Notitia Ecclesiastica, Edessa & Carrhæ adscribuntur provinciæ Osrhoënæ, quæ multis Mesopotamiæ constat oppidis.

At ut in una provincia duas interdum metropoles probes existisse, quod nec quisquam negat, & nos subinde docuimus, nummum affers pag. 113. Tomitanæ urbis, *cum hac epigraphæ secundæ Ponti*, inquis, ΤΟΜΕΩΣ ΜΗΤΡΟΠΟΛΕΩΣ ΠΟΝΤΟΥ. Δ. hoc est, ut interpretaris, Τόμωος μητροπόλεως Πόντου δυνάστης. Solerter, ut prius, & acute. Cujus solertia & illud est, quod tum pag. 348. in Gallieno, tum in Salonina, pag. 355. B. NE. βίς νεωκόρου, pro δὲ interpretare. Lege, Πόντε τεταρτή. Hæres, & obstupescis? Patere a nobis hunc tibi stuporem eripi. Pontus in Asia triplex: Polemoniachus, Galaticus, Cappadocicus: sic enim a Ptolemæo, ut nunc omittam ceteros, appellantur. Quartus in Europa Scythicus est, cujus unica metropolis Tomi, Ovidii, ut diximus, exsilio celebrata. Tuam ipsius sortem diffutis, si libet, malis nunc ride, qui Tomitarum nummum, in quo similis littera Δ occurrit, ad hoc tantum produxisse videris, ut prava ejus interpretatione priorem inconsiderantiam tanquam in ære scriberes.

CARTHAGINI attributum a te nummum esse,  
qui Cartennitanæ coloniæ sit.

**A**UGUSTI principatu cūsum nummum affers, pag. 2. 32. cujus in antica parte Julii Dictatoris vultus exprimitur, cum his litteris C. I. C. XXXVI. in altera Augusti, cum istis, EX D. D. hoc est, ut passim monuimus, *Ex decreto Decurionum*. Hic tu nobis dicam impingis, quod hunc nummum olim coloniæ Iol Cæsareæ dedimus, quam a Claudio Plinius deductam agnoscit: perinde quasi, quod tu de Car-

thagine, aliisque innumeris refers, non æque potuerit Cæsareæ obtingere, ut bis eo deducti coloni sint. Sed ista nunc omittimus: tu quid censes? legi scilicet oportere, *Colonia Iulia Carthago*, annumque xxxvi. intelligi, ex quo primum eo deducta a Julio colonia sit. Dic, amabo, ecqua omnino colonia in occidente annos deductionis suæ signavit in nummis? In Oriente Sinopensis quidem hunc morem habuit: at eundem semper tenuit: nullus est Sinopensium nummus Latinus absque hac nota. An tu Carthaginis alicui alteri nummo inscriptam similiter æram vidisti? Quo ex uno argumento, hic nummus si Carthagini esset adserendus, ceteri quinque, de quibus mox dicturi sumus, quos eidem adscribis, cum ab his ea nota annorum absit, haud dubie essent eidem abjudicandi. At ubi in isto præterea illa a nummis novæ Carthaginis discriminis nota? ubi illa littera A. qua tu in nummis C. I. C. A. Carthaginem Antiquam designari, quamquam falso, putas? cur ab isto uno abest? aut cur, cum absit, si addi mos fuit, non alio spectare hunc nummum statim agnoscis?

Quo tandem, inquires? Dicam aperte: nec pudet enim priorem revocare sententiam: nec licet tamen in tuam concedere. Lege securus, *Colonia Iulia Cartenna*: & annum xxxvi. Jubæ regis intellige. Sic ipsius Cæsareæ, quæ nunc Algeriana civitas est, nummum laudavimus inscriptum, REX. IVBA. ex parte averſa, CAESARE A. R. xxxii. hoc est, *anno regni xxxii*. In Juliæ Babbæ nummo, similis atque in Cartennenſi annorum numerus notatur, C. I. B. xxxvi. quod civitates eæ tres eidem regi parerent. Cartennæ, & Babbæ, etsi utraq; fuit ab Augusto deducta, teste Plinio, ut & C. I. V. hoc est, Valentia, de qua dicemus suo loco, in honorem Juliæ gentis, Juliæ prænomen adjectum est. Denique Jubæ junioris pariter nummi exstant, cum epigraphe, REX. IVBA. & anno xxxv. in aliquibus xxxxi. & xxxv. quos ipsi vidimus. Jamne intelligis hunc nummum, quem Carthagini adserebas, Jubæ ditionis fuisse, hoc est, alterutrius Mauretaniæ: nec Tingitanæ tamen esse posse, in qua Julia Constantia fuit: quippe quæ ditioni regum exempta, & jura Baticam petere jussa, teste



teste Plinio: nec alteri proinde civitati omnino posse tribui, præterquam Cartennæ? Quo de oppido Plinius, libro v. sect. 1. *Cartenna, colonia Augusti, legio secunda*, in Mauretania Cæsariensi. Cartennas coloniam vocat in Itinerario Antoninus. In Notitia Africae, inter episcopos Mauretaniae Cæsariensis, Lucidus Cartennitanus. Hodie *Aochora* dicitur.

CARTHAGINI Africae adscriptos a te nummos decem esse, qui sint coloniae Juliae Corinthi.

NUNC scitum aliud ac festivum ingenii tui commentum refellendum est. Nummos decem Carthagini Africae adseris, quos nemo, nisi cæcus, eidem tribui posse credat, nemo harum rerum peritus non Corintho vindicet. Ex his tomo priore quæque continentur. Primus est, Agrippinae senioris, pag. 140. inscriptus, ut ais, C. I. C. GENIVM. 33. cum Fortunæ seu Genii Urbis effigie, quæ cornu copiae gerat, ac temonem regat. Alter est Neronis, pag. 169. C. I. C. A. 34. D. D. colono, ut quidem dicis, boves agente. Tertius, Antonini Pii, pag. 243. C. I. C. A. GENIO. P. R. cum Fortu- 35. næ, seu Genii effigie, ut in priore. Quartus, M. Aurelii, pag. 257. C. I. C. A. D. D. lupa gemellos lactante. Quintus & postremus, Commodi, pag. 302. C. I. C. A. D. D. in quo triremis picta cum remigibus.

Ac de primo quidem sic pronuntias, pag. 141. C. I. C. GENIVM. *Coloniae Juliae Carthagenensis Genium. Has litteras initiales C. I. C. ad coloniam Iuliam Carthaginem in Iulii nummis pag. 2. revocavimus*, eo nempe nummo, quem ad Cartennam referendum esse proxime monuimus. *Carthaginenses, inquis, Agrippinam tanquam Deam colentes, urbem suam sub ejus genii tutela positam denotant, ipsam sub Fortunæ effigie Genium appellantes, ut ipsi Antoninum Pium pariter Genium populi Romani infra in nummis vocarunt.*

De altero, pag. 169. C. I. C. A. *Colonia Iulia Carthago Antiqua. In nummo Antiqua perhibetur, ad distinctionem Carthaginis Hispaniae, quæ nova appellata est.*

De tertio, pag. 243. C. I. C. A. *Colonia Iulia Carthago Antiqua. Has notas, C. I. C. Colonia Iulia Carthago,*

*interpretati sumus : additur in hoc nummo A, id est, Antiqua, & non Augusta, ut in Treboniano Gallo videbimus.*

De quarto, pag. 257. C. I. C. A. *Colonia Iulia Carthago Antiqua.* Et pag. 258. *Litteram A. Antiquam potius quam Augustam interpretati sumus ob nummum Treboniani Galli, in*  
 36. *quo duo AA subsequenter scripta sunt. C. I. C. A. A. P. Colonia Iulia Carthago Antiqua Augusta Pia, quæ alio modo explicari posse non videntur. De postremo nihil novi dicis : solam exhibes interpretationem earum litterarum, C. I. C. A. pro tuo more, colonia Iulia Carthago antiqua.*

Quinque reliquos posterioris tomi frustra videar commemorare, cum iisdem sint symbolis insigniti. Loca tamen dumtaxat indicabo. Primus occurrit in Geta, pag. 77. cum Genii effigie, qui cornu copiae gestet utraque manu. Alter in Elagabalo, pag. 114. Similisque prorsus in Philippo juniore, pag. 268. Iupam cum Remo & Romulo exhibet : triremim quartus in eodem Philippo, pag. 269. ut & postremus in Treboniano, pag. 305. In duobus porro postremis nos acriter ac vehementer objurgas, qui nolimus sic eos legi, *Colonia Iulia Carthago Antiqua Augusta*, cum sint inscripti, C. I. C. A. A.

Negas autem, quæ gravior accusatio est, pag. 282. tomi prioris, negas, inquam, nobis fuisse ullum cum rei nummariae studiosis sermonem aut commercium. Proh ! tu quot & quam insignia errata ex opere tuo expunxisses, si cum eruditis sæpiuscule iis de rebus sermonem contulisses ? Tu Carthaginem Africae antiquam appellatam putas ? quo argumento ? quo teste ? Plane nullo. Quin potius Magna est appellata in nummis ? nam id nomen habet apud Plinium & Ptolemæum, ut Liberatum Diaconum Carthaginensem, in breviario, cap. xx. & reliquos nunc omittam. Ille libro v. sect. 111. *Colonia Carthago*, inquit, *Magnæ in vestigiis Carthaginis.* Et sect. 1. commendat urbem majorem *Carthagine Magna.* Iste libro 1 v. Καρχηδὼν μέγα ἄστυ vocat. Antiquam nemo appellat : ac si quis e scriptoribus appellaret, non continuo in nummis id vocabulum signaretur, cum alia suppetant insignia aut cognomina, quibus secerni oppidum alterum ab altero possit ac soleat.

At illa antiqua perhibetur, inquis, ad distinctionem Carthaginis Hispanicæ, quæ nova appellata est. Erras iterum, mi Valens, vehementer, dum putas Carthaginem novam appellatam esse, ut ab Africana secerneretur: non ea causa fuit hujus appellationis. Fuit in ipsa Hispania, si nescis, Carthago gemina: altera Καρχηδών παλαιά, Carthago antiqua: hodie *Cantaveja*: altera, Καρχηδών νέα, Carthago nova, dicta Ptolemæo: nunc *Cartagena*. Egit de utraque etiam Plinius noster: quem si legisses paulo accuratius, famæ tuæ & existimationi, explosa e nummis Carthagine antiqua, consulisses.

Quo referri igitur jubeam hæc numismata quinque si percontaris, exponam eadem illa facilitate, quam tu jam olim expertus: dicam id in aurem, semotisque arbitris, ne quis si exaudiat, te deinde de inhumanitate postulet. Meministi enim, cum per litteras nobiscum ageres, gratiamque subinde haberes de difficilibus nummorum ænigmatis solutis, Oedipumque me, assentatorie scilicet, appellares? Nunc igitur æque me facilem noris, nec mutatis moribus. Oedipum nunc pariter voces, an neges, parum laboro. Ac Cæsaraugustæ quidem, quod olim suspicabar, nihil hic esse loci, patior ac sino: non quia allata a te ratio sic suadet: quid enim dici levius, si te ipsum audimus, quid imbecillius potest? Nam si Julia Cæsaraugusta dicta non est, expungatur ea sane vox: quid si *Colonia Immunis Cæsaraugusta* dicatur? cum totidem verbis appelletur a Plinio, æque atque Illicitana, cui idcirco illud prænomen cum aliis adferis: quid erit tibi deinde reliquum quod opponas, ut Cæsaraugustæ nummum abjudices? Verum tricari adeo nolim, ut nec Latine liberam, quod antea monui, nec immunem dici civitatem ullam in nummis nunc æquo animo feram. Quare si nummus Uticensis occurrat nostro nitidior, non in eo legi putarim, IMMVNIS. VTICENS. quod suspicatus sum pridem pag. 519. Sed M. MVNIC. VTICENS. hoc est, *Municipes Municipii Uticensis*.

Verum ad nummos quinque tomi prioris, de quibus est præcipue controversia, revertamur: quos de colonia Julia Corintho, sive de colonia Julia Corintho Augusta, accipiendos



statuimus. Nam Augustæ nomen sub Nerone primum apparet: & in nummo Hadriani, ipso te teste, pag. 226. COL. IVL. AVG. COR. appellatur. Juliæ denique nomen, ne te hic quoque scrupulus angat, ab Augustæ appellatione interdum sejungitur, ut in tuo Hipponensium nummo, pag. 272. C. G. I. H. P. A. & in Illicitano, C. I. I. A. ut dicemus.

36. Quid fiet, inquis, Treboniani nummo, in quo A geminatur? C. I. C. A. A. P. Leges, si me audis, *Colonia Iulia Corinthus Augusta Antonina Pia*, ab Antonino Pio. Neque enim ante hujus tempora geminatam hanc litteram A in Corinthiorum nummis offendes, aut omnino postremam P. Ut Corinthus autem Julia & Augusta & Antonina, vel Antoniniana: sic apud Ligorium, COL. APROS. TITIA. AELIA. HADRIANA. ANTONINA. AVGVSTA vocatur: tametsi paulo aliter legi oportet, ut dicemus. Quare cum denuo, si casu id aliquo fiat, opus tuum reddes incudi, editionemque alteram meditabere, vide ut palinodiam canere memineris, & quos Carthagini nummos adscripsisti, patriæ suæ, hoc est, Corintho, restituas.

33. Ac primus quidem nominatim, qui est Agrippinæ senioris, inscriptus C. I. C. GENIVM, quin sit in eadem civitate conflatus, in quo & tertius Antonini, cujus epigraphe,  
35. C. I. C. A. GENIO. P. R. nec ipse dubitas, nec finit ambigere eadem Fortunæ seu Genii expressa in utroque imago. At huic quam similis Fortunæ effigies sit in Corinthiorum nummo, quem sub Octaviæ nomine repræsentas, pag. 182. facient oculi ipsi fidem.

37. Quod tamen adjicis de Agrippinæ cultu tanquam Deæ apud Carthaginienses, aut Antoninum Pium populi Romani Genium esse appellatum, figmentum est, Genio seu Fortunæ populi Romani, cujus similitudinem, qua pingi forma solet, nummus exhibet, res fortunæque suas committere se Corinthii præ se ferunt: nihil ultra. Genium, Fortunamve populi Romani, vel Cæsaris, non ipsum populum, Cæsaremve, sed *τῶνδε τὸ δαίμονα* ethnici appellavere, sub cujus tutela populus Romanus, aut Cæsar, foret. Hinc Christianis religio fuit, per Genium Fortunamve principis jurare, quod id esset

ὁμόσαι δαίμονα : itaque per salutem principis jurare maluerunt. Sed & juramus, inquit Tertullianus, in Apologetico, cap. xxxii. sicut non per Genios Cæsarum, ita per salutem eorum, quæ est augustior omnibus Geniis. Nescitis Genios demonas dici, & inde diminutiva voce, demonia? Ethnici contra, ut idem ait, cap. xxxv. sub ipsa usque impietatis eruptione & sacra faciebant pro salute Imperatoris, & Genium ejus dejerabant, nempe δαίμονα Cæsaris custodem, non Cæsarem ipsum. Nam, ita prodente Origene, libro viii. contra Celsum, pag. 421. Ἐρωμένων βασιλέως τὸ δαίμονα ὁμνῶσιν οἱ τὴν ΤΥΧΗΝ αὐτοῦ ὁμνῶντες. Per Romani principis demonem jurant, qui per ipsius Genium jurant. Et rursus ibidem : δαϊμόνων ἔστιν ἡ ὀνομαζομένη ΤΥΧΗ τῆ βασιλείας. Quare Polycarpus Ephesinus antistes, apud Eusebium, libro iv. cap. xv. jussus a Proconsule, Ὁμοσόν τῷ Καίσαρι τύχην : se religione prohiberi respondit. Ac postea Origenes eodem spectavit, cum in Exhortatione ad Martyrium, grande scelus esse diceret, si quis per Fortunam alicujus juraret : πιθανόν ἀμάρτημα εἶναι νομιστέον, τὸ ὁμνῶναι ΤΥΧΗΝ πινός; Vide ergo quos auctores secutus habitum a Carthaginensibus aliisque pro Genio, hoc est, ὡς τὴν τύχην, vel ὡς τὸ δαίμονα, sive Antoninum, sive Agrippinam, affirmes : cum alium a principe genium principis gentiles ipsi agnoverint. Vereor autem ut priorem nummum habueris integrum, aut legeris : cum res ipsa poscat legi C. I. C. A. GENIVM. P. R. subaudita voce, salutatur, vel veneratur; ut sæpe in nummis Græcis lapidibusve monuimus subintelligi vocem ἐπίμνησιν, vel ἐπίμνησαν.

Secundus, qui Neronis, & quartus, qui M. Aurelii nomine insignitur, nihil habet præter solitas coloniarum notas. In quinto, qui Commodus dicatus est, triremis insculpta cum remigibus visitur, indicium adventus Augusti in urbem Corinthum, perinde atque Neronis in nummis tum Corinthiorum apud teipsum, pag. 175. tum Patrensium simili plane forma, pag. 177. id quod ibi docet adjecta epigraphe, ADVENTVS AVGVSTI. Corinthum porro Commodus advenisse merito creditur, quando in Syriam & Ægyptum cum patre profectus est, jam Imperator appellatus decreto Senatus, ut Lampridius prodidit.

38.

39.

Quare ne multa deinceps jura misceas, sic habero: *secernendos diligenter esse nummos, quorum esse in epigraphe similitudo aliqua videatur: inscriptos exempli gratia, C. A. vel C. C. A. tum C. I. C. & C. I. C. A. vel C. I. C. A. D. D. Nam ubi C. A. in laurea, vel quomodocumque C. C. A. occurrit, Duumviris appellatis, Cæsaraugusta est. C. I. C. cum anni nota, Cartennam designat. Absque ea nota, vel C. I. C. A. five solitarie, five adjectis litteris D. D. Corinthum significat.*

C A R T H A G I N I eidem a te duos alios adscribi nummos, qui tametsi nullum aperte nomen præferunt, tamen Corinthiorum videntur esse: certe Carthaginiensium omnino non sunt.

44. S U N T & duo alii, quos inter incertos rejicis: alter Augusti, pag. 71. cum hisce Duumvirum nominibus, C. LOLLI. M. DOM. II VIR. ITER. Imperatoris statua basi imposita cernitur, cui adjecta epigraphe, P. S. S. C. Alter Tiberii est, pag. 131. cum iisdem Duumviris, ceterisque insignibus. Sic tu vero interpretaris, sumpto a basi statuæ legendi initio, præpostere admodum scilicet: *Posuere Suffetes Carthaginienses, Caio Lollio, Marco Domitio, Duumviris iterum.* Apage porro cum tuis Suffetibus. Quid enim egere Suffetes Carthagine, cum Duumviri ibi essent? non Suffetum loco, Consulumve, ut ipse post alios doces, pag. 34. Duumviri in coloniis fuere? Hæc te tirones edoceant, quos ad illam tuam interpretationem repente inclamatuos recte auguraris. Non inclamabunt eruditi ac veterani, sed miros risus edent. Abde tuum illud præclarum somnium de Suffetibus Carthaginiensibus, addicitoque tenebris, quas meretur, antequam id five tirones, five veterani, resciant. Mecum lege, sodes: C. Lollius, M. Domitius, Duumviri iterum, poni, vel ponendum suo sumptu curavere, statuam Augusti, vel Tiberii scilicet, qualis in nummo repræsentatur. Quid planius? aut quid magis tritum ac solenne in basi statuarum? Sic apud Gruterum inter cetera exempla, pag. CCCXCV, 8.



S. P. P. C. *Sua pecunia ponendum curavit*: cui quam ista tua similis inscriptio est? Hæc habet, S. P. P. C. Tua, P. S. S. C. utraque certe eodem intellectu. Ac ne de plurali verbi numero dubites, vide eundem Gruterum, pag. CLXVIII, 6. S. P. F. *sua pecunia fecerunt*. Et pag. CLXXII, 3. S. C. F. C. *Senatusconsulto faciendum curavere*. Denique de duplici S. S. ne quis tibi scrupulus hæreat, eundem tibi rursus librum indicabo, pag. CLXVII, 8. D. S. S. FACIENDVM. COIRAVERE, *de suo sumptu faciendum curavere*. Sic pag. XCIII, 1. D. S. I. P. C. *de sua impensa ponendum curavit*. Quod si quis autem legi malit, *Pecunia sua statuendum curavere*, nihil interest: neque nos, quoniam sententia utraque eodem recidit, valde reluctabimur.

Quo jam docebis probabili argumento Carthagine cūsum utrumque nummum esse? At Corinthi esse non istum modo, sed & complures ex his quos in incertis reponis, si diligenter inspicias, intelliges, sive ex fabrica, sive ex Duumvirum nominibus: præter unum, cujus hanc inscriptionem refert, pag. 79. SALVS. AVGVSTA. PERM. AVG. quem si cum Italicensi conferas, pag. 75. si specular admoveas, observabis haud dubie vel formam Hispanicam, vel quod verius arbitror, Romanam, curante patrono coloniae Italicensis, ut Romæ cuderetur. Eodem certe utrumque loco conflatum mecum confitebere, quod nescisti. Fuere scilicet in Urbe coloniae cujusque patroni, quorum opera cusos eodem nummos fuisse in officina Romana, atque in sua colonia, non ambigimus, eodem Senatusconsulto ac permisso principis, quo apud suos conflabantur,

40.

41.

42.

43.

CARTHAGINI NOVÆ in Hispania sex attributos  
a te nummos esse, qui sunt coloniae  
Norbæ Cæsarianæ.

**A**N non jam vereris ne pulsus ab antiqua Carthagine, a nova pariter cum dedecore dejiciare? merito sane. Nam ubi in nummis usquam novæ vel antiquæ urbis hoc sensu appellatio? præterquam in nummo Laudis Novæ, si

- tamen Sponio fides, a quo uno nummum hunc laudari diximus, quem tu neglexisti, tamen si colonia inscribitur: aut cur in Carthaginis antiquæ nummis semper, si tibi fides scilicet, ea vox postponitur nomini, semper in nummis Carthaginis novæ præponitur? Nam sex quidem adfers nummos ejusmodi. Primus est, M. Antonii, pag. 10. C. I. N. C. EX. D. D. insculpto M. Antonii capite, cum labyrintho. In parte postica nummi, M. AIMILIO. T. FVFFIO. IIVIR. cum Augusti vultu. Alter Augusti, pag. 38. C. I. N. C. ex parte autem averfa, C. PETRONIO. M. ANTONIO. IIVIR. EX. D. D. cum labyrintho. Tertius, ejusdem principis, pag. 39. V. I. N. K. P. TVRVLB. IIVIR. QVIN. In altera nummi area templum Augusti, cujus in superno limine, AVGVSTO. In ambitu vero, V. I. N. K. M. POSTV. ALBINVS. IIVIR. QVIN. ITER. Hoc est, te interprete, *Victrix Iulia Nova Carthago, M. Postumius Albinus Duumvir Quinquennalis iterum*. Quartus, Augusti similiter, pag. 40. quem, tamen si oppidi nomen abest, ex Duumviri nomine ad eandem colligis civitatem spectare. M. POSTV. ALBIN. L. PORC. CAPIT. IIVIR. Q. Quintus est Neronis & Drusi Cæsarum, pag. 143. NERO. ET. DRVSVS. CAESARES. V. I. N. C. Ex parte altera, Tiberii vultus & epigraphe, TI. CAESAR. &c. Sextus denique ac postremus Caligulae est, pag. 149. cujus in averfa area, SAL. AVG. CN. ATEL. FLAC. CN. POMP. FLAC. IIVIR. Q. V. I. N. C. cum muliebri capite. *Saluti Augustæ. Cneio Atellio Flacco, Cn. Pompeio Flacco, Duumviris Quinquennalibus, Victricis Iulæ Novæ Carthaginis*, ut tu quidem interpretaris. Vide autem ne te amicorum aliquis impellat in fraudem, atque in defensionem erroris tui, vel Mediolanum apud Gruterum, pag. CLXXVII, 4. *Novas Athenas* dici, vel pag. CCXXXVII, 7. *Novam civitatem Aruccitanam*, aliudve simile aliquid suggerat. Quam dispari enim ibi significato ea vox *Nova* accipitur? cum in priore non proprium civitatis, sed adscititium nomen comitetur: in altero restitutam ex collapsa & jacente significet. Quo sensu nisi Justinianæ novæ quinque appellentur in Concilio V. Oecumenico, adsignandæ tibi erunt

erunt Justinianæ antiquæ totidem , quæ novis ex adverso respondeant.

Dic jam, amabo, Caii ac Lucii Cæsarum nummus ille, quem refers pag. 87. cujus in postica area Augusti vultus expressus, eaque inscriptio, AVGVSTVS. D. D. C. C. N. C. cujusnam oppidi est? Colonia Concordiæ Norbensis Cæsarianæ, inquis: & recte quidem: sic enim & nos ante munimus, pag. 363. operis nostri de nummis. Jam in priore nummi parte, quæ Caii ac Lucii capita exhibent, quibus Duumviris nummus conflatus dicitur? M. PETRONIO. C. IVLIO. ANTONIO. IIVIR. Vide jam an non iidem appellentur in altero nummo ex his, quos novæ Carthagini adscribis: ac num vitio scalptorum, vel tuo, eorum prænomina sint temere permutata. Sic enim ibi leguntur: C. PETRONIO. M. ANTONIO. IIVIR. EX. D. D. Quam id simile porro veri est? Ut ut est autem, ejusdem plane ii familiæ sunt. Quare, nisi velis eosdem fuisse Norbæ Duumviros, & Carthagine, vide ne cuncteris, tum in isto, tum in reliquis Norbam Cæsarianam, pro Nova Carthagine, quæ locum in nummis habere non potest, agnoscere. Plinio, libro iv. sect. xxxv. *Colonia Norbensis Cæsariana cognomine*: hodie *Alcantara*: quondam Lusitaniæ, nunc Castellæ veteris oppidum. Huic & Concordiæ & Victricis Juliæ prænomina nummi adserunt: sed posterius cusi, qui coloniæ appellationem habent. Scribi autem Cæsaris nomen interdum per K, ut & Kæsonis, & Karthaginis, aliaque, tralatitium est. De Noba Cæsaris, oppido Numidiæ, unde Victorinus episcopus appellatur in Notitia Africa, nummos accipi vetat, præter Duumvirum, quæ dixi nomina, aliaque argumenta, caput muliebre in postremo signatum, quale in nummis Hispaniæ pingitur, ut urbis Genium representet: qua de re in Numantiæ restitutæ nummo dictur sumus.



COELIENSI municipio in Thracica Cherroneso  
qui nummi tredecim debentur, hos Africano  
municipio a te sine causa adsignatos esse.

53. NUMMI omnino tredecim a te adferuntur inscripti,  
AEL. MVNICIP. COEL. ac tomo quidem priore  
tres, posteriore ceteri. In Antonino Pio, pag. 243. in Com-  
modo, pag. 303. in Caracalla, pag. 41. in Macrino pag. 92.  
in Philippo juniore, pag. 269. cum prora navis & cornuco-  
pia. In Alexandro Severo, pag. 167. AEL. MVNICI.  
54. COIL. A. & in Philippo patre, pag. 229. cum simili symbolo.  
In L. Vero, pag. 285. & in Treboniano, pag. 306. AEL.  
55. MVNICIP. COEL. cum lupa & Remo ac Romulo.  
In Caracalla, pag. 43. AEL. MVNICIPI. COIL.  
cum Dianæ venatricis effigie. Pag. 44. AEL. MVNICIP.  
56. COIL. ANT. item in Elagabalo, pag. 114. & in Gor-  
diano III. pag. 206. cum Sileno, ut tu quidem vis : nam  
quid revera sentiendum sit, mox dicemus.

Cui tu porro oppido hos nummos adscribis ? Ei plane,  
cui nemo sanus putarit hic locum deberi. Cullitano videlicet  
Numidiæ municipio, quod Plinius Cullu, Itinerarium An-  
tonini Chulli, Κούλλας Ptolemæus appellat. Quo ex nomine  
nomen gentile *Cullitanus* deducitur. Unde Victor Cullitanus  
Catholicus, & Fidentius Donatista, in collatione Cartha-  
ginienfi, cap. cxxvi. & cci. idemque denuo Victor Culli-  
tanus in Concilio Milevitano II. anni ccccxvi. Quantam,  
Deus immortalis, hoc loco *Κούλλας*, solertiæque tuæ jactu-  
ram passus es ! An enim vel Græca omnino, vel Latina hu-  
jusce vocabuli scriptura tuæ interpretationi suffragatur ? Quis  
ex Cullu Coëllitanum, vel Coëllutanum, nisi desipiat, fin-  
xerit ? Cur cum genuina atque ordinaria sit appellatio Cullu,  
ne semel ea quidem in tot nummis occurrit ? Ut dicam libere  
quod sentio, nihil fingi absurdius tali figmento potest : nec  
puto chimæram ipsam esse monstrificam magis. Vetustissimis  
temporibus dictum *Panicio bello* pro Punico, in inscriptione  
Gruteri, pag. xii. non nescii sumus : COIRAVERE  
item pro CVRAVERE, aliaque similia quædam : sed

& paucissima, & optimis jam reipublicæ temporibus obsoleta, neque sub Augustis, in nominibus præsertim propriis, sive hominum, sive oppidorum, unquam usurpata.

Quod si cui talis condonanda divinatio esset, cuivis alteri jstior venia deberetur, quam tibi, qui egregius harum mercium & callidus negotiator haberi, multoque peritior dijudicandæ fabricæ arbiter & æstimator videri cupis. Non est ea merx Africana, mi Valens: advecta e Thraciæ Chersoneso est. Vidisti unquam in Africæ nummis Dianam venatricem? Silenus etiam ille tuus, quem in tribus municipii hujusce nummis videre est, an alibi quam in Oriente, hoc est, apud Græcos occurrit? In Thracia nempe, Deulti, & in isto, quod nunc commemoramus, municipio. In Syria, Beryti, Bostræ, Damasci, Laodiceæ ad Libanum, Neapoli Samariæ, Tyri. In Phrygia, Troade.

Redde ergo Græcis nummos suos, Thraciæ nempe Chersoneso, ubi Cœla oppidum fuit, Ammiano memoratum, libro xxi. pag. 212. Græce, τὰ Κοῖλα. Sic enim Nicetas Choniates libro v. de rebus Manuelis Comneni: κατὰ γὰρ εἰς τὰ Κοῖλα, τὰ ὅσα δὴ τὰ πρὸς τὴν Σηρόν τε καὶ Ἀβυδὸν. Quare Ammianus de Ægeο mari, Cœla præterlabitur, & Septon. Hinc & in actis concilii Ephesini, Cyrillus Cœlorum episcopus recensetur, act. i. ex Mario Mercatore, quem vir Clariss. idemque nobis amicitia conjunctissimus Stephanus BALUZIUS edidit: ubi libri alii, pag. 541. male Πυλῶν & Pylarum, pro Κοίλων & Cœlorum, habent. Similiter actione iv. pag. 692. idem Cyrillus episcopus Cœliorum inscribitur. In Concilio Nicæno II. act. v. Δεωνίδης ἐπίσκοπος Κοίλων. Portus Cœlos a Plinio nostro dicitur, libro iv. sect. xviii. ut & a Mela, libro 2 cap. 2. Est & portus Cœlos, Atheniensibus & Lacedæmoniis navali acie decernentibus, Laconicæ classis signatus excidio. Portum fuisse illis temporibus annonæ ubertate commendandum, cum nummi quinque admonent, in quibus prora depicta cum cornu copiæ: tum ipsa municipii prærogativa civibus concessa, quo magis esset Urbi obnoxia civitas. Idcirco & Ælium ab Hadriano appellatum municipium est, & a Caracalla Antoninianum. Latine autem inscripti municipiorum nummi fuere, eo jure, quo & coloniarum. Ut deni-

que colonias multas ex solis nummis novimus, sic & municipia.

Apud Ptolemaeum libro III. cap. XII. Κύλα, Σητός, in Hellesponto scribitur. In Chronico pariter, quod Alexandrinum vocant, inter urbes quinti climatis, numerantur Χερρόνησος, Κύλα, Σητός. Utrobique Κοῖλα rescribe. In Notitiis duabus Ecclesiasticis Κύλα similiter perperam, in tertia Κοιλία scribitur, in provincia Europæ, sub Heraclea metropoli. At multo corruptius in epistola synodica provinciæ Europæ ad Leonem Imp. tomo IV. Conciliorum, pag. 906. *Theotecnus episcopus Cyclensis, pro Cæliensis.*

Jam, opinor, intelligis legi in nummis oportere, AELIVM MVNICIPIVM COELIENSE. Neque nos certe pudet profiteri, qui municipium Cælium olim dicebamus, verissimam illam esse Pindari sententiam in Olympiacis :

Ἀμέρα δ' ἐπίλοιποι μάρτυρες σοφώτατοι.

Te miror, qui nummos inspexisti, nunc in eis COEL. nunc COIL. agnoscere : quod vitio potius oculorum tuorum, quam monetarii, imputo. Quanquam in oppido Græco nunc OE, nunc OI scribi non est fortassis quod miremur, cum posterior scriptura sit ipsa Græco nomini & KOIAA, propior atque affinior.

Sed quis risum contineat, cum te affirmantem audierit, tum tomo priore, pag. 244. tum posteriore, pag. 43. inscriptionem Gruteri, pag. CCC LXII. MVNICIPES. MVNICIPII. CIVILITANI. ad oppidum Numidiæ Cullu spectare ? Egregium originationum artificem ! Ex Cullu igitur fiet non modo Coëllitanum, & Coëllutanum, & Coillutanum, sed & Civilitanum. Ducetur hac via ovum ab ove, & quodlibet demum ex quolibet. Nos in Plinianis notis, tomo I. pag. 496. quod ad Cibilitanos Lusitaniæ populos, quos Hadrianus municipes fecerit, eandem retulimus, reprehendis. Hoc illud est quod fert parœmia, cornicum oculos configere. Sed tuos ipse confodisti : dum putas nihil nos vidisse, effecisti ut nihil videres. An putas differre Cibilitanos a Civilitanis ? aut has litteras in nummis, nominibusque propriis non permutari ? Ut omittam cetera monumenta, documentaque, quæ sunt innumera, nummos vidisti, quos



cum vetere inscriptione laudavimus pag. 134. sic inscriptos, DANUVIVS ? an tibi Danuvius alius a Danubio est ?

Et Civilitanum igitur oppidum municipii civium Romanorum prærogativa Ælius Hadrianus Imp. donavit, & suo nomine honestavit : nam prius, teste Plinio nostro, libro IV. sect. XXXV. unicum in universa Lusitania municipium Olisipo fuit : & in Thracica Cherroneso Cœliense municipium pariter civium Romanorum esse voluit, suo similiter nomine impertito.

Sed ad illum tuum Silenum veniamus, quem in Caracallæ, 56.  
Elagabali, & Gordiani nummis pictum credi jubes : nosque, quod aliter sentimus, ter quaterve pro more increpas. Consuesti enim, si quid in nobis dignum virgula tua censoria judicas, id non semel, sed passim ac sæpissime inculcare : quo summa erratorum nostrorum, quam in Indice repræsentas, major videatur. Sed de Sileno tuo nunc agamus. Tuam illam fidem, VALENS, obtestor, quam præfers in nomine : tuos illos oculos, quibus in nummorum iconibus probe dispiciendis tantopere gloriaris, hiccine Satyrus est ? Nam Sileni, si nescis, e Satyris sunt natu maximi. Τὸς γὰρ ἡλικία τῶν σατύρων πενήκοντας ὀνομάζουσι Σειληνὲς, inquit Pausanias in Atticis, pag. 21. Vir nudus, saccum humero gestitans, dextra nunc ad templum, nunc in cælum sublata, nunc eodem situ atque habitu in templo stans, ut in Damasceno Otaciliæ nummo, hunc tu existimas Satyrum aut Silenum esse ? Non colonus ille potius, municepsve censendus, Deos exorans, pro Principis incolumitate, a quo in maximis rerum difficultatibus beneficio se aliquo recreatum agnoscit ? Astutius aliquid subtiliusve cogitando, mihi crede, facies nihil ut recti cogites.

CORINTHIORUM nummis impressa symbola a te infeliciter explicata fuisse.

JAM in Corinthiorum numismatis, pag. 262. & 263. cur Hercules sit depictus, non dicis : tamen pro more plurima de Hercule prorsus otiosa, hoc est, περιεργα & πάρεργα dicis. Causam ab Antonino Liberali, cap. v. Metamorph.

accipe. Corinthios omnes scilicet genus ab Hercule ducere.  
 Κορινθιοι ὅ πάντες εἰσὶν ἀφ' Ἡρακλέους.

Nec vero Corinthii solum illius numinis tutela sunt ac patrocini gloriati. Ut ceteras prætermittam civitates, in eodem fere tractu posita Ambracia, tali patrono ut potiretur, fabulam finxit, quam recitat, ut diximus, pag. 37. operis nostri de nummis, Antoninus idem Liberalis, libro Metamorph. cap. IV. certasse Apollinem & Dianam cum Hercule de tutela oppidi: Crangaleum vero Dryopis filium civitatem Herculi adjudicasse, atque ob eam rem mutatum illum ab Apolline in saxum fuisse. Hic ille iudex porro est, de quo Ovidius, libro XIII. Metamorph.

*Regnum fallacis Ulyssi*

*Præter erant vēsti: certatam lite Deorum*

*Ambraciam, versique vident sub imagine saxum*

*Iudicis, Aëtiaco quæ nunc ab Apolline nota est.*

Quo loco vel silent interpretes, vel quis cujusve certaminis iudex ille fuerit, nescire se fatentur. Sed illud de Herculis patrocini obiter: quod idcirco est commemoratum a nobis, ut cum AMBPAKIΩTΩN nummos tractabis, in eo opere quod ais te moliri, tunc saltem aliquid a nobis didicisse te proficere.

Pag. 201. Neptunus scopulo insidet, delphinum utroque pede premit: offert commendatque puerum Melicerten, sive Palæmonem, Ino mater Neptuno. Nota ex Pausania sive historia, sive fabula est: quam nos recitavimus in libro de nummis antiquis, pag. 124. Tu horum loco Amphitriten obtrudis, quæ puerulum, inquis, ulnis gerat: quem porro? nescis: ac deinde de nuptiis Amphitrites multa hoc loco aliena effundis, & ut levissime dicam, inutilia. Sed te tamen postea intelligo in indice tomi secundi palinodiam cecinisse: lectis forte paullo attentius iis, quæ nos citato proxime loco edidimus.

Mitto de altero Domitiani nummo dicere: quem cum, ut decuit, Corinthiis adjudicas, in eo tamen legis, pag. 200.  
 57. PER M. IMP. GER M. *Permissu Imperatoris Germanici.*  
 Quæ locutio cum videatur eruditis, tum a bono sensu, tum ab usu vetere & a consuetudine Latini sermonis prorsus

abhorrere, tamen hic oculorum iudicio standum confitemur. Attentius igitur inspice, ac vide num legi necesse sit, PER M. IMP. CORIN. *Permissu Imperatoris. Corinthi.* Ut in anteriore nummo, eadem pagina, solo vocum ordine immutato, COR. PER M. IMP. *Corinthi. Permissu Imperatoris.* Fallor, aut ex CORIN. fecisti GERM. proclivi errore.

Adi ergo thesaurum regium: nullibi enim in toto orbe major copia numismatum est. Habes autem illius gazæ custodem & eruditione & comitate singulari præditum, omnium consensu dignissimum ea præfectura, V. CL. D. RAINSSANTIUM, in quo gratificandi omnibus liberalis voluntas inest. Nam hac celebritate famæ, tum eruditorum cœtui, tum nobis etiam, quibus nondum licuit suavissimo viri conspectu aut sermone frui, est ille notissimus. Tibi peramanter ac perofficiose spatium dabit, ut singula dispicias. Quod postquam feceris, nobis quin assentire, teque lapsum errore agnoscas, plane non ambigimus.

## D

DAMASCENORUM nummos duos multo felicius a nobis, quos immerito reprehendis, quam a te fuisse explanatos.

SUB Treboniano cūsum numisma refert pag. 308. tomi posterioris, ac simile prorsus alterum, pag. 320. sub 58. Volusiano, sic inscriptum, COL. ΔΑΜΑ. ΜΕΤ. Vexillum exhibet uterque nummus cum epigraphe, LEG. III. GAL. Infimam nummi aream ex utroque vexilli latere aquilæ duæ obtinent, quibus imperatores binos designari diximus, pag. 133. operis nostri de nummis, Gallum nempe Trebonianum: &, quem in imperii consortium adsciverat, Volusianum filium. Hic tu nugari nos exclamas: aquilasque duas veteranorum ex duplici legione in coloniam deductorum argumentum esse. Dic, amabo, cur ergo unica legio tertia in labaro, aut vexillo potius, nominatur? Quid quod ipse deinde admones, tomo priore, pag. 255. duos in nummo 59.



60. uno imperatores, M. Aurelium, & L. Verum, *aquila superimponi* ( utor oratione tua, tamen si haud latina est: appositam enim utrique imperatori in ima nummi area aquilam dicere voluisti: ) *ut ambo imperii Romani participes: aquila enim*, inquis, *imperii Romani symbolum est?* Recte omnino, atque apposite. Id enim a nobis didiceras scilicet, qui sic obiter monueramus loco citato, cum hos ipsos explanaremus Treboniani ac Volusiani nummos, his verbis: *Similes aquilas in nummis M. Aurelii ac L. Veri vidimus*. At repente oblitus quod a nobis didiceras, ut aliquid reprehenderes, negasti id esse verum in nummis Treboniani & Volusiani, quod de nummis M. Aurelii & L. Veri a nobis vere pronuntiari imitando confessus fueras. Vide ne tam cœca reprehendendi prurigine tales deinceps ludos de te præbeas, qui tecum tam fœde ipse pugnes.

Nescis aquilas, cum pingi dicuntur, nunc ipsas volucres, nunc militaria signa intelligi. Quæ porro signa sunt? argenteæ aquilæ, coctis impositæ, in volantum speciem, alies etiam sublimè erectis, ac plaudentum fere similitudine. Cum vero aquilæ sive stant complicatis alis, sive modice expansis humi gradiuntur, sive easdem, dum confidunt humi, subrigunt, volucres tunc ipsæ censentur, imperii Romani symbolum: & quidem cum duobus principibus communicati, si vel geminæ sint, ut in nummis proxime laudatis: vel uni & eidem aquilæ impositi principes duo, ut in nummo Tyriorum, quem ipse affers, pag. 312. Trebonianus idem & Volusianus. Uno verbo, ubi non sunt pilis aut hastilibus impositæ aquilæ, signa esse militaria quæ tandem esse possunt, cum signum esse sine hastili non possit? Quod si signa non sunt, quomodo legionum esse signa possunt? aut quid aliud nisi Romanum imperium indicant? Quare cum in aliis plerisque, tum in nummo Germanorum, tomo priore, pag. 308. aquila cippo insidens ipsum imperium Romanum designat: non, ut tu existimasti, *veteranos cujusdam legionis, cujus nomen ignoratur, ab Augusto in eam urbem transmissos*.

Vide quot reprehendenda tibi exciderint, ubi nos reprehendendos falso putasti. Nam quod ais editum a Mediobarbo nummum, cum hac epigraphe, COL. A. A. H A M E T.

nos

nos frustra conatos ad Hadrumetinam metropolim referre, cum ad Damascum pertineat, sitque ille ipse, quem sub Treboniano cūsum proxime diximus: quid me hoc loco increpas, qui & penes Mediobarbum fidem esse nummi illius monuerim, nec Damascenum prætermiserim suo loco, sed integrum explanarim?

**DERTOSÆ** in Hispania attributum a te nummum esse, quem Dertonæ Italicæ recte adseruimus.

**A**UGUSTI ac Tiberii vultum exhibet nummus a te allatus, pag. 48. inscribiturque, C. I. A. D. hoc est, te interprete, *Colonia Iulia Augusta Dertosa*. Et mox, *P. Harduinus*, inquis, *ad Dertonam Italicæ in Liguria nummum revocat: sed ille fabricæ Hispanicæ est: & frequentes sunt ejus provinciæ sub Augusto & Tiberio nummi: nulli vero ex tam multis Italiæ coloniis cum Imperatorum effigie observantur, quod ipsis cudendæ monetæ facultas haud concessa videatur.* Si nulli in coloniis Italiæ nummi, an extra Italiam Casilinum & Beneventum? quorum nummi teruntur manibus antiquariorum, COL. CASILIN. COL. BENEVEN. ille Cæsare Dictatore, iste sub Nerone, ni fallor, inscriptus: quibus adde, si lubet, nummum coloniæ Laudis Juliæ Novæ, sub Claudio, quem ex Sponio retulimus, pag. 288. Tu formæ seu fabricæ Hispanicæ idoneus æstimator & arbiter? Cur ergo pag. 6. incertus dubiusque hæres, an nummum COPIA Valentia Hispanicæ, an Foro Julii in Narbonensi parte, quæ Italiam contingit, adjudices? Quin pag. 63. ut nummum COL. RVS. Ruscinoni adsereres, formam Hispanicam venditabas? est enim urbs ea in ipso Hispaniæ confinio posita.

Jam apud Gruterum Juliæ Dertonæ nomen offendes, ut & in nummis: Juliæ Dertosæ, nusquam. Inscriptio vetus, pag. CCCCLXXXVII, 7. ORIVNDO. EX. ITAL. IVL. DERTONA. Dertosæ ordo simpliciter vetustis temporibus dictus occurret, non Ordo coloniæ. Pag. CCCCLXXXVIII, 8. P. VALERIO. DIONYSIO. VI. VIR. AVG. CVI. ORD. DERTOS. OB. MERITA. EIVS. AED. HONORES. DECREVIT.

Hoc est , ne forte hæreas , *P. Valerio Dionysio Sexviro Augustali* , cui *Ordo Dertosæ* ob merita ejus adilitios honores decrevit.

- Deinde vero in nummo Tiberii , quem adfers ipse pag. III. & nos protulimus , pag. 137. M. HI. ILERGAVONIA. DERT. *Municipium Hibera Ilergavonia Dertosa* inscribitur : & ex thesauro Goltzii laudavimus alterum M V N. DERTOSA. A Plinio deinde nostro multo postea municipiis civium Romanorum adscribitur : tu nihilominus coloniam facis ? An sub eodem principe municipium simul & colonia unum idemque oppidum fuit ? Dum nos certe in *Ælia Capitolina* reprehendis , negas aperte id fieri posse , pag. 2. tomi posterioris , in Severo. Quocumque igitur nunc te vertas , tuo te gladio jugulari , tuo ipsius indicio , ut foricem , perire sentis.

At ibi Dertusanorum Ilergavoniam legis idcirco , ut ex his ambagibus elabare : & urbem Ilergavoniam Dertusanorum a Dertosa diversam in eodem Iberi amnis littore collocas : atque adeo geminam fuisse statuis , alteram quæ municipium , alteram quæ colonia foret. Quo auctore ? quo teste ? Siccine in Hispania non jam castella , ut fert vulgaris parœmia , sed integra municipia , coloniasque ; quæ neque unquam exstiterint , neque sint exstituræ , exstruis ? Nescis ipsam Dertosam in Ilergavonensium agro positam , qui flumen Iberum attingunt , gentisque caput fuisse ? Ecquis autem hujus Ilergavoniæ Dertusanorum commemorat , nisi Dertosam intellexit ? At tu hunc eundem Tiberii nummum , quo Dertosæ municipio *Julia* nomen vindices , sic præpostere interpungis : M. H. I. ILERGAVONIA. DERT. *Municipium Hibera Iulia* &c. Quot denuo in unum errata ? Aut si errata non sunt , quin hæc olim indicasti bonæ memoriæ Viro Illustrissimo hujus regiæ urbis antistiti PETRO DE MARCA ? non apud immemorem profecto beneficium collocasses. At erravit ille vir scilicet , qui tuis monitis consiliisque usus non sit. Nam libro secundo *Marcae Hispanicæ* , quam nuperrime juris publici fecit Vir Clariss. Stephanus BALUZIUS , unicam agnovit *Dertosam* , *Ilercaoniam* appellatam , *municipium civium Romanorum* , caput *Ilercaonum* ,



At Strabo coloniam appellat, libro III. pag. 159. Ἐπ' αὐτῇ  
 ὃ τῇ Δερτῶσι ἢ Ἰβηρῶ Δέρτωσα κατοικία. Eito : ait Strabo,  
 negant Dertusani, ut nummi perhibent. Utri verius est au-  
 ditoritatem ac fidem adjungi : homini Græco, an toti ipsi civi-  
 tati ? An Strabonem nescis, cum de occidentali tractu scri-  
 beret, latinos consuluisse fontes ? eumque in his, sive colo-  
 niam offenderet, sive municipium civium Romanorum, aut  
 nihil interesse arbitratum esse, aut discriminis ignarum, voce  
 κατοικίας abusum fuisse, quæ utrumque ex æquo significet ?  
 Sic ille de Panhormo, libro VI. pag. 272. id quod tu non in-  
 tellexisti, pag. 57. Πάνορμος ὃ καὶ τῷ Ῥωμαίων ἔχει κατοικίας.  
 Coloniam certe nemo Panhormum esse dixit : municipium  
 civium Romanorum fuit. Nec Dertusanos cum Plinius com-  
 memorat, colonos facit, quamvis in enumerandis Hispaniæ  
 præsertim coloniis diligens & accuratus. Quocirca vide ne  
 temere deinceps quenquam incuses, nec Strabonem nisi in-  
 telligas, testem alleges. Denique nummum hunc quoque  
 patriæ suæ Dertonæ, patriam nummo redde.

## E

EDESSENÆ coloniæ nomina male a te fuisse, &  
 contra regulam artis expressa.

**I**N Caracallæ nummis tres sunt Edesseni, quos adfers pag.  
 48. & 49. Prior inscribitur, ΜΑΡ. ΑΥΡ. ΑΝΤΩ. 64  
 ΕΔΕCΑ. Alii duo, ΚΟΛΩ. ΜΑΡ. ΕΔΕCΑ. In Ela-  
 gabalo item, pag. 116. ΜΑΡ. ΑΥΡ. ΚΟΛ. ΕΔΕCΑ. 65  
 Ac primum quidem in hunc modum interpretaris : Μαρκία  
 Αὐρηλία Ἀντωνινιάνα Ἐδεσσα. Duos subsequentes, Κολωνία  
 Μαρκία Ἐδεσσα. Postremum denique, Μαρκία Αὐρηλία Κολωνία  
 Ἐδεσσα. Nos vero quod in duobus intermediis pro ΜΑΡ.  
 ΕΔΕCΑ. legi mallems, Μ. ΑΥΡ. ΕΔΕCΑ. quan-  
 quam solito lenius, reprehendis tamen. Dic, amabo, a præ-  
 nominibus adjectiva nomina ducere quo doctore didicisti ?  
 quo auctore tam infame propudium in Grammaticam intru-  
 fisti ? A Marco si Marcia ducitur, dic & ab Aulo Auliam :  
 a Caïo deinde, a Cneïo quid dices ? Nam Ligorii nummus,

quem antea laudavimus, legi debuit, *Colonia Apris Titi Aelii Hadriani Antonini Aug.* non a Tito Titia, cum scriptum in nummo haud dubie fuerit, COL. APROS. T. AEL. HADR. ANTON. AVG. Qua forma nunc quoque dicendum *Μάρκῃς Ἀυρηλίου Ἀντωνίνου Ἐδεσσα*, & *Μάρκου Ἀυρηλίου Κολωνία Ἐδεσσα*. Vel quod nobis haud minus arriserit, *Μαρκῶ-Αυρηλία*, unico e duobus conflato vocabulo legi oportuit. Sic, inquam, dici legique ars finit, ac forte hoc loco postulat, sive M A P. dumtaxat nummi exhibeant, sive M. AYP. sive demum M A P. AYP. Neque enim divisæ hæ syllabæ duas magis voces denotant, quam vox *μισροπόλεως* in Carrhenorum nummo, ut vidimus, duabus prioribus syllabis earum vocum, ex quibus illa componitur & conflatur, expressa : ΚΑ. ΚΟ. ΜΗ. ΠΟΛ. Poscebat autem hic locus, cum de nummis Edessenis ageres, ut te injuria a nobis reprehensum doceres, siquidem ita sentires : quoniam nummum Antiochi IV. inscriptum, *ΑΝΤΙΟΧΕΩΝ ΤΩΝ ΠΡΟΣ ΚΑΛΔΙΡΟΗΝ*, ad Edessam spectare docuimus, pag. 146. quem tu ad Antiochiam nescio quam, juxta Calirhoën in Palæstina fontem a te uno ædificatam retuleras. Nunc quianam, nisi victus, files ?

EMISENIS dum nummum adscribis, qui debetur  
Amidenis, situs regionum penitus ignarum  
ipsum te prodere.

66. P A L M A R I S hæc autem est, ceterasque eruditione vincit, tua de Alexandri Severi numismate observatio, quod cum Amidæ percussum pronuntiavimus, pag. 37. libri de nummis, tu Emisæ cūsum asseveras, pag. 173. tomi secundi. Sic autem inscriptum est : ... M I. ΚΟ. ΜΗ. ΜΕC C O Π. priore littera, ut monuimus, detrita corrosaque. Nos cum nummum hunc in Rēgia gaza ante quinquennium tractaremus, statim A M I. sine dubitatione legendum censuimus, totiusque epigraphes hanc esse sententiam, *Ἀμιδαῖς Κολωνίας Μισροπόλεως Μεσοποταμίας*, id quod ingeniose a nobis inventum confiteris. Est ea civitas Tigri amni adposita, ut ex Procopio

diximus, ac vetustum etiamnum retinet nomen, *Amed.* Amidam opulentissimam civitatem Marcellinus Comes in chronico refert, Probo & Avieno Coss. hoc est, anno DII. a Quade rege Persarum captam. In Concilio CP. I. subscribit *Mareas Amidensis provinciae Mesopotamiae*. In Notitia ecclesiastica Hieroclis, *Provinciae Mesopotamiae superioris, sive Armeniae quartae, Amida metropolis*. Ἐπαρχία Μεσοποταμίας ἡ δ' ὦν, ἢ τοι πέταρτης Ἀρμενίας, Ἀμιδα μητροπολις. Tot testimoniis tamen, nostroque iudicio stare recusas. EMI. substituendum esse pertendis, & ad Emisam civitatem nummum spectare. Id quod rursus pag. 118. asseveras, aliisque passim in locis. Itaque quod Spanhemio viro clarissimo, cujus eruditionem conjunctam eximia humanitate plurimum diligimus, in notis ad Juliani Cæsares merito displicuit, tu avide excipis & amplexaris.

Dic, obsecro, nostin Emisa ubi terrarum sit? Monueramus a Mesopotamiae finibus longo locorum intervallo diffidere: Apamenæ regioni a Ptolemæo adscribi, a Plinio Cyrrhæsticæ, Phœniciae ac Libano monti ab Ammiano, Ulpiano, Stephano: hoc est, leucis fere octoginta ab Euphrate amne. Jam Mesopotamia quæ dicitur? aut unde illud huic regioni nomen? Nempe quod est inter duos amnes posita: quod & Trajani nummo quodam insigni doceri ostendimus, pag. 71. Quo igitur mentis errore Emisam suis sedibus commovisti, & in Mesopotamia collocasti? Novimus sæpe provinciarum terminos finesque confusos: an ulla autem unquam ætas fuit, qua Emisa transcendens centum sexaginta millibus passuum, ipsoque Euphrate, in Mesopotamiam demigrarit? O divinum finium regundorum magistrum!

Amidæ ad Tigrim positæ negas in nummis esse mentionem. Non hoc in nummo perspicua est? Non in nummis Constantini junioris, AMID. legisti? Vidit ac legit vir clarissimus Du-Cangius, curavitque delineari in Constantinopoli Christiana, pag. 21. D. N. CONSTANTINVS. P. F. AVG. In alterius aræ ambitu, VICTORIA. AVGGGG. Infra, AMID. Quo in nummo, sculptoris vitio, littera una G redundat ac superest: & vero abest a nummo, quem ipsi vidimus: ut vice versa in nummo altero, qui hunc proxime



ibi antecedit , A V G G. scalptor exhibuit , cum scribi A V G G G. oportuerit , ut tres Augusti notarentur. Tres enim Constantini M. liberi designantur , qui fuere Augusti simul appellati post obitum patris , v. Idus Septembres , ut refert Idatius , anno C C C X X X V I I. Debet igitur hic nummus Constantino juniore adscribi : quicum in hoc Amidensi nummo victoria communicatur , a Constantio fratre de Persis relata anno sequente. Nam tametsi ditiones suas essent inter se partiti : cum tamen Romanum imperium Augusti quotquot essent , pro indiviso conjuncteque regerent ac tutarentur : tum in titulis legum perscribi nomina omnium Augustorum : tum in nummis adscribi omnibus Augustis victoriam , quæ esset ab uno relata , mos fuit. Eo fere modo Christianum orbem regere conjunctim ac pro indiviso cum Romano Episcopo Episcopus CP. voluisse videtur , immani ausu : cum se œcumenicum Patriarcham perinde atque Romanum Pontificem dici & haberi vellet , quoniam novæ Romæ præesset , ut iste veteri : salvis nihilominus Patriarcharum in sua cujusque ditione juribus : quemadmodum , ut dictum est , Orientis & Occidentis Imperatores pari potestate , communibusque decretis orbem Romanum , *ἡ οἰκουμένην* , administrarent. Id quod Theodoretus , cap. de Nestoriana hæresi haud obscure indicat , ut Avitum Viennensem , epist. P I I. & V I I. aliosque prætermittam.

Ad Amidensem vero nummum ut redeamus , unde diver-  
timus : cimelia tametsi multa lustrasse te subinde gloriaris ,  
sentis nonnulla tamen diligentiam tuam præteriisse. Non  
eidem Tigri amni adposita Singara est ? cujus tamen nummi  
duo ex cimelio Regio , Gordiani & Tranquillinae inscripti  
nominibus , laudati a nobis , a te etiam tertius sub Alexan-  
dro Severo est. Non ab eadem Mesopotamia advecti nummi  
Carrhenorum , Edessenorum , Nisibensium , Rhesanensium-  
que ? Quos tu quidem cum Rhesainesios appellas , pag. 175.  
quoniam Græce scriptum sit , *ΡΗCΑΙΝΗCΙΩΝ* , fœdam  
barbariem in Grammaticam invehis. Sunt enim *Ῥησαινήσιοι*  
Rhesanenses , a Rhesæna , non Rhesainesii : ut *Βεδδυνήσιοι*  
apud Ptolemæum , libro 2. cap. vi. sunt Vedunenses , alique  
similis formæ : quanquam interpres Ptolemæi latinus in

eundem sæpe tecum impingit errorem. Nisi forte φιλιππίσιοι, ad quos Pauli Apostoli exstat inscripta epistola, Philippesii rectius dici tibi videntur, quam Philippenſes : aut apud Evagrium, libro v. cap. vi. φοινίκη Λιβανησία, tibi Libanesia est, non Libani, vel Libanensis. Sed ut ad nummos tractus illius revertamur, rariores Amideni quidem, atque eo nomine cariores : non tamen nulli, sed veri maxime.

Rides deinde, quod Amidam Mesopotamiæ metropolim esse, Conciliorum subscriptionibus, notitiaque ecclesiastica confirmemus : *quasi in imperio idem esset*, inquis, *qui postmodum in Ecclesia fuit ordo*. In imperio, seu potius in partitione provinciarum imperii eundem ordinem fuisse, qui postmodum in Ecclesia fuerit, nunquam sane dixerim : tamen ecclesiasticas provincias & administrationes ad civilium formam in Oriente semper constitutas, si negas, apparet te pensi nihil habere quid scribas. Non ecclesiasticum jus civilis administratio, sed civile jus ecclesiastica ibi administratio imitata & consecuta est.

*Metiri se quemque suo modulo ac pede verum est.*

Tene ecclesiastica tractare ausum ? neque in nummaria arte una acquiescere ? Et vero dignus tam audaci conatu exitus fuit : qualis & nuper nescio cui contigit, qui nostram de Baptismo concertationem ausus est vellicare. Theologum agere velle visus est, cum sit prorsus ἀμύητος. Itaque rudem se omnino ejus scientiæ prodidit : & inscitiae addidit argumentum alterum, vel audaciæ potius, <sup>a</sup> ubi librum de Excidio Urbis temere a nobis Augustino adscriptum esse dixit, summoque consensu repudiatum ab eruditis tanquam adulterinum : cum sit illud & a Beda laudatum, & idem tam genuinus ac certus Augustini partus, quam qui maxime : nec demum a quoquam homine, quod quidem sciam, falsi suspectus. Nunc illud prætermittimus quod de Arianorum baptismo <sup>b</sup> alibi refert, & probare videtur. Censuram hujus rei aliarumque multarum, faciant ii, quorum interest. Illum interim, reque, rursus moneo parcœmia vetere, ne ultra pedem calceus.

Emisam tu porro cum in nummo legis, vide quos te in

<sup>a</sup> *Journal des Savans*, 1. Decembre 1687.    <sup>b</sup> 11. Octob. 1688.

laqueos induas. Primum, ut dixi, urbem non modicam suis locis ac sedibus submoves. Deinde, Mesopotamiæ *duas metropoles constitutas esse* doceri hoc nummo dicis, *unam cis Euphratem, alteram trans fluvium* : & illam quidem primariam, id quod littera A designet in medio insculpta nummo : istam inferioris ordinis ac census, Carrhas nimirum. De Carrhis jam diximus. Emisam interim tot passuum millibus ab Euphrate distitam, caput esse regionis, quæ tota inter Euphraten & Tigrim posita sit, cui tandem nisi amenti ac stulto probabis ? aut ei fortassis, qui Durocortorum Remorum metropolim alteram esse posse censuerit Galliæ Narbonensis ? Labet igitur exclamare vitio creatam hanc Mesopotamiæ metropolim esse. Metropolim sane fuisse confitemur, sed Phœniciæ secundæ Libani, ut in Notitia imperii appellatur : Mesopotamiæ, si sapias, dictum a te pœnitebit.

At erant, inquis, pag. 118. duæ in Phœnicia metropoles, Tyrus ac Sidon : *ergo Phœniciæ metropolis Emisa non videtur fuisse*. Nescis, o Valens, Phœniciam geminam fuisse : alteram maritimam, sub Consulari : sub Præside alteram, quæ Libani, ut diximus, nuncupatur : hujus caput Emisam existisse dicimus. Quid ergo littera A in nummo designetur, nisi prior Mesopotamiæ metropolis, rogas ? Dic primæ Mesopotamiæ metropolim : nam hæc illius epigraphes sententia est : Ἀμίδης καλῶνίας μητροπόλεως Μεσοποταμίας πρώτης, ut cum de Carrhis diceremus, liquido demonstravimus. Non est igitur nummus hic Emisenus, sed Amidenus.

EMISENORUM æram sincere a nobis expositam  
& recte explicatam : a te frustra sollicitam  
vexatamque esse.

**A**T & in Emiseno errasse nos alibi mones, pag. 52. tomi secundi. Nam cum sic inscribatur, ΕΜΙCΩΝ. ΚΟΛΩΝΙΑC. ΚΦ. notis postremis annum signari DXX. æræ Seleucidarum diximus : id quod tu constare cum ratione temporum negas posse : quoniam a Caracalla, cujus hic nummus effigiem præfert, colonia Emesa facta sit, atque adeo



adeo post Severi patris obitum, qui post annum illum DXX. contigit. Itaque deprehendisse te lynceis oculis gloriaris geminam his litteris Kϕ. lineam superpositam, vel litteram potius, inquis, alphabeti tertiam, jacentis in morem, non continua, ut mos est, serie cum reliquis. Itaque annum DXXIII. designari doces. Doce prius, oro te, quo more, quo exemplo, numerales notæ in notis non conjunctim, perpetuaque serie, & eodem omnes situ, poni posse arbitreris. Supercubantes lineolæ, si nescis, eo consilio appositæ sunt, ut a reliquo inscriptionis corpore numerales litteræ secernantur, pateatque non alias esse numerales. A Caracalla equidem jam Imperatore factam esse coloniam Emesam ex Ulpiano diximus, pag. 150. Sed præpostera festinatio, ac cæcus reprehendendi ardor offudit caliginem oculis, ne animadverteres, quod proxime deinde subjecimus, annis tredecim ante patris obitum Imperatorem illum fuisse salutatum. Non potuit ergo vivo adhuc patre a Caracalla jam Imperatore jus colonie Emisenæ civitati dari? Non potuit factum ab eo jure dici, quod & interventu suo a patre impetrarit, & edicto, cui nomen fuerit utriusque præfixum de more, ratum habuerit? Ubi nos ergo solertiæ jacturam passos arbitrabare, an te nunc ibi toto naufragii *καταποντισμῷ* demersum denique intelligis?

## F

FLAVIA PRIMA cur Cæsarea Palæstinæ nuncupata sit, cum scire velis videri, plane te nescisse.

**N**E GAS satis accurate dictum a nobis in notis ad Plinium, cur Cæsarea Palæstina prima Flavia appellata sit. Primam aïs dictam videri, quod illa metropolis seu caput Palæstinæ sit, pag. 198. id quod iterum repetis pag. 257. & rursus tomo secundo, pag. 96. Quantum autem conjectando aberres a similitudine veri, intellige. Nam & Carthago, si ita est, dici prima debuit, quia caput Africæ, ut ab Augustino appellatur: & aliæ similes multæ: nam cur Cæsarea una ex omnibus? Sed tædet conjecturis uti: certam in-

tegramque nunc tibi demum appellationis hujus causam suggerimus perlubenter. Dicta prima Flavia est, quod ante reliquas nomen id ei obtigit. Nam & in eodem tractu terrarum, Neapolis Samariæ Flavia quoque cognominata est, ut nummi testantur plurimi, quos illustravimus. Fuit & Flavia Samosate, quam Euphrates alluit, ut nummi docent a nobis laudati. Fuit & Flavia dicta Corinthus, Deulton, aliæque multæ. In quibus vide ne te Gruterus impellat in fraudem: qui pag. ccccxix. id Barcinonenfi quoque coloniae nomen adscribit: COL. FLAV. P. BARC. Legendum enim istic ex altero marmore, quod Gruterus ibidem describit, COL. F. I. A. P. BARC. *Colonia Faventia Iulia Augusta Pia Barcino*. Fuere ergo Flaviae multæ. Sed singularis Cæsareæ prærogativa fuit, quod ante reliquas hanc nomenclationem obtinuit, quam ceteræ postea vel adscivere sibi, vel obtinuerunt. Hinc dicta prima Flavia est. Quemadmodum in Notitia Imperii, sect. xxxviii. legio prima Flavia nuncupatur, quæ ceteras aut vetustate, aut ordine, aut utroque antecelleret.

Enimvero similem ob causam, ut hoc te quoque doceam, Achrida in Bulgaria multo postea Justiniana prima vocitata est, quod natale solum id erat Justiniani Imperatoris: cum altera interim esset apud Dardanos Ulpiana civitas, secunda Justiniana dicta: ut postmodum & Calchedon Justiniana tertia: præter Carthaginem & Hadrumetum, quæ sunt pariter Justinianæ nuncupatæ. Sed inter illas Achrida prima Justiniana, ut inter Flavias Cæsarea prima Flavia fuit.

Rogas autem quamobrem illa prima fuerit, ceterisque coloniis ejusdem tractus prælata? A Justiniano accipe: quod ibi Vespasianus Imperator est salutatus, eamque ob rem & Cæsarienses statim colonos fecit, & gentis suæ nomen iisdem impertiit. *Venit autem nobis in mentem*, inquit, Novella ciii. in præfat. *& metropolis Cæsarea, quæ in prima Palestina principatum tenet, quam præ ceteris majore etiam honore perfrui oportebat: propterea quod & quondam Proconsul ipsam tenuit, & præfectus talis magistratus fuit, licet postea ab ampliore dignitate ad minorem transierit. Nimirum cum una prius tota Palestina esset, ea deinde in tres divisa partes, & neque proconsulatum*

retinente, sed ad magistratum hunc, ut appellant, ordinarium delata. Quanquam sane & vetusta urbs sit, & semper ampli nominis fuerit, tam cum Strato eam in formam urbis redegit, qui mutatis sedibus excedens Græcia hujus conditor exstitit: quam cum divæ memoriæ Vespasianus, celebratissimus ille Imperator, qui piæ memoriæ Titi pater fuit, quod illi ad summam gloriam vel solum potuit sufficere, ipsorum Cæsarum appellatione eam nominavit, cum antea Stratonis turris vocaretur, hoc illi honore impenso, eo quod in ea post Iudaicas victorias inter Imperatores adscriptus esset. Nisi vero Cæsarum appellatione Flaviorum nomen intelligit, errat: quando Cæsareæ nomen inditum ei ab Herode constat, ex Plinio. Tunc & metropolis autem eadem constituta, ut diximus: quo quidem in honore Hierosolymitanæ civitati, postquam est diruta a Tito, successit.

## G

GERMENORUM nummos non uni & eidem omnes oppido tribuendos esse, quod primum a nobis animadvertum ultro agnoscis, idem de pluribus aliis debuisse te profiteri.

COMMUDI principis nummus sic inscribitur, COL. AVG. F. GERMENO. hoc est, Colonia Augusta Felix Germenorum. Quem tu illustrare sic conaris, pag. 307. Spanhemius & Holstenius illum revocant ad Germen Helleponti urbem, quam coloniam ex Ptolemaeo memorant, cum Geographus ille Germen coloniam in Galatia describat, ut jam vidit eruditus P. Harduinus, pag. 184. Germe quidem urbs gemina, una Helleponti, teste Stephano. Altera, urbs Galatiæ prope Pessinuntem, apud Ptolemæum, libro v. cap. iv. Γέρμα κολωνία. Vtriusque urbis gentile nomen GERMENVS: unde nummi obvii cum epigraphe ΓΕΡΜΗΝΩΝ ad Germen Helleponti urbem spectant. Qui vero Latina epigraphe COL. GERMENO. gaudent, ad Germen Galatiæ coloniam pertinent, cujus meminisse videtur notitia Græc. Episcop. in hac provincia, sub voce Γερμα-  
κολωνίας.



Adde, si vacat aliquando tua iterum emendatiora & auctiora edere : tametsi multo sunt plura, quæ detrahi ac refecari oporteat : adde, inquam, appellari hanc Galaticam civitatem plurali numero τὰ Γέρμια in diatyposi Leonis Sapientis, probatissimisque Notitiis. Eandem & Γερμοκελωνίας vocari in nonnullis : in Itinerario, quod Antonini dicitur, Germanam nuncupari. Sed & aliud sibi nomen adscivisse Μυειάγελαν, teste Theophane, anno xxxvii. Justiniani. Οἱ Μυειάγελοι, inquit, ἦσαν τὰ Γέρμια. Ex quo Paulus diaconus emendandus, apud quem libro xvi. cum Theophanem exscribere videatur, legere est, sed vitiose, *Miran-gulos, id est, Germanicias urbem Galatiæ*. Utraque autem civitas, tum Γέρμη Hellepontica, tum Galatica Γέρμια, archiepiscopatus titulo insignis est, sive αὐτοκραλίας, in Leonis diatyposi, aliisque Notitiis : ista, quarto loco : illa, octavo ac vicesimo.

Næ tu, si quoties ex nobis profeceris, ingenue professus esses, ut nunc facis, minorem forte scientiæ, candoris certe majorem esses laudem consecutus. At satis habes in præfatione generatim dicere, *ex omnibus te profecisse*, ne cui nominatim gratiam haberes. Non exprobrabo quid a nobis acceperis : quorsum enim, cum ipse recorderis ? Exspecto modo, dum publici juris facias, quod de Græcis urbibus tanto fastu polliceris. Juvabit tum videre, num admonitu nostro factus cautior gratiorque, inventi cujusque laudem auctori suo retuleris.

## H

HELIOPOLITANÆ coloniae in Syria nummum a te tributum esse, qui nec ullius privatim coloniae sit, & sit Romæ conflatus, ante annos fere lxx. quam esset Heliopolim deducta colonia.

67. **H** ADRIANI sequitur nummus insignis, pag. 228. LEG. H. COL. H. Duo Genii, seu Fortunæ duæ in eo stant, implicitis inter se brachiis : altera manu temonem

suum quæque tenet. Tu sic interpretaris, permutato vocum ordine, *Colonia Heliopolis. Legio Heliopolis*, & ad Heliopolim Cœles Syriæ revocas.

Dic, quæso, quæ ista primum Legio Heliopolis est? aut cui omnino commemorata? aut quis aliquando ita locutus? Deinde quemadmodum appellari colonia Heliopolis sub Hadriano potuit, quæ nonnisi a Severo principe colonia facta sit, Ulpiano teste, cujus verba retulimus, pag. 191. operis nostri de nummis? *Sciendum est esse quasdam colonias juris Italici: ut est in Syria Phœnice splendidissima Tyrionum colonia, unde mihi origo est. . . . Sed & Berytensis colonia in eadem provincia. . . Est & Heliopolitana, quæ a Divo Severo per belli civilis occasionem Italicæ colonie reipublicam accepit. Est & Laodicensis colonia in Syria Cœle, cui Divus Severus jus Italicum concessit.* Expedi te hoc laqueo, si potes. Nulli certe Heliopolitanæ colonie nomine inscripti nummi ante Severum occurrunt. Quin aut Hadrumetinam, aut Hipponensem in Africa coloniam cogitabas? cur potius Heliopolim? nulla enim prorsus indicia in eo nummo sunt, quibus adduci quisquam possit, ut huic citius quam alteri adjudicet.

Atqui sic habeto, non in colonia aliqua una nummum hunc, aut in municipio, sed Romæ cufum: id quod peritum fabricæ æstimatorem & arbitrum, qualis haberi cupis ac gestis, præterire non debuit: typi enim elegantia Romanum eum civem esse debuit admonere. Legendum ergo, *Legio Hadriana, Colonia Hadriana*. Multiplex fuit colonia sive Ælia, sive Hadriana, ab Ælio Hadriano Augusto deducta & cognominata. Habuere colonie autem jus legionis, de quo dicturi sumus inferius: ut in legione scilicet coloni tanquam cives, non ut in auxiliis tanquam socii stipendia facerent. Itaque ex omnibus coloniis Hadrianis conscripti milites legionem unam confecere: cujus nomine conflatus hic nummus est, quo se Legio Hadriana collectam gloriatur non ex alia colonia quam ex Hadriana. Itaque colonie Hadrianæ ac legionis Hadrianæ comites fore conjunctasque Fortunas: argumentoque illo in eo nummo brachiis inter se implexis pinguntur.

Suum unicuique colonie, suum cuique legioni Genium

fuisse adtributum forte non ignoras. Quid enim frequentius in nummis occurrit, quam Genius coloniae? Sic GENIVS. COL. COR. & GEN. COL. NER. PAT. in Neronis nummis, ut omittam ceteros. Et Tertullianus meminit, libro de Idololatria, cap. XXI. *Si cui dederō eleemosynam, inquit, & ille mihi Deos suos, vel COLONIAE GENIVM, propitios imprecetur.* Et fuisse solennem in unaquaque civitate Genii illius natalem colligere licet ex eo, quod Eusebius narrat, libro de Martyribus Palaestinae, cap. XI. Genii Caesariensium publici natalem peragi solitum a. d. III. Nonas Martias, *τοῦ πρώτου νόμμου Μαρτίων, ἡμεθίων τῆς Καμαρέων νομιζομένης ΤΥΧΗΣ ἡμέρα.*

Genios autem legionum nemo, opinor, fuisse ambigat, qui exercituum genios in nummis legerit: ut in Decianis occurrit GENIVS. EXERCITVS. ILLYRICIANI, ubi cornu copiae pariter gerit: in Carini nummo, GENIVS. EXERCITI. cum eodem symbolo. In isto igitur Hadriani, conjunctum utrumque, legionis coloniaeque, genium ne dubites.

Vidistin aliquando in nummo Antiaticum, apud Patinum, de numismatis familiarum Romanarum, pag. 244. Fortunas duas, cum hac epigraphe, FORTVNAE. ANTIAT. Est & vetus inscriptio apud Gruterum, pag. LXXII, 8. FORTVNIS. ANTIATIBVS. Quibus adde Tacitum, & Macrobius: illum, libro XV. Annalium: istum, libro I. Saturn. cap. XXIII. quae obiter indicasse, nunc abunde dixisse est. Fortunam igitur geminam cur hic nummus exhibeat, intelligis: nec illum uni certae dumtaxat coloniae convenire, sed legioni, quae fuit ex omni colonia Hadriana conscripta.

HELIOPOLITANAE coloniae septem a te nummos esse adtributos, qui sunt Berytensis.

- G**RAVIORE haud paulo lapsu septem nummos Helio-  
 68. politanae coloniae adjudicas tomo secundo, primum in Macrino, pag. 95. quatuor deinde in Philippo, pag. 238. 239.  
 69. & 240. sextum in Otacilia, pag. 261. postremum denique



in Gallieno, pag. 346. quorum omnium epigraphe, ut quidam referens, est hujusmodi: COL. IVL. AVG. FEL. HEL. præterquam unius, sub Philippo, pag. 238. COL. HEL. Mitto te pro more calumniari postremo loco, cum Tristanium aliosque reprehenderem in libro de nummis, quod coloniam Helviam hos nummos adscriberent, id me fecisse edoctum ab aliis: quoniam in Plinianis notis de Heliopolitanæ coloniam nummis verbum nullum fecerim. Perinde quasi aut non labore ac studio id potuerim postea condiscere, quod prius latuisset:

Ἀγὼ γὰρ περὶς φῶς τῇ ἀλήθειᾳ χερσίν.

*Nam veritatem tempus in lucem eruit.*

aut, cum id jam tum probe callerem, necesse fuerit in notis Plinianis qui cuilibet oppido nummi competerent, commemorare: quæ res fuisset plena fastidii: nec satius fuerit plerosque, quod feci, singulari operi reservare. Sed esto sane, ut vis, rametsi est falsissimum: videamus porro, quid demum ab aliis sim edoctus. Mene putas didicisse ab iis, ad Heliopolitanam coloniam hos nummos revocari oportere? Revocas tu quidem: sed tantam a me allucinationem superi averruncet. Monui eo loco, quem notas, hoc est, pag. 191. & 192. non esse quidem ad Helviam nummos quosdam referendos, qui ad Heliopolim pertinerent. Hos vero sex, quos nunc Heliopoli adsignas, conceptis idem ipse verbis admonui pag. 90. ad Berytum spectare. Audi iterum: COL. IVL. BER. *Apud Patinum, in numismatis Triumvirorum, pag. 18. & pag. 19. Augusti ipsius, COL. IVL. AVG. FEL. BER. cui simile alterum Valeriani, pag. 406. Ex quibus nummum Gallieni, qui Valeriani filius fuit, refingere ipse potuit: in quo perperam legit, COL. IVL. AVG. FEL. HEL. & ad coloniam Helviam refert, ad Heliopolim alii: quod tu nunc facis: cum FEL. BER. sit in iis quatuor nummis scriptum perspicue: quod nos in Cimelio Regio vidimus..... Neque vero Iulie Augustæ cognomen coloniam Heliopolitanæ ulla monumenta adferunt. Sed errorem Patinus a Tristano hausit. Tu propinatum a Patino pleno ore bibisti. Sed quo facto contigit, ut oculos tuos nostra hæc observatio invidiamque fugerit: quam si vidisses, aut secutus esses haud dubie: aut maligno, ut alia multa,*

dente carpsisses : cur ergo nunc files ? Inspice rursus , si licet , regium thesaurum : quem tam saepe , tamque confidenter negas a nobis esse lustratum : intelliges vel ex hisce , quos diligentius quam reris inspeximus , & falsum te accusatorem esse : & futurum fuisse , ut in his nummis tam foede non impingeres , si vel oculis nostris fidem habuisses : asseverantibus nobis jure merito legi oportere , COL. IVL. AVG. FEL. BER. *Julia Augusta Felix Berytus*. Nam quæ alia in Syria , præter Berytum , colonia Julia Felix Augusta cognominata est ? Ruit ergo conciditque illa tua egregia conjectatio , deductam a Julio coloniam in Heliopolitanum oppidum , auctam eandem ab Augusto : id quod falso narras ,  
 69. tomo 1. pag. 228. tomo 2. pag. 15. 81. aliisque locis. Et cantharus quidem , Bacchi symbolum , ante aram templumque adpositus , in nummo Philippi , pag. 240. cultum ejus numipis familiarem fuisse Berytensis denotat , quod & nos comprobavimus , pag. 91.

HIPPONENSIS colonia cur Gemella , cur Pia , appellata sit , falsam a te causam afferri.

**N**UMMUM M. Aurelii exhibes , pag. 271. in quo Ceres gradiens faces accensas gerit : similemque Commodi alterum , pag. 308. Utriusque inscriptio eadem : C. G. I. H. P. A. hoc est , *colonia Gemella Julia Hipponensis Pia Augusta*. Sunt & similes tomo posteriore , sub Caracalla , Gordiano , Philippo patre , & Gallieno. Nobis vero dicam scribis , quod cum Patino & Mediobarbo C pro G legimus , aliterque has litteras interpretati sumus. Tædet jam litium atque rixarum : quanquam si Himeræ Siciliae coloniae tribuendos esse hos nummos pertendero , qui refelles ? Verum sint illi sane coloniae Hipponensis : quam lepidus es in conjicienda causa geminae illius appellationis , Gemellæ nimirum , ac Piæ ? Nam cur Gemella dicta est ? Quoniam *urbs illa* , inquis , *gemina Straboni , altera Hippo Regius , altera Hippo Diarrhytos : unde in nummo Gemella perhibetur*. Et pag. 309. *Ideo Gemella nuncupata , quoniam alia urbs sit hujus nominis*. Id quod iterum repetis tomo secundo , pag. 54. & 347. Quot in orbe , ea si causa

causa probabilis est, Gemellas civitates appellari oportuit? Carthaginem in primis, cui Gemellæ appellatio quam apte congrueret, cum essent duæ ejus nominis coloniæ? Cur hæc una sic est vocitata ex omnibus, cum sit communis causa omnium? Quin Accitanæ coloniæ meministi: quæ, cum sit unica omnino Acci in orbe, tamen Gemellæ pariter sortita appellationem est? cujus rei causam aliam attulisti, vendibiliorem aliquanto quidem, nec tamen veram, pag. 13. Quanto forte verius Gemellæ dictæ coloniæ sunt, quarum civibus in ipsa coloniæ deductione concessum, ut in duabus legionibus stipendia facere, tanquam cives Romani, possent? Quid fere modo gemellæ vites appellatæ, quibus, ut Plinius noster ait, libro XIV. sect. IV. *hoc nomen uvæ semper geminæ dedere.*

Pia vero cognomen ab Antonino Pio si deductum foret, Antoninianæ præterea, ut Corintho, ut Oeæ, aliisque, nomen isti haud dubie adjiceretur. Ante hæc tempora certe coloniam eo deductam esse Plinius junior in primis docet, libro I X. epist. XXXIII. quem locum subnotari a te in priore statim volumine oportuit, ut ostenderes ante M. Aurelii ætatem deductos eo colonos: non unum Itinerarii auctorem appellare, quem tu falso ductus errore subinde Antoninum Pium vocas: cum vixisse hunc dudum post Constantini M. tempora, eruditi consentiant.

## I

ILLICITANÆ coloniæ adscriptum a te nummum esse, qui Norbæ Cæsarianæ est.

AUGUSTI nummus a te profertur, pag. 54. in quo signa 71.  
militaria sunt, quibus hæc imminent Duumvirum nomina, C. MANLIO. T. PETRONIO. Iisdem signis insertæ & interjectæ litteræ, ut tu quidem dicis, C. C. IL. A. ut vero Sponius, cum Mediobarbo, C. C. N. A. Atque ad Illicitanam coloniam tu revocas: *Colonia*, inquis, *Cæsarea Illice Augusta*. Ille ad Carthaginem novam Augustam: hoc est, ille semel, perperam interpretando: tu etiam præ-



postere legendo, his peccas, aut sapius. Diceres enim primo saltem *Cæsariana*, non *Cæsarea*: quod istud non coloniae ullius cognomen, sed ipsum nomen est. Deinde, quo auctore Cæsarianae cognomen Illicitanae coloniae tribuis, cum sit solenne *Julia*, vel, ut tu vis, *Immunis*? Petronii postea nomen cum hic occurrat inter Duumviros idem, quod & in nummis novae Carthaginis, ut tu dicis, vel Norbæ Cæsarianae, ut nos demonstravimus: cur a Sponio discedis, hunc quoque nummum novae Carthagini vindicante? Legit, inquires, C. C. N. pro C. C. IL. Vis ergo oculis tuis credamus, detractumque fateamur in hoc uno nummo Juliae prænomen Illicitanae coloniae, adjectum Cæsareae, vel Cæsarianae, sine teste? ejusdemque familiae Petronios, fratresque, ut apparet, alterum Illicitanorum, alterum alterius civitatis longissime dissitae nummis inscribi? Quam pronus est oculorum lapsus in his litteris? A QVIN O legit in suo alio nummo Mediobarbus, pro AQVILIO, arguente te, pag. 71. hoc est, N. pro IL. Tu nunc vicissim IL. pro N. mihi crede, vidisti: ac si non credis, specular iterum dioptramque admove: leges C. C. N. A. *Colonia Cæsariana*, vel *Colonia Concordia Norbensis Augusta*. Confer denique hujus nummi fabricam cum Illicitano altero, de quo mox dicemus: in quo Duumvirum nomina nummi ambitum occupant: cum in Norbeni militaribus signis imposita emineant: intelliges profecto, si sapere cum harum rerum peritis volueris, non ejusdem loci aut officinae utramque conflaturam esse.

ILLICITANAM coloniam dici Juliam, non immunem, oportere.

72. UNICUS, sed idem insignis, Illicitanae coloniae nummus a te commemoratur, sub Tiberio, pag. 111. in quo Duumviri appellantur, M. AEMILIVS. SEVERVS. T. COELIVS. PROCVLVS. IIVIR. atque inter militaria signa, litterae C. I. IL. A. hoc est, ut interpretaris, alios secutus, quod nihil astutius soleas cogitare, *Colonia immunis Illice Augusta*. Qua vero auctoritate littera I. immunem coloniam putas indicari? Plinii forte: nam eum

nos quoque testem allegavimus. *Colonia immunis*, inquit, *Illici*, unde *Illicitanus sinus*. Hic porro theta nigrum a te præfigi oportuit, non aliis animadversionibus nostris, quas censoria virgula decuit esse prorsus immunes. Nihil enim hic Plinii auctoritas juvat: quando & ipsa pariter *Cæsaraugusta colonia immunis* ab eodem appellatur: & in Bætica *coloniae immunes*, *Augusta Gemella*, *Virtus Iulia*, *Claritas Iulia*, *Genua Urbanorum*: & apud Paulum J.C. libro secundo de censibus, *Barcinonenses quoque immunes sunt*, & alii plures: nec ea vox apta cognomini, nedum in nummis. Nam quæ alia civitas eam ibi præfert vel ostentat, cum pari tamen immunitatis jure plurimæ perfruantur? aut ex lapidibus marmoribusque apud Gruterum quo alio scribi compendio vocem hanc edocemur, nisi tribus prioribus litteris IMM? Legendum igitur, *Colonia Iulia Illice Augusta*: ut superius, C. I. C. A. *Colonia Iulia Corinthus Augusta*.

## L

LAODICEAM Syriæ primæ, coloniam ac metropolim a te appellatam esse, quæ nec colonia unquam fuerit, nec metropoleos prærogativam obtinuerit, nisi post annos amplius CCCXX. quam putasti: utramque deinde dotem Laodiceæ ad Libanum a te injuste esse ademptam, cui nos adserueramus.

NUMMOS Laodicensium sic partiti sumus, in opere nostro de nummis, ut inscriptos quidem  $\text{ΙΟΥΛΙΕΩΝ ΤΩΝ ΚΑΙ ΛΑΟΔΙΚΕΩΝ}$ , aliosque, præsertim vero eos, in quibus coloniae & metropoleos adjecta nomina forent, COL. LAOD. METROPOLEOS, Laodiceæ ad Libanum sitæ, sive Cœles Syriæ, invictis adscriberemus argumentis: Laodiceæ vero alteri, sive ad mare positæ, inscriptos simpliciter  $\text{ΛΑΟΔΙΚΕΩΝ}$ , vel LAODICEON. Tu, ut dissidere a nobis qua jure qua injuria decrevisti, in

73.

contrariam prorsus partem abis, permutasque, sive perturbas potius oppidorum jura. Quo argumento? nullo. Nam Ulpianus quidem, quem laudavimus, pag. 285. conceptis verbis, *Est & Laodicensis colonia*, inquit, in SYRIA COELE, cui Divus Severus jus Italicum ob belli civilis merita concessit. Potuitne planius Laodicensis coloniae situs, tempusve quo deducta est, commonstrari? Expungatur vox ea, Coele, inquis, in Caracalla, pag. 55. Præclare! Annon hoc illud est, quod jam dixi, te judicii alieni securum, quam ridiculum lectori te præbeas, pensi nihil habere: cum ea quæ in libris recta sunt, quoniam causæ tuæ officiunt, inducere ac delere nihil verearis? Sed cur tandem ea vox expungenda? Quoniam Paulus, inquis, libro secundo de censibus, sic habet: *Laodicea in Syria, & Berytus in Phœnice, juris sunt Italici*. Idcircone, amabo, adversari Paulum Ulpiano censes? Scilicet, si Syria Coele Syria non est.

Jam metropolim exstitisse in administratione ecclesiastica sæculo quarto, atque adeo & civili jure, cujus formam in oriente securitas esse Ecclesias diximus, si quid in his rebus vides, intelliges ex ea persona quam gerebat ejus urbis antistes Georgius, apud Epiphanium, hæc. LXXIII. num. 1. ubi Λαοδικεία appellatur, ἡ πρὸς Ἀντιόχειαν Ἐπιδάφνης, ἢ γὰρ Κοίλης Συρίας, *Laodicea quæ prope Antiochiam Epidaphnes, sive quæ Coele-syriæ est*, id quod latuisse viro summo videtur. Ex eo autem intelliges de hac Laodicea & illud accipiendum quod Herodianus refert, tametsi aliter accipis, Severum Imp. Antiochenis infensum privilegia ademisse, quæ Laodicensibus dedit, proximis scilicet, in Coele Syria positis, Ἀντιόχεια Λαοδικεύσιν. Metropolis denique in nummis quæ designatur, hanc ipsam esse & Scaliger agnoscit ad annum secundum Probi: ipsiusque æram illam esse, quæ in Laodicensium nummis signatur, ut nos quoque monuimus. At hic non nobis dumtaxat, sed & Scaligero bellum indicis: quæ in pugna quis adjunget tibi se comitem?

De æra tamen Laodicensium istorum cave fidem adjungas auctori chronici Alexandrini, sive Paschalis, quo nemo fallacior in rerum gestarum temporibus consignandis, præsertim usque ad Diocletiani ætatem, ac subinde etiam postea.



Nam ille quidem Laodicenæ æræ initium ducit ab altero Cæsaris Dictatoris anno, sive post V. C. DCCVI. At Hieronymus in Chronico, non quale quidem libri editi repræsentant, sed ex optimæ notæ codice MS. bibliothecæ nostræ, ad annum secundum Probi sic habet: *Secundo anno Probi juxta Antiochenos CCCXXV. annus fuit: juxta Tyrios CCCCII. juxta Laodiceos CCCXIII. juxta Edessenos DLXXXVIII. juxta Ascalonitas CCCLXXX.* Initium igitur æræ Laodicenæ ab anno Urbis DCCXVII. repetendum est, Augusti VIII. ante Christum XXXVII. Sic annus CCCXIV. incidet in annum alterum Probi, qui Urbis Romæ MXXX.

Altera vero Laodicea ad mare a Plinio libera cognominatur, hoc est, suis vivens legibus: nec proinde colonia, quæ Romanis semper vivit institutis. Ex illo tempore, qui coloniam appellarit, vel unum, si potes, testem appella. Metropolis autem quo tempore creata sit si percontaris, accipe. Sub Justiniano Imp. hoc est, annis CCCXX. & eo amplius, serius quam putasti. Avulsæ tunc a Syria prima urbes quatuor, ex quibus provincia constituta, quæ Theodoriados nomen habuit, a Theodora Justiniani conjuge. Tribus reliquis metropoleos nomine ac prærogativa Laodicea præposita est. Testes sunt, præter subscriptiones conciliorum, Notitiæ ecclesiasticæ: ipsumque provinciæ nomen præfert ætatem. Decem igitur nummos, quos Laodiceæ ad Libanum ademisti, pag. 55. 82. 119. 120. 242. 243. 244. & 309. tomi posterioris, patriæ suæ postliminio redde.

## M

MUNICIPIORUM & coloniarum nummis quæ maxime vulgaria symbola sunt insculpta, quid sibi velint, te perperam explicuisse.

**M**UNICIPIORUM coloniarumque nummis impressas imagines quam præpostere interpreteris, non vacat in præsentī omnes excutere : duas modo, quæ sunt trita ac vulgares seligimus : signa videlicet legionum, & bovis effigiem : sive sit ille unicus, sive gemellos agat, ut aīis, colonus. Ordiamur a priore symbolo ac potiore, signis videlicet legionum. De quibus primo quid statuamus, accipe : facilius pernosces ex eo, quid tibi sit emendandum.

Impressa nummis signa militaria, non deductos in coloniam milites significant : quod tu sexcenties doces : sed recordationem beneficii a legionibus accepti, quæ præsidium in eo tractu, in eaque provincia agitent. Deducti in coloniam quidem milites fuere, quis nescit ? at ex quo deducti aliquo fuere, jam non ibi milites, sed cives deinde togatique sunt : neque ægre obliviscuntur sese olim meruisse stipendia. Cum ergo in nummis illi signa militaria imprimunt, alio spectant : nempe ut significant debere sese legionibus suam pacem, suumque otium, negotiatorumque suorum ac viatorum securitatem : nunc quidem equitum alæ turmæve, cum vexillum equestre solummodo, quam flammulam Vegetius vocat, nummi exhibent : ut in Cæsaraugustanæ coloniae nummis, pag. 28. & 29. id enim equitum insigne est, non manipuli peditum, ut existimasti, pag. 92. & aliis locis : nunc peditum manipulis aut cohortibus, cum signa militaria, orbiculis clypeolisve distincta repræsentant, ut passim : nunc etiam utrisque, cum utraque in eodem nummo symbola insculpuntur : ut in Norbensī nummo, pag. 54. quem tu Illicitanum vocas, in quo aquila cernitur, cum vexillo, & signis manipulorum.

Quot porro legiones, inquis, intelligi necesse est ? Tot

præcise, quot in nummis appellantur. Ternæ, exempli gratia, in CæsarAugustano, pag. 22. sub Augusto, & sub Tiberio, pag. 100. LEG. IV. VI. X. Quanquam hos iterum, mihi crede, nummos inspicere : vide num IV. pro III. legeris : & proclivis enim error est : nec quaternarium numerum aliter putem pingi solitum illis temporibus, quam quatuor ductis in hunc modum lineis, IIII. Binæ deinde, in coloniæ Patriciæ numismate, pag. 62. sub Augusto, V. & X. Una denique, si vel signa pura sint, sine nomine ullius speciatim legionis, ut sæpe : vel unica legio appelletur, ut in Accitano : in quo nunc LEG. VI. pag. 12. & 13. Augusti principatu : nunc LEG. III. pag. 91. principe Tiberio occurrat. Nam cum citerior Hispania, quæ mari interno propior est, legionum duarum præsidium haberet : nunc uni earum, nunc alteri, debere se suam securitatem oppida præ se tulere, atque adeo alterutram appellavere in nummis : quoniam mos fuit, ut cum a duabus beneficium acciperent, nunc singulas earum seorsim, nunc conjunctim omnes in nummis appellarent : tametsi quod utraque ad tutelam civium totiusque provinciæ operam suam conferret, ambas nihilominus ingeniose pingerent. Nunc enim idcirco aquilæ binæ sculpsuntur in nummis, ut in Accitano, cum nomine unius solummodo legionis, LEG. III. pag. 91. sub Tiberio : vel nullo, pag. 145. sub Caligula : itemque in Ruscinonis nummo, pag. 63. Augusti principatu : ubi ob aquilas duas, epigraphen LEG. VI. *legiones sextas* perperam interpretaris : cum sententia sit, e legionibus duabus, quæ viciniorem mari tractum Hispaniæ citerioris tutarentur, gratiam se legioni sextæ nunc referre : ut modo tertiæ referunt Accitani, modo sextæ. Nunc aquila etiam unica signatur in nummo : sed vel duplici perticæ insidens, quo artificio gemina legio designatur : tametsi aut nulla nominatim appellatur, ut pag. 92. sub Tiberio : aut appellatur unica, nempe VI. cui e duabus gratiam se Accitani habere testantur, pag. 12. sub Augusto : quemadmodum in altero nummo ante allato, tertiæ : vel aquila stat inter vexilla duplicata, mixtis clypeolis sive parmulis, ut pag. 13. quo insigni duæ legiones designantur, quæ simul impositæ præsidio sint : tametsi in uno nummo appel-

75.

76.

77.

78.

79.

79.

80.

81.

78.



latur unica, altera in altero similiter appellanda.

- Occurrit & in Italicensis municipii nummis aquila similiter cum vexillo, duplici imposita perticæ sive hastæ, inter signa manipulorum, cum Drusi effigie, pag. 133. cum Germanici, pag. 137. Quid illa porro indicat? quod nescisti: tutelam, præsidiumque equitum ac peditum geminæ legionis, V. videlicet & X. quæ Bætiam tutaretur, ut nummus coloniae Patriciæ indicat, pag. 62. hoc est, Cordubæ, quæ Italicensi proxima municipio est.
32. 76.

In Hispania scilicet variæ subinde præsidii gratia fuere legiones. Ex antedictis quidem quatuor fuisse intelligis, III. V. VI. & X. ac forte IV. nisi legendo deceptus es, quod verius arbitror. Quatuor ibi fuisse Augusti principatu, testis est Appianus, libro III. belli civilis: & sub Nerone, Tranquillus in Galba: quem *principem sextæ legionis auctoritate factum* Tacitus refert, libro V. Annalium. Evocatum autem ex Hispania ad imperium nosti, opinor. Sub Tiberio, ita prodente eodem Tacito, libro quarto, *Hispaniæ recens perdomitæ tribus habebantur*, quod & Strabo narrat, libro III. pag. 166. Subinde autem immutata hæc fuisse, aliasque aliis temporibus legiones ibi fuisse, si quis ambigit, næ ille tum in vetere historia, tum in politia rudis ac peregrinus.

- Jam extra Hispaniam pariter in earum civitatum agro tot legionum fuisse præsidium collocatum, quot vel aquilæ cernuntur in nummis insculptæ, vel legionum nomina, extra controversiam est. His itaque suam securitatem debere se cives subinde agnoscunt. Berytenses, exempli gratia, quintæ & octavæ, quas ibi in præsidio collocatas ab Agrippa Strabo narrat. Horum nummi sunt præcipui, pag. 15. sub Augusto, 83. & pag. 155. sub Tiberio, ubi aquilæ duæ orbiculis insident, 70. cum nominibus legionum, V. VIII. tum pag. 238. tom alterius, sub Philippo, cum iisdem nominibus viri duo cum clypeis & vexillis, quæ legionem integram, hoc est, equites peditesque repræsentant. Eo spectat & alter eorundem nummus, pag. 239. ubi Mercurius cum crumena plena pictus ingreditur: quo symbolo viatorum mercatorumque securitas per Berytensium agrum iter habentium, beneficio legionum, indicatur.

indicatur. Legendum enim, uti monuimus, COL. IVL. AVG. FEL. BER. non ut tu perperam, FEL. HEL.

Cremna pariter colonia, pag. 115. sub Elagabalo, aquilam 85. exhibet inter duo signa militaria, mixtis vexillis equestribus: quo argumento toti legionis acceptam refert securitatem suam. Similiter Antiochia Pisidiæ, aquilam cum vexillo habet inter signa militaria, sub eodem principe, pag. 108. sub Phi- 86. lippo, pag. 229. sub Decio, pag. 276. Sic & apud Geographos, cum alicui oppido legionis nomen adjicitur, hanc ibi esse in præsidio locatam argumento est. Quare apud Plinium, libro v. sect. 1. *Cartenna colonia Augusti, legio secunda* appellatur. In Numidia apud Ptolemæum, libro v. cap. 111. *Λαμβαιουα legio Augusta tertia*: in Arabia, *Βότρεα λεγίων*.

Nec tamen ubique legio integra præsidio imposita est: nunc enim soli pedites, nunc equites soli huic muneri destinati. In colonia Patrensi, X. & XII. vel, si ita vis, sola XXII. legio appellatur, pag. 159. sub Claudio: pag. 177. 87. sub Nerone: pag. 185. sub Galba: pag. 203. sub Domitiano: aquilaque unica ubique pingitur inter signa peditum. Item colonia Paria, sub M. Aurelio, pag. 272. mulierem exhibet, 88. quæ signum manipulorum duntaxat manu tenet, altera cornu copiarum: ut annonæ ubertatem tutelæ militum debere se profiteatur: id quod & Berytensis fatetur, Genio urbis cum simili cornu copiarum ac temone inter vexilla equitum posito, pag. 238. sub Philippo: quem tu nummum adhuc Heliopoli adscripsisti.

At in colonia Ptolemaïde, vexilla sive quinque, ut pag. 161. sub Claudio, & pag. 181. sub Nerone: sive quatuor, ut pag. 231. sub Hadriano, & tomii posterioris pag. 83. sub Geta, totidem equitum turmas, nostro nunc quidem iudicio, repræsentant. In colonia Troade equitatum significat vexillum unum, turrito capiti adjectum, coloniarum scilicet, quam equites legionis Romanæ cujuslibet tutarentur, pag. 216. sub Trajano, & pag. 233. sub Hadriano: item tomii tui 90. secundi pag. 65. sub Caracalla, pag. 132. sub Elagabalo, pag. 182. sub Alexandro Severo, & pag. 189. sub Julia Mamæa. Lupa similiter cum vexillo, in eadem colonia, pag. 146. in 91.

- Aquila Severa : quæ effigies & in Damasceno nummo idem significat, cum adjecto nomine legionis, in qua mererent  
 92. stipendia equites, sive LEG. VI. F. pag. 258. sub Otaci-  
 58. lia : sive LEG. III. GAL. pag. 308. & 310. sub Gallo & Volufiano.

Provincia Dacia in nummis habet nunc vexilla duo, in  
 93. quibus legionum scripta nomina, V. & XIII. pag. 230.  
 tomi posterioris, sub Philippo patre : pag. 270. Philippi ju-  
 nioris principatu : pag. 282. sub Decio : pag. 297. sub He-  
 rennio : pag. 301. sub Hostiliano : pag. 326. sub Æmiliano :  
 pag. 344. sub Gallieno. Nunc vexillum unicum exhibet,  
 94. pag. 230. sub Philippo patre, pag. 256. sub Otacilia, pag.  
 283. sub Decio : quod equitatum præcise denotat, sine nu-  
 mero legionum : sed adjectæ in eo vexillo litteræ, D. F. Da-  
 ciam Felicem significant : Romano scilicet equitatu geminæ  
 legionis, ut alii nummi docent, provinciam tutante ab ho-  
 stium incursionibus.

95. Colonia Deulton, pag. 224. sub Philippo, vexilla duo  
 habet, non cum aquilis quidem, ut tu existimas, sed cum  
 aviculis, quæ fuerint illis temporibus turmæ cujusque, vel  
 etiam decuriæ equitum, insignia. In media nummi area aquila  
 est Romani imperii symbolum : ex quo intelligere est colo-  
 niam ibi profiteri, turmis decuriisve equitum Romani imperii  
 acceptam se referre incolumitatem suam.

- Quin etiam progressæ ulterius coloniæ in gratia referenda.  
 Nam & rem sacram fecere, ipso Duumviro, seu Magistratu  
 coloniæ vel municipii sacrificante, in hujus beneficii memo-  
 riam, hoc est, ob tutelam legionum. Declarant hoc nummi  
 innumeri, in quibus Duumvir cum bobus incedit : sive de-  
 pictis retro signis militaribus, ut in colonia Berytensi, quam  
 68. tu Heliopolim falso vocas, pag. 95. in Macrino : & in An-  
 tiochia Pisidiæ, pag. 35. in Caracalla, & pag. 200. in Gor-  
 diano. Sive vexillo tantum insculpto, quod equitatus, ut  
 diximus, insigne est : ut in Tyria, cum epigraphe, LEG.  
 III. GAL. pag. 22. sub Severo : pag. 32. sub Julia Domna :  
 96. pag. 87. sub Geta : pag. 97. sub Macrino : pag. 314. sub  
 Treboniano. In Sidonia cum legionis Parthicæ nomine,  
 LEG. III. PAR. pag. 127. sub Elagabalo, & pag. 150.



sub Annia Faustina. In Rhesanensi, pag. 175. sub Alexandro Severo. Cujus coloniae nummus alter, pag. seq. genium urbis cum aquila exhibet, & in ambitu epigraphen, **LEG. III. GAL.** Quo significatu? nempe ut incolumitatem ac securitatem suam debere se profiteantur imperio Romano, cujus in limite positi Rhesanenses, & beneficio quidem equitatus legionis tertiae Gallicae. Hoc & vexillum declarat, cum aquila junctum, in altero ejusdem oppidi nummo, pag. 287. sub Decio: in quo nummo annus **PIH.** hoc est, **CXVIII.** aerae Rhesanensium adscriptus est: & pag. rursus 297. sub Herennio nummus alter, in quo urbis Genius, & Genius legionis dextras jungunt ante aram.

In Sidoniensi nummo, pag. 128. sub Elagabalo, aquila prora navis imposita, signum legionis classicae, insculpta cernitur: & coram ea Genius Sidoniensis coloniae rem sacram facit. Quorsum autem? nempe ob recordationem beneficii a legione classica, praesidioque ipsius, accepti.

Denique memoris similiter animi significatio est in nummo Neapolitanorum e Samaria, pag. 321. sub Volusiano: ubi non Serapis, ut arbitraris, sed Duumvir: nec aquila, ut putas, sed minor avis, manipuli signum insculptum est. Aries praeterea cum spicis, ut mox dicemus, aream nummi infimam obtinet, summam aedes sacra. Quo haec universa consilio? Nempe ut ubertatis agri sui causam post Deos refundere se in tutelam praesidiumque Romanae militiae Neapolitani significant.

Vide jam quot tibi sint ex opere tuo placita eradenda: quantaeque tibi sit laudi futurum, cum eos, a quibus haec didicisti, a nobis monitus, dedocebis.

I. Primum enim, falsum est, signa militaria ob id insculpta in nummis esse, ut argumento sint colonias ex veteranis legionum deductas esse: id quod tu locis sexcentis doces. Neque enim illa deductos milites in coloniam, sed in ejus coloniae agro positos praesidio, indicant. Qua enimvero auctoritate confirmas, in municipium Italicense veteranos ab Augusto fuisse transmissos, uti asseveras, tum in Druso Caesare, pag. 133. tum in Germanico, pag. 137. cur, inquam, ita statuis? An quoniam impressa illius municipii nummis signa

sunt, perinde atque coloniarum? Municipium igitur a colonia nihil distat: quo quid dici potest a vero alienius?

II. Nec minus abhorret a similitudine veri, ad indicandam coloniae vetustatem, aut nummis Patrensibus adjectum nomen esse legionis XXII. ut narras in Claudio, pag. 160. 87. in Nerone, pag. 177. in Galba, pag. 186. in Domitiano, pag. 204. in M. Aurelio, pag. 277. in L. Vero, pag. 297. in Commodio, pag. 314. aut aliis nummis signa praecise militaria esse insculpta, sine nomine legionis, ut de Heliopolitana praedicas sub Julia Domna cufis, pag. 29. de aliis alibi passim. Doce enim, si quid didicisti, id quod nobis plane latere confitemur, qui potest signum militare, quaelo, vetustatem coloniae potius, quam novitatem, indicare?

III. Eiusdem farinae est, quod aïs in Elagabalo, pag. 109. signis militaribus immunitatem coloniae significari: cum plurimae sint coloniae non immunes, ut Accitana, Patrensis, aliaeque: quarum nihilominus impressa nummis signa militaria sint.

IV. Figmentum quoque ingenii est haud satis in conjiciendo felicitis, a nobis dilucide confutatum, quod in Tiberio doces, pag. 112. aquilam in coloniarum nummis depictam, veteranos eo deductos significare, totidem e legionibus, quot sunt in nummo aquilae: imo & e duabus legionibus, vel si unica aquila sit inter signa duo militaria. Alio has picturas spectare nunc, opinor, in aperto est.

V. Doces praeterea Accitanæ coloniae nummum sub Augusto percutsum, cum signis militaribus, nomen habere legionis sextæ, pag. 13. sub Tiberio autem, tertiæ, pag. 91. 78. eo quod ii, qui Augusti principatu magistratus honore in ea 79. colonia fungerentur, ex legionis sextæ veteranis originem traherent: qui sub Tiberio, ex legione tertia. Quasi plurimum interfit, aut omnino quidquam juvet, aut denique Duumviris honori & ornamento sit, commemorare, & in ære signare, qua in legione ante annos ducentos meruerint stipendia majores sui.

VI. Unius deinde ejusdemque coloniae sæpe refert nummos alios bove signari, vel colono, ut vocas, boves agente: alios signis militaribus: idque argumento esse partim ex plebe,

partim ex veteranis coloniam esse deductam : sive partim plebeiam esse , partim militarem : id quod de Cæsaraugustanæ coloniae nummis prodidisti , pag. 22. Augusti principatu conflatis : de Ptolemaide , in Claudio , pag. 161. in Nerone , pag. 181. in Hadriano , pag. 231. in Geta , pag. 83. De Patrensi colonia in Domitiano , pag. 203. in Commodò , pag. 318. De Ælia Capitolina in Hadriano , pag. 222. De Antiochia Pisidiæ , in Caracalla , pag. 35. De Rhefænensi in Alexandro Severo , 97. pag. 175. Cui placito , vel , ut ego arbitror , commento potius , & illud simile est , quod de Troade colonia pronuntias , in Aquilia Severa , pag. 146. lupam in nummo insculptam 91. cum gemellis , togatorum civium insigne esse : vexillum autem simul adjunctum , veteranorum. Cum ii , qui res Romanas vel leviter attigere , norint , ante Syllam quidem deductas fuisse colonias civiles complures , hoc est , e civibus : militarem , sive e militibus , nullam memorari : post Syllam autem nullam civilem , militares quamplurimas existisse. Quæ porro a te describuntur numisinata Imperatorum in coloniis percussa , num Syllana tempora antecedunt ? De bove autem nummis impresso , vel colono , ut ais , boves agente , mox tecum agemus.

VII. Cum in eadem colonia cusi nummi nunc colonum , ut ais , exhibent , nunc signa militaria , ( nulla autem fere colonia est , quæ non habeat utriusque illius generis nummos : ) id documento esse dicis , alterum Duumvirorum a civibus in coloniam deductis , alterum a militibus originem ducere. Sic enim conjectas in Augusto , pag. 59. in Tiberio pag. 99. in Caligula , pag. 148. in Trajano , pag. 213. Utrum ergo e Duumviris in nummo uno colonus ille tuus , utrum in altero signa militaria designant ? nam si eo consilio symbola mutantur , id certe nosse aliquatenus interest. At utriusque nomen ex æquo , atque eodem situ & ordine , in utroque nummo appellatur , & in eo qui colonum , pag. 147. 102. & in eo qui signa exhibet , pag. 148. LICINIANO. 103. ET. GERMANO. II VIR.

VIII. Provinciæ Daciæ nummis legionum V. & XIII. 93. nomina , in Philippo patre , pag. 231. in filio , pag. 270. in Decio , pag. 283. alijsque , eo consilio insculpta similitè :



asseveras, ut id documento sit eas legiones in colonias provinciae esse transmissas. Dic ergo primum, quae Daciae coloniae fuerint, praeter unam, quae Dacica ex eo dicta est, eademque Ulpia Trajana, nunc *Varhel* in Transylvania, ut diximus in libro de nummis. Deinde vel si plures essent, sic mecum statuito, ad provinciae solummodo custodiam, non ad constituendam, instaurandamve coloniam aliquam, legiones in oppidis castrisque esse collocatas.

IX. Berytenses, dum signa militaria nummis suis sub Julia Domna imprimerent, alluisse fortassis ad titulum Matris Castrorum, quo donata illa a Senatu est, pari felicitate auguraris, pag. 25. tomi secundi. Quae conjectatio, praeterquam quod falsa est, ut diximus: quam incertae, quam parum firmae tuo ipsius iudicio sint aliae tuae priores de iisdem signis suspiciones, palam facit.

X. Strabonem aîs pag. 238. in Philippo seniore, ex nummis maxime illustrari: quod cum is Beryti collocatas dicat ab Agrippa legiones duas, nummi docent non ad hiberna, sed ad coloniam eo traductas. Dignus profecto locus, in quo rursum exclames, ut facis subinde, tum tomo priore, pag. 62. cum de hac ipsa transductione legionum in colonias verba facis: *Quanta igitur ex rei nummariae monumentis historiae lux, quae sine eorum ope multa caligine involuta permaneret?* tum tomo secundo, pag. 176. *Quanta igitur historiae lux e nummis?* Quo loco videlicet ex iisdem perperam intellectis id colligis, quod proxime antea num. VI. falsum esse evicimus. Hocine est, amabo, Strabonem illustrare, si longe aliud quam quod dicit, tu explicatis praepostere nummis adstruas? Ille in praesidium locatos ibi milites tradit, libro XVI, pag. 756. *Ὅσοι τὰ μάλιστα ἴδρυσεν Ἀρξίστρας ἐν ταῖς.* Tu deductos in coloniam praedicas. An sunt haec duo huiusmodi, ut ex altero alteri lux accedat?

Denique, ut ne in hoc uno loco moram trahamus longiorem: dignum notatu narras esse, pag. 29. in Augusto, quod vexillum solummodo in minimae formae nummis CaesarAugustanorum appareat: non etiam cum bobus colonus. Quasi vero mirabile sit, aliud nihil in exiguae molis nummo describi, quam quod loci angustiae ferant. Sed de signis militari-

bus satis : ad alterum nunc symbolum veniamus.

Bovem municipiorum coloniarumque symbolum appellas sexcenties : ad indicandam originem deductæ primis imperii temporibus coloniæ, colonum boves agentem, ducentemque aratrum, in nummis signari : sic enim ais in Nerone, pag. 169. & in Trajano, pag. 212. Sed quem colonum putas, si caput viri velatum, vestem denique ipsam totam attentius contemplere, in Cæsareæ nummo præsertim, quem sub Macrino exhibes, pag. 91. ( ex hoc autem uno disce omnes : ) 104. præsertim si quem Patinus vulgavit, pag. 322. ejusdem oppidi nomine, ejusdemque Augusti effigie, huic adjungas : 105. in quo bos unicus, non ut alibi jugatus depingitur : neque is, quem colonum appellas, bovem agit, sed dexteram in cælum tollit : nam cur bos in agricoltatione unicus ? Sed si boves pariter in plerisque nummis insculptos probe inspexeris : intelliges non colonum, sed magistratum ipsum Flaminis habitu : non aratrum, sed scipionem, cui innititur, ibi sculptum esse : lituum etiam, clarissimum insigne auguratus, altera illum manu gestare, tum alibi passim, tum apud Anton. Augustinum, Tab. xvi. num. 13. apertissime : ex quo eandem esse ceterorum numismatum formam intelliges : boves denique ipsos vittatos, & ut appellas, mitratos infultosque esse, hoc est, sacrificio destinatos, pro incolumitate principis, cujus legiones coloniæ vel municipii securitati militarent. Quod cum a nobis jam dictum esset, pag. 118. tu exsufflas & rides, pag. 103. an jure merito, eruditorum judicium erit. Quin tu ipse etiam, si tibi constare cupis, nobis suffragabere : qui vittatum bovem tum in Cæsaraugustano nummo agnoscis sub Tiberio, pag. 96. sacrificii causa pro principis salute : & in Graccuritano, sub eodem, pag. 110. & caput bovis sacrificiorum insigne appellas, sic enim loqueris pag. 102. & tomo denique 2. pag. 18. sacrificatum velato capite, quale est Flaminum in hisce nummis, ex *Æneâ* dicis. Ab *Æneâ* factò ortam hanc esse consuetudinem dicere voluisti : de qua locus insignis est apud Cyprianum, quem tibi indicabo, libro de lapsis : *Ab impio*, inquit, *sceleratoque velamine, quo illic velabantur sacrificantium capita captiva, caput vestrum liberum mansit.* Si veritati igitur, ut virum pro-

bum ac frugi decet, aliquando cesseris: si ea refeceris, quæ de utroque symbolo a te perperam, & creberrime tamen, usque ad fastidium & tædium inculcantur: dimidio saltem operi tuo inducendam esse spongiam confitebere: pars altera deinde reliqua constabit solum ex his, quæ nos hoc libello reprehendimus. Quam dignus sit parente fetus, exinde intelliges.

## N

NEAPOLITANI in Samaria nummi symbolum a te perperam explicatum esse.

106. **V**OLUSIANO principe cusus Neapoli in Samaria nummus inter cetera arietem & spicas exhibet, pag. 321. tomi posterioris. Tu ariete aïs vernum tempus designari, quod annum sub hoc signo Neapolitani inchoare solerent, quemadmodum Antiocheni & Damasceni, qui pariter arietem in suis nummis eam ob causam exhibent. De Antiochenorum certe duplici æra si paulo attentius ea legas quæ diximus, intelliges saltem illam, quæ Augustana dicta est a nobis, duxitque initium ab Actiaca victoria, non a verna tempestate, sed ab autumnali, coeptam esse. Damasceni si Seleucidarum æram secuti sunt, ut simile veri est, ab Hyperbætæo, sive Octobri Juliano, anni sui duxere exordium. Verum ut ut est de ceteris, quin igitur in isto Neapolitanorum nummo verticem obtinet aries, quod signum cæleste dignoscatur esse? cur humi graditur? Quod si ariete ver designatur, an etiam spicis grano onustis? Sed tricas nugæque mittamus. Nihil profecto hic verno sideri loci. Illud nimirum est: ut spicæ fertilem uberrima fruge campum, sic aries pascuis lætum, & felicem alendo pecori significat. Nihil amplius.



NORBENSIS nummi interpretationem nostram  
a te frustra vellicari : quam te ipsum  
imitari alibi decuit.

**L**AUDATUS antea nummus Norbensis coloniae, sub  
Caio & Lucio Caesaribus, caput Augusti ex parte averſa  
exhibet, cum hac epigraphæ, AVGVSTVS. D. D. 51.  
C. C. N. C. hoc est, interprete te, ac litterarum ordinem pro  
arbitratu invertente, *Augustus. Colonia Concordia Norbensis*  
*Cæsariana. Decreto Decurionum. Non autem, sic pergis di-*  
*cere, Decuriones Coloniae Concordiae Norbensis Cæsariana, ut*  
*tradit P. Harduinus, pag. 362.*

Quid ? si iusserint Decuriones, non perinde est ac si dica-  
tur, decreto Decurionum ? Non ipsi, quæ sint decreta de-  
curionum, exposuimus, pag. 124 ? Non pag. 108. atque alibi  
passim, has notas D. D. legi posse monuimus, *Decuriones*,  
vel *Decreto Decurionum* ? Non hoc potissimum loco contextus  
ac series litterarum jubet *Decuriones coloniae* legi ? Quæ pru-  
rigo hæc reprehendendi est, ubi nihil sit, quod vituperes ?  
Ignosce : monui semel iram nunc a me simulari, cum nulla  
sit. Sacro liceat interim uti adagio : Medice, ipse te ut cu-  
res, oro. In nummo Uticensium, pag. 124. quid legis ?  
M. MVN. IVL. VTICEN. D. D. P. P. Quomodo  
porro interpretaris ? *Municipes municipii Iulii Uticensis. De-*  
*curiones posuere.* Atqui quod nunc consilii das, id accipi istic  
a te in rem tuam oportuit : reddique in hunc modum has  
litteras, *Municipes municipii Iulii Uticensis, decreto Decurio-*  
*num posuere.* Sic certe tum ratio, tum contextus orationis  
postulat : neque enim soli decuriones : sed decreto decurio-  
num, & quasi Senatusconsulto, quoniam curia in coloniis  
municipiisve Senatus instar Romani fuit, municipes civesque  
posuere.

NUM. REST. nummum ideo prætermissum a te, quod non intellexeris.

107. JAM quoniam ordo litterarum ita fert ac patitur, ut de Nummo insigni Galbæ in transcurso agam, qui REST. NUM. inscribitur, vulgatusque est a Seguino, dic, amabo, quamobrem hunc omiseris. Nos enim olim interpretabamur, *Restituta Numantia*. An quod ea dumtaxat numismata Imperatorum aggressus es, ut fert titulus operi tuo inscriptus, quæ *in colonis, municipiis, & urbibus jure Latio donatis sint percussæ*: quo jure Numantia forte caruit? At unde jure Latio, (cogis me perpetuo tecum barbare loqui: nemo enim idoneus Latinitatis auctor jure Latio dixit, pro jure Latii:) unde ergo jure Latii donata hæc oppida didicisti, quorum nummos profers in medium, Abderam, Juliam Traductam, Læliam, Segobrigam? Hanc certe postremam in primis stipendiariam fuisse Plinius noster ait, Latii veteris jure donatam negat. Cur igitur non fuit inter istas & Numantiæ locus?

An tu fortassis *Numidiam restitutam* mavis? ideoque prætermisisti, quod non ad colonias vel municipia pertinere tibi videretur? Atqui de Numantia restituta accipi oportere certis documentis evicimus: quæ urbs, ut Plinius admonuit, in Clunienti conventu fuit: Cluniæ autem cusus ille pariter vulgatissimus ejusdem Galbæ nummus, HISPANIA. CLVNIA. SVLP. An verebare, ne istud a nobis accepisse videreris, quoniam nemo prævisset? Quot alia perbona mutuatus a nobis fuisti, quæ tu astute dissimulasti? qui satis habueris, ut jam diximus, in præfatione generatim ac verbulo uno obiter confiteri, te per alios profecisse: ut hæc confessio videlicet omnem de furto accusationem eluderet.

Esse autem aliquos, qui tibi præverint, qui postquam priores nostros conatus de Nummis veterum publici juris fecimus, Numantiæque hunc ibi nummum adseruimus, pro Numidia nihilominus sententiam dixerint, Numantia ablegata, vix arbitror: quanquam scio a te nihil afferri prope modum, nisi de aliena promptum officina. Quin eruditorum

autem ea de re consilium prius exquisisti? Quin virorum illorum in primis Senatum adiisti, qui nuper in Illustrissimi Ducis AUMONTII, nunc in Illustrissimi Præsidis BIGNONII ædes, hebdomadis singulis de veteribus numismatis disputaturi confluunt? quos quidem esse tum eruditione, tum sagacitate præstantes, tum ab humanitate omnibus caros, fama est omnium sermone celebrata. Horum nemo tibi non esse oraculi vice debet: nemo hunc animo tuo errorem insidere passus esset. Habes in his, ut nunc ceteros fileam, Virum clarissimum, ejus cœtus præsidem, seu Directorem, ut vocant, D. DE LA CHAPELLE, dignum ea loci atque honoris prærogativa, dignum illo eruditorum virorum, qui primum ei locum concessere, judicio: quippe cujus ingenio futura sit exteris gentibus, posterisque, LUDOVICI MAGNI virtus ac fama celebratior. Nam res ab eo gestas in nummis descripsit, quos cum admiratione ac voluptate vidimus, censuimusque & elegantia & acumine cum numismatis-antiquis certare.

Quod si tantis viris neglectis, ad alios quospiam obscuros homines te transtulisti, qui tecum Numantiæ novum bellum indicendum esse decreverint: dic, sodes, quamobrem ita censuere? Forte quod extincto Clodio Macro, qui res novas in Africa moliebatur, provincia est legitimo principi Galbæ restituta. Quid? Cum Hadrianus Augustus dicitur tot provinciarum restitutor, eone sensu restituisse dicitur? O viros plane dignos, qui ubi de latinitate lis erit, inter judices audiantur: qui restitutam provinciam, principi restitutam seu redditam interpretentur.

Nam quid restitutum dici merito potest aut debet? sane quod spretum, quod ante dejectum ac profligatum, quod afflictum, perditum, collapsumque sit. Quæ potest autem Numidiæ vexatio intelligi, eo quod per primum forte imperii Galbæ mensẽ ad summum, Clodius Macer cum legatus pro Prætorẽ Africæ esset, id quod ejus nummi testantur, CLODIVS. MACER. PRO. PRAE. AFRIC. legionem, ut Tacitus narrat libro secundo, cohortesque delegit ex officio suo? Si Galbæ imperium excutere secretis consiliis molitus est, num idcirco afflictã Numidia est? num.



hæc causa iusta & æqua fuit nummi cudendi, vel ænigmati potius? nam quis extinctum tyrannum, consilia rerum novarum meditantem, si restitutam Numidiam audiat, intelligat? Dicerent nummi, LIBERTAS. RESTITUTA, qualis eodem principe nummus occurrit apud Occonem & Mediobarbum. Verum haud magnam præ se tulisse lætitiā Afros ob Macri necem, sed hanc moderate accepisse, ea Taciti verba testantur: *Africa, ac legio in ea, interfecto Clodio Macro, contentæ qualicumque principe, post experimentum domini minoris.* Gavisos ea nece Numidas magis quam Afros, hoc est, quam provinciæ Proconsularis incolas, aut gratulatos Galbæ fuisse ob eam rem cum maiore significatione lætitiæ, quo quis probet auctore vel teste?

Si bellis attrita provincia, vel fame, foret, ac beneficio deinde principis eadem recreata, merito ab eo RESTITUTA diceretur. At bellum in Africa Clodii Macri causa nullum fuit, nullus tumultus: aut si fuit, unius horæ Carthagine fuit: in Numidia certe omnino non fuit. Statim Macrum oppressum, factō in illum ab equitibus impetu, ut postea in Pisonem Proconsulem, a Macri successore Valerio Festo, narant Tacitus ac Suetonius.

At idem Tranquillus Galbam narrat, inquit, *Africam proconsule biennio obtinuisse, extra sortem electum, ad ordinandam provinciam, & intestina dissensione, & barbarorum tumultu inquietam: ordinasseque magna severitatis ac iustitiæ cura, etiam in parvulis rebus.* Nec diffitemur utique: an vero in nummo putas, qui Galba imperatore conflatus sit, ea commemorari, quæ multis ante annis pro consule egerit? Non & per annos octo Hispaniam citeriorem rexit, ubi Numantia fuit, inde proxime ad imperium evocatus? Cur ergo ob res ante imperium gestas Numidiam hoc loco quisquam potius quam Numantiam legat?

Sed piget tamdiu altercari, cum verbo confici res uno possit. Nego nummum Numidiæ nomine ullum exstare: nego ullum eo nomine inscriptum illis temporibus, ut res erant, cudi potuisse. Quid ita? Quoniam tametsi Africa & Numidia provinciæ olim duæ inter se discretæ forent: nihilominus tum Galbanis temporibus, tum subsecutis saltem

usque ad ultima Hadriani tempora, civilis una, cum Proconsulari, & Byzacio, Tripolitanoque tractu, provincia fuit, sub uno Africæ nomine, sub uno Proconsule, sub uno legato seu proprætore, qui legionem Proconsuli dudum ablatam, ut Tacitus libro IV. refert, in Africa regeret. Aliam, si potes, causam affer, quamobrem cum sub Hadriano principe, a quo tamen Vicarii Africæ, alique sunt instituti, atque adeo & Consulares Numidiæ, Byzacique: cum illius, inquam, principatu nummi occurrant inscripti, AFRICA, & ADVENTVI. AVG. AFRICAE, & RESTITVTORI. AFRICAE: item MAVRETANIA, & ADVENTVI AVG. MAVRETANIAE, & RESTITVTORI. MAVRETANIAE: nulli tamen similes de Numidia, Byzacio, Tripoli, visi usquam fuerint. Annon ab Africa in Mauretanium per Numidiæ campos iter est? cur ergo nulli ibi similiter Hadriani nomine nummi percussi: nisi quod Africæ nomine Numidia tunc containeretur? ut sub Mauretaniæ appellatione triplex Mauretania, Sitifensis, Cæsariensis, Tingitana. Diceret ergo nummi artifex & auctor, non NVMIDIA, sed AFRICA RESTITVTA.

Quod si adhuc nihilominus ab eodemne magistratu, Proconsule scilicet Africæ, illis præsertim, quæ dixi, temporibus, utraque regio administrata fuerit, ambigis: perlege Taciti de Galba, Othone, & Vespasiano historias, quæ Africam, Mauretaniaque commemorant, de Numidia silent.

At iis adhuc haud dubie faves, qui restitutam Numidiam malunt. Idcirco enim *Babbenfes Numidiæ Tingitanæ* pag. 184. & 185. Neronis excusso jugo Galbæ partes secutos esse dicis, atque in ejus nummis Victoriæ insculpsisse, quæ dextra coronam gerat, ob Clodium Macrum scilicet in Africa interemptum. Dic sodes, unde Numidiam Tingitanam hausisti? Mauretanium dicere, opinor, voluisti. Sed quid Mauretania, sive Tingitana, in qua Babba fuit, sive Cæsariensis, Galbæ gratularetur ob Macrum interemptum, a quo neutram stetisse Tacitus admonet? cur de Macro potius, quam de hostibus universim devictis novo principi

gratularetur ex more ? Sed ad nummum, de quo lis est, revertamur.

- Te vero egregium fabricæ Hispanicæ in nummis dijudicandæ, atque adeo ab Africana discriminandæ arbitrum. Ubinam cum muliebri capite, quod averfam nummi aream obtinet, aliquod ex iis quæ ejusmodi capitibus in Africanis numinis adjungi solent, insigne Africæ ? qualia sunt a nobis olim commemorata: sive spicæ, quibus illius tractus fertilitas designatur, sive elephantinæ exuviæ, sive scorpius, sive leo. Atqui adjice iterum oculos cum dioptra & speculari: agnosce vultum in eo nummo describi femineum, plane similem ei, quem in Obulconis nummo, qui Regii cimelii est, multi nobiscum viderunt: est autem Obulco Hispaniæ oppidum, quod Pontificense cognominari Plinius ait: quem ipse vultum in Turiasonis nummo semel iterumque exhibes, pag. 108.
70. & 77. Turiaso autem ab urbe Numantia paucis admodum distat leucis. At tu, optime vultuum ac personarum judex, priore loco Agrippinæ senioris vultum, tametsi *fabricæ rudis* agnoscis: posteriore, Juliæ Augustæ. Quid ais ? vigilansne, an dormiens hæc scribebas ? cum sint inter se simillimi vultus duo, nec habeat Livia quidquam certe Agrippinæ simile: & ipsam Turiasonem, seu Turiasonis Genium, femineo vultu, ut plerumque fit, repræsentari, titulus ipse TVRIASO utrique vultui appositus edoceat: tamen alterum Liviae, Agrippinæ alterum pro arbitrato adscribis ?

- Plane horum simile caput muliebri in nummo Caligulæ, pag. 149. Norbam Cæsarianam indicat, ejusdem fere tractus civitatem: eadem certe fabrica, idem capitis tenor. Sed multo similis in eo nummo Galliæ Narbonensis, quem refert Patinus, in gente Æmilia, nos primi explicuimus pag. 110.
107. C.O.L. ex parte una exhibet: ex altera, C.A.B.E. hoc est, *colonia Cabellio*: quo in nummo Genius pariter civitatis exprimitur, capite muliebri, quale in Numantiæ nummo visitur: non, ut alibi, turritum illud quidem, sed nudum, cirris crinium inter se decussatim implicitis, usque ad occipitium: ubi geminam tergeminaeve in caudam divisi in humeros defluunt. Horum ergo cum simillimum sit ac plane geminum illud, quod in eo nummo cernitur, de quo contror-



versia est, quid cessas in eo pariter, non provinciam, sed urbem agnoscere? Numantiam videlicet, quam *Soria* nunc incolæ vocant, e Numantiæ veteris ruinis, ac juxta eam proxime Galbæ auspiciis excitatam. An plura enim argumenta desiderare quisquam possit, quæ hunc Numidiæ abjudicent, Numantiæ adferant?

## O

OEENSEM coloniam, non Æliam, ut existimas, sed Antoninam esse appellatam.

EST Antonini Pii nummus, pag. 247. ita inscriptus, C. A. O. A. F. hoc est, si te quidem audimus interpretem, *Colonia Ælia Oea Augusta Felix*: atque hanc interpretationem nobiscum ais olim a te communicatam. Nec mea voluntas profecto, nec consuetudo, nec natura fert, ut convitiis libenter utar: nec nisi ægre admodum parcemiam veterem suggero, quam Græce dicam, quo minus tibi molesta sit: Χρὴ ψευδῆ εἶ μνήμωνα. Negas pag. 281. fuisse nobis cum studiosis rei nummariæ sermonem aut commercium: dicis hoc loco fuisse tecum. Ubi, quandove vis tibi credi? Nescis deinde Logicæ tirones quid illaturi sint ex utroque illo antecedente? nempe, non esse te igitur rei nummariæ studiosum. Vel structa aliter argumentatione: Tu rei nummariæ studiosus: non habuit is, quem laceassis, cum rei nummariæ studiosis commercium: non habuit ergo tecum. Quandonam igitur id arcanum cum illo communicasti?

III.

Me negas ibidem varia cimelia explorasse: cujus incuriæ crimen ridicule conjicitur in eum, qui saltem Regium diligenter lustrarit: quod fecisse nos, cum esset in hac civitate, tum ex iis discere potuisti, quorum illud fidei ante annos quinque commissum erat: tum ex iis quæ in Amidensi nummo, pag. 27. aliisque scripsimus. Sed ecquid erat isto labore opus ad hunc nummum illustrandum, quem in cimelio nostro adservari monui, tum in libro de nummis, tum in priore Plinii volumine, quod multo antea fuit typis excusum? Atqui non excutiam hoc loco, ne animo esse videar tibi subirato, num

is sis qui possis quemquam docere : qua de re iudicium ex tuo opere facient eruditi. An tu vero cimelium San-Genove-  
fanum lustrasti , ut Antiquarium bene peritum decet ? qui  
dicas tomo 1. select. numism. pag. 51. ibi nummum exstare  
Trajani , sic inscriptum : TR. POT. VIII. IMP. IIII.  
COS. IIII. DES. V. P. P. Nam est nummus ille adul-  
teratus ab aliquo impostore : cujus fraudis exstant etiamnum  
vestigia. Cum enim prius scriptum in eo nummo esset ,  
S. P. Q. R. OPTIMO. PRINCIPI. adhuc super-  
sunt conspicuæ litteræ postremæ duæ , PI, quas doli archi-  
tectus non erasit..

Quod vero interim me a te de Oeenſi colonia accepisse  
criminariſ, considera, ſi me amas, teque, quid loquare. Sic  
enim habeto, id me ipſum quod dixi, nunc indictum cu-  
pere & velle. Neque enim, ut cenſes, COL. AELIA.  
legi decuit, ſed COL. ANTONINA, vel ANTO-  
NINIANA OEENSIS AVGVSTA FELIX.  
Tum quod A pro AE, quemadmodum diximus, ut Ælii  
nomen indicetur, ſive in nummis, ſive in marmoribus, pror-  
ſus reperire non eſt, & eſt contra regulas artis : tum quod  
ab Antonino id nomen accepit, cujus ſub nomine cuſus hic  
nummus eſt, teſtante Holſtenio in adnotationibus ad Orte-  
lium, pag. 134. viſum a ſe nummum ita inſcriptum, COL.  
AELIA. ANTONINA. OE A. AVGVSTA. Qui  
Holſtenii liber quoties a me laudetur in Plinianis notis  
qui obſervavere, exinde me potius nummi huius interpre-  
tationem furatum dixerint, quam a te fuiſſe mutuatum. At  
Antonino Ælii quidem nomen fuit, ſed cognomen Antonini  
peculiare. Quare ſi alterum dumtaxat e duobus inſculpi num-  
mo neceſſe ſit, ob areæ anguſtias, Antonini cognomen intelli-  
gnarique neceſſe ſit : ne ſi Æliæ nomen ponatur, ad Hadria-  
num potius quam ad Antoninum id cognomentum referatur.  
Habesne jam quod glorieris nobiſcum te quidquam boni com-  
municaffe : cum de hac ſolum re toto opere, hoc eſt, de er-  
rore communicato glorieris ? Cujus cauſa proſecto non tibi  
apud Oeenſes, ut olim Apuleio, quemodmodum narrat Au-  
guſtinus epistoſa quinta, ſtatua locabitur : ſed eruditorum  
ſenatui riſus dabis.

OLBIÆ ut nummos duos adscriberes, qui sunt Olbabenorum, neque qui Olbabenii essent, te nosse: & ex duobus oppidis unum conflasse.

GEMINUM eadem una pag. 210. tomi secundi nummum affers: alter Gordiani junioris Augusti, alter Juliae Mæse nomine insignitur. In averfa area Bacchum alter, alter Deum Lunum equo vectum exhibet. Epigraphæ prioris est, COL. OLBÄ.... reliquis exesis detritisve litteris. 112. Posterioris, COL. IVL. AVG. OLBABEN. Cui tu 113. porro oppido utrumque adjudicas? Olbiæ Pamphyliæ civitati: quam negas Olbiam recte appellari, cum Olbam nummi vocent. Atqui non Olbam, sed Olbabam vocant. Pamphyliæ vero oppidum, quod nunc designari putas, a Strabone, quem laudas, & a Ptolemæo libro v. cap. v. concordissime Ὀλβία, a Plinio nostro, libro v. sect. xxvi. Olbia nuncupatur.

At Stephanus Olbam ait, non Olbiam appellari. Sane: sed non illam intelligit, quam tu arbitraris. Frustra hunc igitur in partes trahis, & suffragium exprimis ab invito. Olbia Plinii, Strabonis, ac Ptolemæi, apposita litori est, in Lyciæ Pamphyliæque confinio. Quam Olbam Stephanus commemorat, in mediterraneo Pamphyliæ fuit. Ipsum audi, plures ubi refert ejus nominis civitates. Τετάρτη, inquit, Παμφυλίας, ὡς φιλόξενος. Οὐκ ἔστι ἡ Παμφυλίας, ἀλλὰ ἡ τῆς Σολύμων γῆς. Καὶ ὁ δὲ Ὀλβία, ἀλλὰ Ὀλβα καλεῖται. Καὶ οἱ πολῖται Ὀλβαῖοι.... Δέχεται ἡ Ὀλβηνός. *Quarta, Pamphyliæ, ut Philoxenus. Non est Pamphyliæ, sed Solymorum terræ. Neque Olbia, sed Olba vocatur. Cives, Olbæi.... Dicitur etiam Olbænus.* Negat Stephanus esse Pamphyliæ civitatem, quam commendat: tu asseveras: an igitur Stephanus tecum facit? Arcanum accipe.

Pamphyliæ gemina saltem fuit: altera ad mare inferior, superior altera ad Taurum montem. Hic Solymi coluere, sive Pisidæ: est enim Pisidia Pamphyliæ pars a mari remotior. Plinium nostrum audi, libro v. sect. xxiv. *Insident verticem montium Pisidæ, quondam Solymi appellati: quorum colonia*



*Cæsarea, eadem Antiochia.* Vides ergo situ magis locorum, quam ipso nomine, Olbiam ab Olba distare. Jam si Ptolemæum Stephanumque cum Plinio contuleris: & illum quidem Ὀλβασσα commemorantem tribus locis: primum in Pisidia, libro v. cap. v. cum Cremna colonia: rursum cap. vi. in Antiochiana præfectura: denique cap. viii. in mediterraneis oppidis Cetidis, quæ regiuncula Ciliciæ est, Antiochianæ præfecturæ contermina: quatuor tu mecum, quæ sunt perspicua, colliges.

Primum est, Stephanum, ut parœmia vulgari utamur, rogatum de cæpis, de alliis respondisse: quod cum apud Philoxenum legeret Olbiam Pamphyliae civitatem, litoralem scilicet, Straboni pariter, Plinioque, ac Ptolemæo memoratam: ipse hac prætermissa de Olba Solymorum, sive Pisidarum, sermonem fecit.

Alterum est, Olbam Stephani, quam Solymorum esse dicit, in Antiochiana præfectura positam videri: ubi, teste Plinio, colonia Antiochia in Solymis præcipua existit.

Tertium est, id quod Ptolemæo subinde familiare esse alias monuimus, nunc quoque eidem contigisse: ut ex uno eodemque oppido tria diversa struxerit: quem tu e diverso æmulatus, ex duobus unum conflasti.

Quartum denique ac postremum est, unius ejusdemque oppidi tria nomina existisse: Ὀλβα enim Stephano, & Concilio VI. Oecumenico, Ὀλβασσα Ptolemæo, neque illi solum, sed & in Notitia episcopatum Græca, ubi Pamphyliae secundæ adscribitur, cujus Perga metropolis est: denique in nummo, nisi legendo deceptus es, Olbaba nuncupatur. Sed ne crede nimium oculis, oro, tuis: adscititios adhibe: admove conspiciillum: & cave, ne cum ter apud Ptolemæum, ac denuo in Notitia, quam dixi, Ὀλβασσα scribatur, unus tu tot testibus temere mendacium exprobres.

Jam in eo nummo cur Deus Lunus depictus sit, frustra rogaveris, ea si relegas, quæ in Antiochiæ Pisidiæ nummis a nobis sunt prodita. Adjuvat de Olbabæ situ conjecturam Cremna colonia, a Ptolemæo in eodem Pisidiæ tractu laudata, quæ pariter atque Olbaba Juliæ Augustæ nomen præfert, in nummo quem affers pag. 115. in Elagabalo. Ita cassam

& futilem, quocumque te vertas, ac secum ipsam pugnantem, animadversionem istam tuam, cui ex Stephano patrociniū quærebas, de Olbia, quam & Olbam vocas, fateare necesse est.

## P

PATRENSI nummo quid desit, te non vidisse.

EST Agrippinæ nummus pag 166. cujus hæc inscriptio, COL. A. A. P. GENIVM. hoc est, ut nos sæpe indicavimus, *Colonia Augusta Aroë Patrensis*. Sed nummum haud dubie exesum vidisti: integrum si offendisses, legeres profecto, GENIVM. P. R. ut in Corinthiorum nummo admonuimus: quartumque casum, si scires, sæpe in nummis occurrere diceres, verbo subaudito, salutat, colit, similive alio. Sic præter exempla quæ plurima attulimus in eam rem, nummus Erythræorum in quem nuper incidimus, habet, ΑΥΤ. ΝΕΡΟΥΑΝ. ΤΡΑΙΑΝΟΝ. Sic & in epistolarum inscriptionibus haud raro: *Ennodius Armenio consolatoriam, mittit scilicet. Et Zosimus Episcopus commonitorium presbyteris & diaconibus, qui Ravennæ sunt.* Inscrip̃tio edita a Viro Clariss. & eruditione singulari prædito, D. Mabillonio, in Italico Itinere, pag. 33. ΛΑΜΠΑΙΩΝ. Η. ΠΟΛΙΣ. ΜΑΡΚΟΝ. ΑΥΡΗΛΙΟΝ. ΚΛΗΣΙΠΠΟΝ. ΤΕΙΜΗΣ. ΚΑΙ. ΜΝΗΜΗΣ. ΧΑΡ. *Λαμπαίων ἡ πόλις Μάρκον Αὐρήλιον Κλήσιππον ἡμῶς ἔ μνήμης χάριν. Lampæorum civitas M. Aurelium Clesippum colit, honoris & memoriæ causa.*

PATRENSIS coloniae nummum alterum a te inter incertos rejectum : qui & cusus est annis octo ferius , quam censuisti : in altero explicando tibi aquam hæsisse.

- T**IBERII nummo, pag. 132. quem tu inter incertos reponis, adjecta hæc in parte averfa inscriptio est,  
 115. PERMISSV. DOLABELLAE. PROCOS. C. P.....  
 Tu punctis additis mutilum esse nummum adesumque admones. Quin conjectabas supplendum fuisse, C. PATR. ac si vel eæ solum litteræ duæ forent, C. P. ut pag. 177.  
 116. & 178. coloniam Patrensem oportuisse intelligi ? ac Dolabellam demum in Achaia tunc pro consule fuisse ?

At in Africa, inquis, Dolabella Proconsul fuit eo anno. Quo ? Ab Urbe condita, sic enim mones, DCCLXXVI. Quis auctor ? Tacitus, libro IV. Annalium. At ille eo loci, cum res gestas describit, Corn. Cethego, Visellio Varrone Coss. *eius anni Proconsulem Dolabellam* fuisse docet. Anno igitur DCCLXXVII. Sed sit annus ille, quem designas: non fuit igitur Dolabella in Africa Proconsul, quo anno cusus hic nummus est, quo de agitur. Nam quæ ejus nummi inscriptio est, ipso referente te ? TI. CAE. DIVI. AVG. F. AVGVST. COS. IIII. Atqui Tiberius quartum Consulatum iniit anno solum DCCLXXXIV. æræ Christianæ vulgaris XXXI. qui in descriptione Consulum adscripta Idatio inscribitur, *Tiberiano Cæs. IV. solo*: nam in MS. semper *Tiberiano* pro *Tiberio* legitur. Nec ante eum annum igitur cusus hic nummus est, Dolabella non jam in Africa, sed in Achaia, proconsule: & a vera temporum ratione annis octo aberrasti. Haud levior paulo lapsus alter, quo inscriptionem, a Sponio repertam in Dalmatia, refert ad annum DCCLXXII. cum Tiberius, inquis, esset designatus Consul IIII. Est illa hujusmodi. TI. CAESAR. DIVI. AVG. F. AVGVST. IMP. PONTIF. MAX. TRIB. POTES. XX. COS. III. DESIGNAT. IIII. LEG. XI. P. CORNELIO. DOLABELLA;



LEG. PROPR. At ne Consulatum quidem tertium iniiit ante annum DCCLXXIV. Quartum, ut diximus, gessit anno DCCLXXXIV. Itaque hæc inscriptio facta est anno DCCLXXXIII. cum designari mos esset Consules ante menses aliquot quam inirent magistratum. Vide quot in hoc nummo explicando errata admiseris, & quam gravia.

Verum in altero ejusdem coloniae nummo quanto dilucidius liquet, ubi nemo præeat, ut vel omnino hæreas, vel infeliciter cespites? Nam in nummo Neronis, cujus hæc est epigraphe, pag. 178. C. P. CLEANDRO. P. Q. II6. CO. DO. postquam priores litteras expediisti, *Colonia Patrensis, Cleandro*, hæres deinde, & obmutescis. At nunc ego tecum communicabo lubens id arcanum. Lege, *Cleandro perpetuo Quinquennialitio corporis dolabrariorum Coloniae Patrensis*. Quid frontem hic caperas? Corpus dolabrariorum aïo, cujus perpetuus Quinquennialitius Cleander fuit, Neroni statuas locasse, qualis in nummo pingitur, in colonia Patrensi. Vidisti apud Gruterum, pag. CXXVI. inscriptionem antiquam? ORDO. CORPORATOR. QVI. PECVNIAM. AD. AMPLIAND. TEMPLVM. CONTVLER. Et mox: QVINQ. PERPETVVS. C. SOSSIVS. BENEDICTVS. Huic alterius fragmentum adijce, ex pag. CCCLVIII, 6. quod in stylobata legitur: CENTVRIA. CENTONAR. DOLABRAR. SCAL'ARIOR. L. D. D. C. hoc est, *locus datus decreto collegii, vel corporis*. Adde & ex basi, cui statua Constantini M. imposita, apud Gruterum, pag. CCLXXXIII. CORPVS. CORIARIORVM. &c. Ex his intelliges, & statuas, aliaque monumenta, in honorem principis a corporatis statui solita esse: nec aliam fuisse Cleandri præfecturam. Horum Quinquennialium, sive Quinquennialitiorum frequens ibidem mentio: veluti collegii fabrorum Ostiensium, pag. CCCLVIII, 1. collegii fabrorum tignariorum, pag. CCCCXXXV, 8. corporis marmorariorum, pag. CCCCCLXXXIII, 8. corporis negotiantium Malacitanorum, DCXLVII, 1. corporis piscatorum & urinatorum, pag. CCCXCI, 8. PATRONO. CORPORIS. PISCATORVM. ET. VRINATORVM. QQ. III. EIVSDEM. CORPORIS.



Constantino *cognominem*. Tametsi postea, a Theodosii præfertim junioris principatu, regia urbs nova Roma, atque, ut diximus, imperii genitrix existimata est. Quæ obiter haud abs re indicari tibi a nobis tunc intelliges, cum BYZANTIŌN nummos illustrabis : ne cum viris doctis aberres, quos secus sentire deprehendimus : atque idcirco de Metrophane Byzantio ea interpretari, quæ de Silvestro Romano Eusebius prodidit.

At cum omnibus imperaret urbibus Roma vetus, alio sensu plurimarum fuisse speciatim metropolim, coloniis eo deductis, nihilo minus exploratum est. Fuere autem illæ coloniæ duum generum, quod tu nescisti ex ipsis disci posse nummis. Aliæ jure civium Romanorum donabantur, aliæ solo jure antiquo Latii, quod & Italicum postea dictum est, cum universæ Italiæ fuit impertitum. Solvebant Itali Romanis ante Augusti principatum vectigal, ut reliquæ provinciæ : id ille sustulit. Quibus autem jus Italicum communicatum est, aut jus coloniæ, non eadem continuo concessa immunitas est. Quibus est denegata, his jus Italicum negatum a Jureconsultis dicitur, Celso, Gaïo, Paulo, Ulpiano, libro L. Dig. tit. xv. de censibus : quoniam jus Italicum illi eatenus dumtaxat spectavere, qua immunitatem a censu & tributis habet. Sic enimvero Cæsaream Palæstinæ, & Æliam Capitolinam jure Italico frui negat Paulus J. C. Quibus vicissim data est, etsi Romanæ coloniæ forent, hoc est, jus haberent civium Romanorum, jus Italicum his impertitum eadem de causa illi ipsi dixere, tacito altero civium Romanorum jure : ut de Antiochia Pisidica, Philippis in Macedonia, & Troade prodidere : quod de jure civium Romanorum nihil erat causæ cur mentionem facerent. Jus illud ceteroqui fuit, ut coloniæ civibus, perinde ac Romanis ipsis, in Urbe petere ac gerere magistratus liceret : quo qui Italico tantum jure in provinciis donabantur, omnino caruere. His enim solummodo licuit in bello cum Romanis legionibus militare, ibique honoribus magistratibusque fungi : quod jus Latii vetus fuit, sive Latinum antiquitus. Immunitatem coloniarum nummi non docent : jus Romanorum civium quæ haberent, quæ dumtaxat Italicum, ut nunc aperiam, docent.



Quæ igitur coloniæ, vel municipia, lupam habent insculptam in nummis cum Romulo & Remo, ut colonia Damascena : hæ coloniæ Romanæ, ( nam sic Plinius Troadentem vocat : ) hæc municipia civium Romanorum, ut idem sæpiissime. Eam enim ob causam insigne Urbis Romæ, & jus suum palam ostentant. Quæ non habent, jure tantum gaudent Italico. Atque ut e multis pauca commemorem, ullumne vidisti sive coloniæ alicujus, sive municipii in Hispania, ullumne coloniæ Cæsareæ in Palæstina, Æliæve Capitolinæ, aut Beryti nummum, cui lupa esset cum gemellis insculpta? Plane nullum: cur? quoniam non erat his concessum jus civium Romanorum: sed erant juris dumtaxat Italici, sive Latini, præter Hispalim, ut dicemus.

Quodnam vicissim, inquires, coloniæ aut municipii juris Latini insigne exstitit? In nummis certe nullum: nam quid attinebat tam exiguo jure gloriari? Itaque istud ibi neglectum: nisi legio subinde notata, in qua militare Latino jure donatis licuit, ut supra diximus, pag. 37. & 38. Sed idem tamen expressum alibi. Ecquod illud fuerit rogas? Sus fuit, ut ex Hieronymo discimus, in chronico, ad annum xx. Hadriani, quo anno absoluta Æliæ Capitolinæ ædificatio est. *Ælia*, inquit, *ab Ælio Hadriano condita: & in fronte ejus portæ, qua Bethleem egreditur, S V S sculptus in marmore, significans Romanæ potestati subjacere Iudæos.* Cur ibi fuerit scalpta sus, aliud alii ariolantur: tu non Romanæ modo ditionis, sed & Latinæ conditionis coloniam ex eo intellige: diversumque insigne Urbis, ab insigni Latinorum. Audi Maronem, *Æneidos* VIII, 43.

*Litoreis ingens inventa sub ilicibus S V S,*

*Triginta capitum fetus enixa, jacebit:*

*Alba, solo recubans, albi circum ubera natæ.*

*Hic locus urbis erit, requies ea certa laborum:*

*Ex quo terdenis urbem redeuntibus annis*

*Ascanius clari condet cognominis ALBA M.*

Hodieque in civitate Albana, quæ in veteris Albæ locum successit, supra portam, qua Romam iter est, sus scalpta cum porcellis cernitur. *Omnes autem Latini ab Alba oriundi sunt*, ut Tarquinius Superbus in concilio Latinorum dixit, teste

teste Livio, lib. I. Ex quo simul, atque ex Dionysio Halicarnasseo, lib. III. intelliges, tricenis illis fetibus, quos Maro commemorat albos circum ubera matris, xxx. colonias Latii veteris designari: tametsi a Varrone decepti aliud hoc loco interpretes comminiscuntur. Similis Festi aberratio, cum ait: *Porci effigies inter militaria signa quintum locum obtinebat: quia confecto bello, inter quos pax fieret, caesa porca fœdus firmari solebat.* Fallitur: non ea causâ fuit: sed propterea quia in acie permixti Romanis, quorum erat aquila propria cum signis aliis, Latini dimicarent, sub signo suis, quæ Latino- rum originem ab Alba indicaret.

Emenda igitur, quod in nummo Troadis refers, sub Com- modo, pag. 318. *Lupæ ubera Romulo & Remo præbentis typus, coloni-um insigne*: neque enim omnium coloniarum id fuit: nedum municipiorum omnium, ut affirmas in L. Vero, pag. 285. Et quod proxime adjicis in Troadis nummo, quem diximus, si sapias, expunge. *Romulus*, inquis, *& Remus ab Ænea Trojano ortum ducebant, ut canit Virgilius, Æneid. I.*

*Ilia Mavortii peperit te, Romule, eodem*

*Æque Remum partu, Romæ qui mœnia condis.*

Atque saltem si diceres, pro æque, vati tuo, quicumque est ille, non turpem solœcum impingeres. Virgilio autem quo tu ore hos versus adscribis? nisi forte alicujus cujuspian Virgilii sunt, alteriusque Æneidos, quæ nondum lucem viderit: tuisque adhuc in scriniis condita delitescat.

Sed palinodiam præterea canes eorum; quæ ante annos ferme quatuor, tuo, ut ad nos fidissimi testes retulere, tui- que tunc egregii paris hortatu atque dictatu, adversum nos conjecit, consiliorum tuorum ignarus, Auctor Nunciorum Reipublicæ Litterariæ in Hollandia: scribesque ad eum, cautior deinceps ut sit, alienæ invidiæ ac maledicentiæ ne se præbeat administrum. Fraudem se tamen ille passum a vobis postea intellexit: & visus est quidem velle operam dare ut id omnes intelligerent: cujus rei gratiam ei habemus. Tamen reperti in eo ipso tractu rursus alii, qui nostra in- venta corroderent maligno dente. Istos uti noscas dabo nunc obiter operam, ne si cum his societatem adversum nos clancu- lum ineas, causam tuam idoneis commisisse te patronis putes.



Auctores intelligo Bibliothecæ Universalis : audio enim plures eidem illi opellæ insudare. At quam infeliciter, facies mox ipse iudicium : exclamabisque cum Hieronymo, Artes felices, si de his soli artifices iudicarent. Plinius libro xxxv. sect. xl. num. 32. pag. 234. sic habet ex emendatione nostra. *Alcimachus Dioxippum*, nempe pinxit, qui *pancratio Olympia* ( non *Olympiæ*, ut illi eruditi scribunt, ) *citra pulveris tactum*, quod vocant *aconiti*, vicit : coniti, *Nemæa*. Diximus ad eum locum in Notis & Emendationibus, ita belle ludum ludo, victoriæ victoriam opponi, cum Olympiis *Nemæa* Plinius confert, & facili ac sine pulvere victoriæ alteram laboriosius comparatam. In libris hæctenus vulgatis legi, *Cænus scammata* : at neque pictoris nomen esse *Cænus*, nec satis idoneum picturæ, quale hic requiritur, argumentum, scammata. Multo vero minus *scammata*, quæ Salmasius hoc loco obtrudit, in Exercit. ad Solinum, pag. 36.

Hic nostri Bibliothecæ Universalis concinnatores negant in Aprili mense anni superioris MDCCLXXXVII. pag. 18. *κονιτι* perinde atque *ἀκονιτι* Græce dici. Quid ita ? quoniam Salmasius Magnus ita edixit. Intelligant nunc isti autem iterum Salmasii buccinatores, quod jam in nostra dudum ad Plinium præfatione monuimus, tum ejus viri diligentiam plurima fugisse, tum locum illum in primis Etymologici magni : quem prius illis indicare haud licuit. Hunc porro si ad hos homines miseris, inibis gratiam ab iis haud sane mediocrem : ac pro vice officii, id te consecuturum, ut maledicta in nos, quæ suggererint invidi aut imperiti, describant, & in vulgus spargant, spondemus, nostramque, si cupis, fidem interponimus.

Ἀκονιτι αἰὲς πόνου ἔ το ἐναπτόν, ἐγκονιτι μὲ πόνου. καὶ τροπήν ἔ πε εἰς κ, ὁπονιτι ἀκονιτι ἰωνικῶς, ὡς τὸ πῶς, κῶς. πότε, κότε. Ἀπὸ ἑ κόνις KONITI. καὶ ἀκονιτι, αἰὲς ἀκῶνθ καὶ μάχης. ὅκ μεταφορῶς τῆς ἀθλητικῆς, τῆ δυνάμεως θεωρηνομένων, ὥστε μὴ κοίνασθαι, τετετιν κόνιν ὑπασσάσθαι. Τοῖς γὰρ παλαιόνοισι λέγει ὅκ τῆ βίας ἰδρῶτα γίνεσθαι, εἶτα κόνιν τῇ χερσὶν ἀναλαμβάνειν. ἢ ἀκονιτι, τὸ ὀχερῶς καὶ συτόνως. ὥστε μηδὲ κοινορτόν ἐγείρεσθαι. Unum istud porro speciminis instar indicavimus, unde intelligas, nos nihil tale merentes ab his lacerari. Superfedemus pluribus



quæ obijciunt coarguendis : tum quod id est alienum hoc loco : tum quod sunt cetera digniora quæ spernantur , quam ut in his refellendis bonæ perdantur horæ. Igitur ad te redimus.

## S

SIDONIORUM in nummis quæ appellari certamina perpetua oportuit , portentoso & inaudito nomine periodonica te dixisse.

HABENT hanc epigraphen quatuor apud te Sidoniorum nummi , tomo posteriore : duo sub Elagabalo , pag. 131. totidem Annæ Faustinae , quæ Elagabali uxor , pag. 152. 117. CERT. SAC. PER. OECVME. ISELA. Hoc est , te interprete , *Certamina sacra periodonica œcumenica iselastica*. Quæ iselastica & œcumenica diceretur , brevius ac melius quam tu , indicavimus in libro de nummis , pag. 192. Periodonica , fateor , ignota nobis plane fuerant ante hunc diem. Si quid igitur recti ac sani doces , non erimus ingrati , beneficium agnoscemus.

Periodonica jubes intelligi certamina , adeo celeberrima , sic enim dicis , ut ad ea victores periodo omnium sacrorum certaminum admitterentur. Periodo vicisse , ex Festo Pompeio ( quem cur Pompeium vocasse , in indice erratorum tuorum te poeniteat , ut Pomponium appelles , non video : ) periodo , inquam , vicisse eum , qui Pythia , Isthmia , Nemea , Olympia vicerit. Periodonicas denique appellari , ex Athenæo , qui decies vicissent : ex Julio Polluce , qui decies septies. Nam ille quidem de nescio quo , ἐνίκησε ἢ τὴν περίοδον δεκάκις , inquit. Iste , ἐπὶ ταῖς ἀγῶνις ἢ περιόδους αἰείλετο τῶν στεφανιῶν ἀγῶνων. At hujus tuæ præclaræ doctrinæ , ut lenissime dicam , quot capita , tot errata. Primum enim , ad hæc certamina non victores solum , sed & qui ne semel quidem vicissent , ex omni orbe sunt invitati , id quod œcumenicorum ludorum appellatio indicat. Deinde , qui periodo vicissent , hoc est , περιόδονικας , quod ex Polluce & Athenæo non appellari solitos eo nomine

colligas, nisi qui sapius victores periodo fuissent, dici meo quidem iudicio absurdius nihil potest: cum ~~περίοδος~~ <sup>περίοδος</sup> ~~verixnέται~~ cum quoque qui vel semel quadrigemino illo genere superior extitisset recte dici haud obscure iidem significant. Periodonice porro quique fuerint, quis periodonica ex eo vocabulo certamina, si sobrius sit, vel si Græcas litteras summis, ut aiunt, labris degustarit, nuncupari putet posse?

Vides ergo non te jam unius, sed multiplicis noxæ multam debere. Sed rogas vicissim quemadmodum legendum sentiamus. In hunc modum, si nos audis: qui nihil astutum, nihil adeo abstrusum aut reconditum cogitamus. *Certamina sacra perpetua œcumenica iselastica*. Nihil simplicius, nihil certius. Cave tamen credas Scaligero nos eam interpretationem debere: qui in Gruteri indice, PER. AVG. *perpetuus Augustus* interpretatus sit. Nam is eo loci non leviter allucinatur: cum eam inscriptionem quam laudat, pag. CLVII, 6. IMP. CAESAR. F. PIVS. SEVERVS. PER. AVG. reddi oportuerit, *Severus Pertinax Augustus*. Ut autem œcumenica certamina sunt, quia orbi toti patentia: sic perpetua, quoniam & quotannis celebrata: non trierERICA, non pentaËTERICA, non sæcularia, sed anniversaria, & in omne ævum duratura.

SINOPENSIS colonia cur Romana sit appellata in nummis, falsam a te causam afferri: deductamque eo coloniam annis amplius xx. serius quam putasti.

118. **I**N Hadriani nummo, pag. 232. insculptæ hæ litteræ, C. I. F. S. A N. hoc est, *Colonia Iulia Felix Sinope*. Anno..... Quo tu deinde loco, *A Lucullo*, inquis, *colonia facta est*, teste Strabone, libro XII. Νουὶ ᾗ & Πομπηίων Σπονδίας δέδωκε. *A quo tempore modo æram in nummo Gordiani Pii computat, ubi colonia Romana & Iulia inscribitur: in aliis vero, ubi Iulia tantum dicitur, epocham ab anno DCVI. sub Iulio dinumerat, quod primum a Lucullo deducta sit, & a Iulio colonis iterum frequentata. Si tibi quæ placent, fingere pro arbitrato fas*

est, antiquos jam Sardos adæquas, qui quæ volebant, somnare olim dicebantur. Neque enim Strabo coloniam a Lucullo deductam dicit, aut dicere vere potuit: sed suo tempore, (scribebat is Tiberii principatu,) coloniam jam excessisse. Quin nos audiebas, cum pag. 456. operis nostri de nummis antiquis moneremus, priorem Sinopensium æram cœptam numerari anno Urbis Romæ DCLXXXIII. Cn. Pompeio Magno, M. Licinio Crasso Coss. quo anno Mithridate pulso, Ponticæ civitates Lucullo cesserunt? quin hac in re acquiescebas? cur etiam factam a Lucullo coloniam affirmasti? aut quo id auctore didicisti?

Tu etiam ante nos, inquis, pag. 214. in Gordiano, has litteras, C. R. I. F. S. interpretatus es? Dic, amabo, non Patinus ante te istas C. I. F. SINOPE. in Geta, pag. 317. explicuit? Quis igitur labor fuit, sive tibi primum, ut gloriaris: sive nobis absque tuo vel cujusquam indicio, ut asseveramus, insertam litteram R, *Romanam* exponere, ubi colonix vocabulum antecedit? Sed interest plurimum, a quo id temere, a quo considerate fiat. Tu igitur quam causam affers hujus nomenclationis? Sinope se vetustissimam Romanorum in Asia coloniam hac voce gloriatur, inquis. Ut mitissime dicam, nihil hic plane vides. An colonix vetustatem ea vox magis, quam novitatem, declarat? Colonia Romana cur dicatur, probabilem asserre causam, hoc opus, hic labor fuit. Discere autem nunc potes ex iis quæ superius diximus: nempe quod fuerit ei civitati impertitum olim jus civium Romanorum. Accepit hoc beneficium a Lucullo: ex eo se Romanam indigitat. An idcirco jam tum colonia fuit? Ita tu quidem affirmas: aisque deductos co-bis esse colonos, a Lucullo semel, iterum a Julio Cæsare. Falso. Fuit enim, Appiano teste, libro de bellis Mithrid. pag. 227. libertate donatum a Lucullo oppidum: Λεουλλὸν ἡ πόλις αὐτὸς ἐλευθέρων ἤφει. An tu coloniam adhuc liberam esse aliquam defendis? nec tuum illud commentum superius in Cæsariensium Palæstinæ nummis eversum? Colonia igitur primum facta est, anno DCCVI. a Julio Dictatore: hoc est, annis amplius viginti post Luculli victorias: cum prius esset municipium liberum civium Romanorum. Nam ante Julii dictaturam



ostende, si potes, coloniam Romanam Sinopen fuisse appellatam. Ab anno igitur eo, quem diximus, appellata est colonia Romana: quod jam civium Romanorum prerogativa potiretur. Quam similiter ob causam a reliquis Hispaniarum coloniis, de quibus paulo ante dictum est, forte Hispalim eximendam esse monuimus, quæ COL. ROMVLEA appellatur in nummis: apud Gruterum, IVLIA ROMVLEA, a Julio Cæsare, ut monet Isidorus, libro xv. Orig. cap. 1. Forte excipienda & Lugdunensis, quæ apud Goltzium, COL. ROM. LVGD. inscribitur. Dic ecquid horum tibi suboluerit, quod sim ex te suffuratus: dic ecquis omnino nobis hic præverit: dic quamobrem nihil horum attigeris, cum de coloniis Romanis dicturum te esse in ipsa libri fronte proficere?

## T

TYRIIS nummis duobus impressa symbola te longe secus atque oportuit explicuisse.

119. **D**IDONEM aïs pag. 252. tomi secundi, in nummo cælatam, quæ viro primario uni, tribus aliis comitantibus, urbis Carthaginis a se olim condendæ ichnographiam porrigat: in eamque rem illam Justinii historici vocem affers, *Fugam tacite molitur, assumptis quibusdam principibus in societatem.* Hanc iconem a Tyriis adumbratam adjicis in Philippi Imp. gratiam, cujus vultum numisma præfert, quod is Philippopolim haud procul a Tyriis, condi juberet. Quæ omnia, ut breviter ac moderate dicam, ἀνίσταται & ἀΐεται sunt. Quid enim Philippopolis ad Tyrios? quam deinde intempestive, quam frigide porrigi a Didone fingitur descripta lineis oppidi forma, cum situs adhuc loci nescitur, quo fuga paratur? quid deinde Carthagini a Didone in tabella designatæ, cum Philippopoli ab Imperatore condita? Nihil horum, o bone, nummus repræsentat. Genium exhibet populi Romani, qui libellum immunitatis senatoribus, sive decurionibus coloniarum Tyriorum porrigat. Sic in Volusiano, pag. 323. Tyriæ ipsius coloniarum genium, quem præter insigne capitis adjacens purpuræ
- 120.

concha designat, cum Tyrii agri rusticanis hominibus similis immunitatis diploma communicat. Nihil simplicius aut verius dici potest : nihil debet astutius cogitari. Te autem quoniam scribis meditari lucubrationem in Græca numismata, in Tyriorum nummis ne allucinere, libenter hic commonebo. Nam cur tibi hoc non gratificer, pro tot egregiis, quibus nos onerasti, monitis? ΤΥΡΑΝΩΝ, inquam, si nummos habes, sub Antonino Pio, Severo, Julia Domna cufos, vide ne ad Tyrios, vide ne ad Tyranos Ponti Euxini incolas referri putes oportere. Ad *Tyriorum* illi spectant, Pifidiae oppidum, cujus in Notitia Ecclesiastica, & in Concilio Calchedonenfi mentio est. Quam istud autem benevole consilium damus, eo tu tam libenter utere.

## V

VALENTIÆ Hispanicæ quem nummum adscribis,  
ad Africanam hunc spectare.

**P** A. G. 5. Julii & Augusti facies expressa in nummo, cujus 121.  
aversa area navim prætoriam exhibet, cum his litteris C. I. V. Fabrica sane rudis, & ut tibi quidem videtur, Hispanica: nobis prorsus Africana est. Vidimus enim, tractavimus, inspeximus: intelleximusque tandem ad coloniam Juliam Valentiam spectare, quam Augusti coloniam in Tingitana Mauretania Plinius appellat, Banasam barbaro nomine, quam amnis Subur præterfluit. *In mediterraneo*, inquit, *altera Augusti colonia est Babba, Julia Campestris appellata: & tertia Banasa, Valentia cognominata. Amnis Subur præter coloniam defluens, magnificus & navigabilis. Ab eo oppidum Sala, jam solitudinibus vicinum, elephantorumque gregibus infestum, &c.* Augusti ea quidem colonia est, tamen si Julia dumtaxat appellatur, ut proxima ei C. I. B. Colonia Julia 20.  
Babba, sic & C. I. V. Colonia Julia Valentia: nam & characteris forma in utroque nummo simillima. Et in Cartennæ nummo, quæ Mauretaniæ Cæsariensis colonia fuit, Jubæ pariter ditionis, ac superiores duæ, C. I. C. Colonia Julia 32.

Cartenna. Ex quo discas ejusdem tractus hos nummos esse, quorum forma adeo similis. Antiquum vero Banasæ nomen reticetur in Valentia nummo, novum adoptatur unice & anteponitur: ne cum vicina Babba confundatur, cujus nummi initialibus iisdem litteris aliqui consignarentur. Sic coloniam Romuleam Patriciamque, prætermisso Hispalis & Cordubæ proprio nomine, nummi repræsentant.

Quam mirifice constabiliunt nostram hanc observationem alii nummi duo: quos quamobrem prætermiseris, nihil causæ video, cum sint ambo ejus coloniae, ambo cimelii Regii, & iidem a Patino vulgati, in libro de numismatis Imperatorum?

122. Alter pag. 18. cornu copiae exhibet, inscriptumque latere dextro nomen VALENTIA, lævo litteram S. In area autem nummi postica caput muliebre, cum eadem rursum
123. littera S. Alter est M. Aurelij, pag. 234. inscribiturque, COL. IVL. VALENTIA. In eo vir nudus stat, cum thyrso, atque panthera. Adde his & tertium, quem Oiselius
124. edidit, Tabula xxxi, 6. VALENTIA, cum gemino cornu copiae, cujus in ore quidem fructus insculpti, qui in eo tractu proveniunt: in acumine, scorpionis caput insertum: dextro latere elephantina proboscis summo artificio designatur. Dic jam, amabo, panthera & scorpius, oramne Hispaniae, annon potius internas Africae solitudines indicant? Quid elephantina proboscis denotat, nisi quod Plinius ait, tractum illum Valentiae proximum, elephantorum gregibus infestum esse? Littera S quæ in utraque nummi alterius area visitur, nisi Suburem amnem significat, qui Valentiam præterfluit, magnificus & navigabilis, & annonæ convehendæ idoneus, quam cornu copiae designat: quid aliud significet, edoce & communica: discam a quocumque perlubenter: a te vero avidissime: ac pro minervali dicam vicissim, navi prætoriae, quæ in isto cernitur, quem præ manibus habemus, expeditionem Africanam Augusti, Ægyptiacamque eo anno factam designari: perinde atque tum in isto, tum in nummo coloniae Nemaufensis, palmæ ramo, Ægyptus in provinciam redacta notatur, ut vulgo creditur.



VALENTIÆ ejusdem Africanæ esse nummum  
inscriptum COPIA, quem cui tribuas  
incertus hæres.

SIMILLIMUS superiori nummus inscriptus COPIA,  
pag. 6. eorundem Cæsarum facies, navis præterea eadem:  
litteræ tantum diversæ: nam pro C. I. V. in isto COPIA 126.  
legitur. Tu Tristanum interea rides, qui ad Thurium Magnæ  
Græciæ urbem retulit: & nos, qui olim ad Lugdunum Gal-  
liæ. Quam nostram conjecturam quot argumentis videri  
poteramus egregie constabilivisse? Inscriptioe tergemina  
scilicet Gruteri. Prima, C. C. C. AVG. LVG D. *Colo-  
nia Copia Claudia Augusta Lugdunensis*. Altera: C. C. COL.  
LVG. *Claudia Copia Colonia Lugdunensis*. Tertia, qua prio-  
res illustrantur: COLON. COPIAE. CLAVD. AVG.  
LVG D. Quo tu ista autem infringis ariete? plane nullo: sed  
nec commemoras quidem: & verbulo tamen uno, *frustra*,  
difflasse te ac disjecisse omnia arbitraris. Nec certi quidquam  
nihilominus ipse constituis: sed vel ad Valentiam Hispanicam  
revocandum putas, aut novo commento interpretandum,  
disjunctis litteris singulis, *Colonia Octavianorum Pacensis Iulia  
Augusta*. Tu videlicet fabricæ nummorum egregius æstima-  
tor, nunc istum rudis esse formæ, atque etiam Hispanicæ  
putas, nunc deliberabundus inquiris, an ad oppidum Nar-  
bonensis Galliæ ultimum, ac proximum Italiæ, ablegari opor-  
teat. Ad Valentiam ille, mihi crede, sed Africanam, spectat,  
de qua dictum est proxime: nam ita mira amborum inter se  
similitudo persuadet: tametsi nos aliter olim tum de isto, tum  
de superiore sensimus. Dictam autem esse idcirco COPIAM  
arbitramur, quod ut pridem de Lugduno aiebamus, ibi copiæ,  
hoc est, horreæ & apothecæ forent, in quibus militaris an-  
nona conderetur. In vetere inscriptione mentio fit præfe-  
cturæ cujusdam, A COPIIS MILITARIBVS. Et  
cum esset ea regio sane limes Tingitaniæ, non potuere oppor-  
tuniore loco recondi instrumenta belli & copiarum alimenta.

UTICENSIS nummi unius quam affers interpretationem emendandam esse: in tribus ejusdem oppidi quiddam quod te fugit adjiciendum fuisse.

127. **T**RES in primis affers Uticensis municipii nummos sub Tiberio, Primum, pag. 128. C. VIBIO. MARSO. PR. COS. III. C. CASSIVS. FELIX. A. II VIR. DD. PP. Alterum, pag. 129. C. VIBIO. MARSO. PR. COS. III. C. CAELIVS. TAXILLVS. A. II. VIR. DD. PP. Tertium, pag. 130. C. VIBIO. MARSO. PR. COS. III. C. SALVSTIVS. IVSTVS. II. VIR. M. M. I. V. Atque in duobus quidem prioribus has notas A. II. VIR. *Augur*, vel *Augustalis Duumvir* interpretaris: cum neutrum hoc loco aptum sit: sed *Ædilis Duumvir* legi necesse sit. Sic apud Gruterum, pag. CLXXII, 13. M. DOMITIVS. M. F. PRISCVS. Q. A. IIII. VIR. A. P. AVGV. *Marcus Domitius Marci F. Priscus, Quæstor, Ædilis, Quatuorvir, Ædilitia potestate, Augur.* Et hi Uticenses Duumviri Ædilitia potestate fuere, cum essent Duumviri designati tantum, nec magistratum adhuc iniissent.

Quare, quod tu attingere ausus non es, disce exinde quamobrem tres sub uno Vibii proconsulatu tertio Duumvirum nomen in nummis obtineant. Nam qui duo designati essent dumtaxat, cum magistratu nondum potirentur, non cum municipio integro, sed cum decurionibus, quorum e corpore fuere illi, statuam Livie posuere. Qui magistratum autem gerebat, cum municipibus, seu civitate omni. Quamobrem in tertio dumtaxat numismate legas, *Municipes municipii Iulii Uticensis*: quibus Duumvir scilicet ducatum præstaret. In duobus aliis designati, ut diximus, ad anni proximi duumviratum: quos si Augures, vel Augustales, sculptor vellet intelligi, A V. non A. exhiberet.

Sed satis superque hætenus litium atque rixarum: vel potius, nec sum enim litigiosus aut rixosus, satis admonitionis. Nam qui finis erit, si cuncta persequar? Paucis ergo

contenti sumus, quæ si tibi otium erit, enumerabis. Quamquam veremur, ne vitio nobis & crimini vertas, te sæpius multo a nobis pulsatum esse, quam fuerimus a te appetiti: sæpius te in jus vocatum, quam tu nos appellaris: appellasti enim non trecenties, ut eras olim pollicitus: sed tantum, ut ex indice tuo apparet, quadragies fere tomo prior: posteriore, sexagies sexies: nec tantus etiam numerus exstaret, nisi sæpius rem eandem objiceres. In quo dignum etiam risu quiddam accidit, quem continere ipse non potui: cum ad paginam 228. tomi prioris lectorem remitti in eo Indice vidi, ut ibi aliquid de Harduino disceret. At nihil ibidem occurrit, nisi Hardianus Imp. pro Hadriano scilicet: quem qui tibi operam locavit, tuo afflatus genio, Harduinum esse ibi quoque putavit, in Indicemque cum Harduini nomine præpropere retulit.

Quando ego adeo de te male meritus? qua in re te pupugi? quid stomachum movit? cur in me, qui leviuscula, te teste, peccavi, quam in ceteros, qui gravioribus multo capti erroribus fuere, durior exstitisti? Si animus esset contumeliam contumelia propulsare, dicerem quod forte subirator amicus ille noster, a quo sum ad scribendum incitatus, aiebat: opus illud, quantum quantum est, quod pro xeniis superioris anni, post tot annorum sudores, publici juris fecisti, adeo jejunum exsuctumque esse, nullius ut anni proventus jejunior exstiterit: nulla ut sit lucubratio de hoc argumento dignior quæ tenebris addicatur.

Causam ille in primis geminam sui illius fastidii afferebat. Alteram, quod in gemino illo volumine, cum sint nummi sane plurimi, tamen plerique sunt obvii, triti, vulgares, si eruditio spectetur: ad quam promovendam nulli prorsus utiles, quam quos hoc libello excutimus, ac repræsentamus: hoc est, præter eos, in quibus explanandis cæcutiisti: prorsus ut nihil boni in tam spisso opere inesse jurejurando confirmaret, nisi quod tu pessimum interpretando faceres. Altera causa fuit, quod scatet opus observationibus innumeris, prorsus ab argumento alienis: qualis, præter indicatam antea a nobis de Flaccorum cognomine, & ista est tomi prioris, pag. 322. *Chrysippus Apollinem dictum ait ab α, τὸ ἀνδρ, id est, non, particula privativa, & πολλοί, quod non multi, sed solus*



*cleritatem obtineat*, aliaque amplius mille ejusdem farinae, ac furfuris. Enimvero, exclamabat ille me compellans, tuam fidem, hocce est nummos explanare : an potius otio & charta, atque oculis nostris abuti?

Experiere me vero multo leniorem : nec de te unquam, nec tibi loquar tam acerbe, mi Valens : Deus absit : Deus avertat, volui dicere : sed tu me adhuc solcecizare doces, qui hac formula loquendi in tua præfatione abuteris. Non talia, inquam, nobis aliquando in sermone excident : qui nec fuit unquam, nec erit deinceps de te nisi perhonorificus. Te virum eruditum semel iterumque, pag. 146. & 415. appellavi : jamque famæ nostræ sentio interesse, de te semper ut sic loquar : vel si intelligam mihi neminem fidem habiturum : ne si secus dixerō, erubescendum mihi sit, quod cum inerudito homine conferere manus haud puduit.

Plures fortassis nummorum aceruos eventilasti, quam nos : qui LUDOVICI Magni thesaurum dumtaxat, & Viri Illustrissimi D. Colberti cimelium, museolumque nostrum perlustravimus. Sed quod tu plures aliquanto nummos tractaveris, felicitatis fuit : quis negat ? Ecquis enim ignorat alios aliis expressiores esse atque illustriores ? in plurimis esse quædam adeo evanida & obscura, ut discerni nequeant ? in aliis deinde nitidioribus sine labore, atque adeo sine laude : aut in his ipsis, quid lateat, felicius postea clariusque cum labore ac laude deprehendi ? Nec vero erubescam fateri hoc postremum nobis quoque ipsis contigisse in Antiocheni nummo, pag. 55. e museo nostro, quem sic pridem legimus : ΑΥΤΟΚΡΑ. Μ. ΙΟΥΛ. ΦΙΛΙΠΠΟΣ. ΣΕΒ. ΔΗΜΑΡΧ. ΕΖΟΥΣΙΑC. (Z pro Ζ, quod & alias occurrit : ) ΥΠΑΤΟ Δ. *Consul* IV. At nos, inquam, littera fugiens tunc in fraudem impulit : nec Δ, sed Β, tametsi minus perite a scalptore expressam, legi oportuit : *Consul secundum* : quartum enim Consulatū Philippus Imperator non vidit.

Simili ratione quid mirum, si pag. 94. RVTILO Duumviro, pro RVLLO, in meo nummo legerim : si Patinus, quem allegavi, pag. 80 C. I. A. & Mediobarbus, quem ibidem laudavi, C. A. R. in suis nummis viderint, pro C. A. E. si idem Patinus, ut dixi, pag. 161. COL. CL.

alique COL. CL. PTOL. in suis se pervidere existimarint, tibi solum COL. PTOL. in tuo appareat: si IVL. FLACCO in meo deprehendere me putarim, tu in tuo Q. FVL. FLACCO exstare asseveres: si, non Lunæ crescens, ut tu subinde solæcizans ais, sed Lunæ crescentis effigies in meo nummo detrita oculos fugerit, ex qua COL. ANT. ad Antiochiam Pisidiæ pertinere indubium sit, promptumque vel cæcis agnoscere: si Erizzus, Occo, Tristhanus, alique, qui in exelos vetustate nummos inciderunt, ac penes quos fidem esse ejus rei voluimus, COL. IVL. COSSA. pro COL. IVL. CASSANDR. descripserint: si Tristhanus item, cujus fide nummum retulimus, pag. 119. COL. V. IVL. C. pro COL. LAVS. IVL. COR. exprefferit: si pag. 241. ΚΑΡΡΗΝΩΝ. ΦΙΛΟΡΩΜΕΩΝ. (nam & ita vetusti lapides) legerim, pro ΦΙΛΟΡ. M. A. quarum litterarum quæ sit vis ac potestas prolixè exposuimus, in primis pag. 41. si nummum inscribi COL. PARLAIIS putavere ii, de quibus dixi, pag. 381. *sic retulere ii nobis, qui nummum tractarunt*: quanquam & in Lycaonia, quod tu videris nescire ac negare, Παράλαος vel Πάρλαος fuit, id quod, ut Græca omittam, quæ jam laudavi, testatur actio 1. Concilii Calchedonensis, in qua *Libanius Paralai* subscribit, quem Baluziani codices, ipso Viro Clarissimo teste, pag. 1031. *Libanum Parlai* appellant: si deinde Tristhanus in nummo Berytensi (in quo alii, tuque ipse a nobis edoctus, SECVRITATI. AVG. alii SECVRITATI. SÆCVLI. esse legendum aiunt) ille Securitatis, tu Astartes Dææ effigiem adspexeris: ubi non est profecto animus hanc iterum ferram reciprocare, nec de Securitatis effigie, ut ausus ille cum Sirmondo, sic tecum litigare: si in obscuriore nummo ΗΑΙΟΠ. ΠΡΟC. ΑΙΒ. pro ΛΑΟΔΙΚ. legimus: si denique semel LEG. XII. pro LEG. III. quod tu semel atque iterum reprehendis, pag. 32. & 98. tomi posterioris, ego exhibui: sint ista sane, ut vis: desine hæc tamen tantopere venditare.

Quam pauca sunt enim illa primum in immensa silva nummorum, quam ante incultam primus aravi? cum tibi in tam brevi opere toties somnus obrepserit. Deinde quam per se

exigua ? Nihil enim dictum a te verius, quam quod sub ipsum præfationis initium confiteris, esse ea, in quibus nos reprehendis, *leviuscula* : cum ea sint oculorum, vel nummorum potius obscuriorum vitia magis, quam nostræ mentis ac judicii : cum verissime nugæ apinæque, & si quid vilius istis, recte dici possint : quas si audiant ii, qui veterum nummorum notitiam nullam habent, sibi facile animum inducant, eorum qui studii aliquid in his ponunt, otiosam esse, atque inanem operam, ac deridendam. An sunt autem nihili ea quæ vicissim peccasti ? non publicæ utilitatis est, ne indiscussa & in obscuro maneant, tum quæ male objecisti, tum quæ male excogitasti ? Accipe ea itaque lubens : daque operam, ut admonitione nostra proficias : ut quæ male doctus es dediscas, & emendare non erubescas. *Si qua sane alia*, ut oratione Augustini utar, in fine libri IV. ad Vincentium Victorem, *quæ plurima in tuis libris emendanda mihi videntur, scire forte desideras, venire tibi non sit onerosum, non tanquam discipulo ad magistrum, sed forti ad infirmum.*

Quod si tantum abes a sensu cladis tuæ, ut in certamen redire non pigeat, si homines pacis amantes ac studiosos adhuc lacescere consilium aliquando futurum est : certum est, quidquid scribas, deinceps non respondere : ne si lites amare pergas, videamur imitari. Enimvero, ut initio hujus epistolæ diximus, & scis ipse ac fateris, tum aliis locis, tum pag. 214. tomi secundi, majora nos ad se vocant : graviores nos detinent curæ : nunc in studiis sumus sanctioribus occupati. Quare, ut te omni cum labore tum metu liberem, prima hæc erit tecum velitatio, eadem erit hæc postrema. Vale, & nos, æque ac te amamus, ama.





# I N D E X

## R E R U M   Q U A R U M D A M

### I N S I G N I O R U M.

#### A

<b>A.</b> <i>A. Antoniniana Augusta.</i>	10
<i>Æra Antiochenorum duplex.</i>	58
<i>V. Christi natalis.</i>	
<i>Æra Emisenorum.</i>	97
<i>Æra Flaviorum.</i>	54. 55
<i>Æra Laodiceorum.</i>	108
<i>Æra Neapolitanorum in Samaria.</i>	55
<i>Æra Rhelænesium.</i>	115
<i>Æra Tarsensium.</i>	57
<i>Ακοντι, &amp; κοντι.</i>	138
<i>Alexandriana Tarsus.</i>	57
<i>Amidenorum nummi.</i>	92. & seq.
<i>A. M. K. &amp; A. M. K. T. B. in nummis Tarsensium.</i>	56. 57
<i>Antiochenorum æra duplex tantum.</i>	
58. 59. 60. 61. 62.	
<i>Antiochia Pisidiæ.</i>	13
<i>A. S. T. A. V. G. V. S. T. A. Asigitana Augusta.</i>	33
<i>Augusti Francorum reges jam a prima stirpe.</i>	28

#### B

<b>B.</b> <i>Βασιλευσα πόλις</i> apud Eusebium	
<i>Roma temper appellatur.</i>	134
<i>Bosireni.</i>	39. 58

#### C

<b>C.</b> <i>A. C. Colonia Augusta Casarea.</i>	9
<i>Cæream Palæstinæ quis annis alluat.</i>	
12.	
<i>Cartenna Colonia.</i>	72
<i>C. C. I. B. Colonia campestris Iulia Babbe.</i>	34
<b>CERT. SAC. PER. OECVME.</b>	
<b>ISELA.</b>	139

<b>CHRISTI</b> Domini natalem in annum incidere V. C. DCCXLVII. ex nummis demonstratur.	63. 64
<i>menſe Septembri.</i>	65
<i>Annus ex marmore Ancyrano confirmatur.</i>	65
<i>Christi prædicationis annus primus incidit in annum XLVI. ex quo ab Herode templum eſt inſtauratum : quem annum XLVI. Joannes in Evangelio cap. 2. commemorat.</i>	67
<i>Christus baptizatus anno Tiberii xv. ex quo provincias rexit Proconſul.</i>	66. 67.
<i>ſexto Idus Novembres.</i>	67
<i>Christus paſſus anno æræ vulgaris xxix. duobus Geminis Coſſ.</i>	67
<i>Christus poſt baptiſmum quatuor paſchata peregit : poſt initium prædicationis, tria.</i>	67
<i>Christus prædicandi initium fecit Kal. Maii, anno xvi. Tiberii, ex quo regere cœpit provincias Proconſul.</i>	67
<i>C. I. C. Colonia Iulia Cartenna.</i>	71.
72.	
<i>C. I. C. Colonia Iulia Corinthus.</i>	73
<i>C. I. C. A. Colonia Iulia Corinthus Augusta.</i>	73
<i>C. I. G. A. Colonia Iulia Gemella Augusta.</i>	73
<b>COEL. MVN.</b> <i>Cœlienſe municipium.</i>	81. & ſeqq.
<i>Colonia libera nulla.</i>	52
<i>Coloniæ in nummis aliæ civium Romanorum, aliæ Latinæ conditionis.</i>	134.
<i>Comites diſti reges Francorum, &amp; alii.</i>	24. 19.
<b>CONOB.</b> <i>16. &amp; ſeqq. 23. 24. 27. 28.</i>	

# INDEX.

Constantini tyranni nummus. 27  
 Constantinopolis imperii genitrix, a  
 Theodosii junioris principatu. 27. 135  
 C O P I A, Valentia. 145  
 C. R. I. F. S. *Colonia Romana Iulia*  
*Felix Sinope.* 141

## D

Δ. Ε. *Δυμμερικῆς Ἐξουσίας.* 15. 49  
 Duumviri annorum duorum in uno  
 nummo sculpti. 47

## E

E Misenorum ara. 97

## F

F Rancicus inclutus, Anastasius Imp.  
 & Justinianus. 26  
 Francorum reges cur soli ex omnibus  
 regibus in nummis suis C O N O B.  
 insculperint. 28. 19.  
 Francorum reges soli ex omnibus regi-  
 bus jam a prima stirpe tanquam  
 Augusti. 26. 28

## G

G. B. in nummis Tarsensium. 56  
 Genius Cæsaris, genius populi Roma-  
 ni. 77  
 Genius coloniarum, genius exercitus. 102

## H

H Erodis Magni obitus anno V. C.  
 DCCCL. mense Novembri. 66  
 Hieronymi locus in chronico emenda-  
 tus ex M S. 109  
 Hispalis colonia Romana. 136. 142

## I

I Nvictus, Sol. 66  
 I T A L I C A, quid in nummo Bilbilis  
 significet. 36. 37. 136  
 Iubæ regis nummi cum anno x x x x v.  
 72.  
 Iuliarum cognomen unde coloniis inditum.  
 35.  
 Jus civium Romanorum, jus Latii.  
 133.

## K

K. A Δ E. M. K. in nummis Tar-  
 sensium 56  
*Koviri, άkoviri.* 138

## L

L. in nummis *Λυκάωντα* significat.  
 55.  
 Latinæ coloniarum quarum. 136  
 Latinorum insignis, fus. 136  
 non tamen in nummis.  
 L E G. H. C O L. H. *Legio Hadriana,*  
*colonia Hadriana.* 101  
 L E O. N O V. 28  
 L. I B. Φ Λ Α. 51. 54. 55  
 L U D O V I C I M A G N I res gestæ cru-  
 ditæ & eleganter descriptæ in num-  
 mis a V. Cl. D. DE LA CHAPELLE.  
 122.  
 L V G D. C O L. R O M. 142

## M

M Ercurii cum crumena gradientis  
 effigies cur in nummo sculpta. 112  
 Mesopotamia, quæ Romanis paruit, in-  
 quatuor regiones divisa. 70  
 M E T A L L I. V L P. P A N N. 56  
 M O N E T A. I M P E T R A T A.  
 21.  
 M O N. V R B. 20  
 Monetæ unius ubi plures officinarum. 15. 16

## N

N Natalis Christi annus genuinus ex  
 nummis demonstratur. 63  
 Natalis Invicti, Natalis Solis. 66  
 Neapolis Samariæ. 55  
 N. T R. *Nova Trajana.* 39. 58  
 N V M. R E S T. *Numantia Resti-*  
*tuta.* 122

## O

O Ecumenici Patriarchæ nomen. 94

## P

P Alæstina quando divisa in tres Pa-  
 læstinas. 68  
 Palæstina

# INDEX.

Palæstina quando divulgata a Syria, &  
sub Præfide constituta. 69  
P. CIRC. CON. *post Circum con-*  
*ditum.* 50  
PERMISSV. AVG. PERMISSV.  
IMP. PERMISSV. PROCOS.  
48. 49. 56. 79. 86.  
Ponti regiones quatuor. 71  
P. S. S. C. *Pozendum suo sumptu cura-*  
*vere.* 78

## Q

Quinquennales. 41. 42. 133

## R

Roma urbs βασιλεύουσα semper ab  
Eusebio appellatur. 134  
Romanorum civium jus quibus coloniis  
ac municipiis attributum. 136

## S

Σ pro Σ.  
S. C. cur ablit a nummis Laodiceno-  
rum. 20  
Septimanorum colonia cur appellata.  
38.  
Signa militaria quæ & quorsum in  
nummis insculpta. 112. & seqq.

Silvestrum Papam adfuisse synodo Ni-  
cænæ per presbyteros legatos docet  
Eusebius. 134  
Sinope colonia Romana. 140  
S. R. *Signata Roma.* 22. 23  
Statuæ positæ Principibus a corporatis.  
133.  
Sus insigne Latinorum. 136  
Syriæ Præsides. 58. 59. 60. 61. 154.

## T

TAPCOY. ΜΗΤΡΟΝ. Γ. Β. 56  
Tarsus colonia non fuit. 53  
Tauri natantis effigies in nummo co-  
loniæ Babbæ. 34  
Theodeberti regis Francorum nummus  
aureus. 29  
Theopolis. 17.

## V

VABALATHVS. VCRIMOR.  
24.  
Valentiam coloniam Subur amnis ad-  
luit. 143  
VICTORIA. ACC. C. D. N. RE. 29.  
Victricis nomen cur quibusdam colo-  
niis inditum. 38. 136  
V. I. N. K. *Victrix Iulia Norba Casa-*  
*riana.* 80  
Virgilii locus explicatur. 137



# S V M M A P R I V I L E G I I

## Regis Christianissimi.

**C**AUTUM est auctoritate Regis, ne quis intra annos Octo proximos librum qui sic inscribitur, JOANNIS HARDUINI Societatis Jesu Presbyteri, Antirrheticus, de Nummis antiquis coloniarum & municipiorum, &c. absque permissu FRANCISCI MUGUET, Regis & Illustrissimi Archiepiscopi Parisiensis Typographi, imprimat aut vendat, a die publicationis horum exemplarium. Qui secus fecerit, multa in diplomate Regio indicta multabitur. Datum in Palatio ad Fontem Blaudi, die XIV. Octobris anno Domini MDCLXXXVIII. Sic signatum. De mandato Regis.

D E L A B A U N E.

*Publicari liber cæptus est, die XXV. Februarii.*

**E**GO JACOBUS LE PICART, Societatis Jesu in Provincia Franciæ Præpositus Provincialis, facultatem concedo, ut P. JOANNIS HARDUINI liber, cui titulus est, *Antirrheticus de nummis antiquis &c.* typis mandetur. Flexiæ, die V. Julii, MDCLXXXVIII.

J A C O B U S L E P I C A R T.

**P** Ag. 18. *versu* 12. *adde.* In nummo Licinii, SMNT. Anno tertio, inquit Norisius: cum sit officina tertia Nicomedensis.

Ag. 19. *versu* 27. ΘΗΜΑΡΧ. *lege,* ΔΗΜΑΡΧ.

Ag. 38. *versu* 8. *lege* stipendia.

Ag. 60. *versu* 32. *adde:* Numidium Quadratum Josephus appellat, libro xx. cap. v. sive viii. Numidium vocat Vir Clariss. Mabillonius, como 2. Musei Italici, pag. 595. ex vetusto lapide: C. VMMIDIO. C. F. TER. DVRMIO. QVADRATO. COS. LEG. DIVI. CLAVDI. IN. ILLYRICO. EIVSDEM. ET. NERONIS. CAES. IN. SYRIA. Numidio Quadrato successit Vinidius, Vinidio Corbulo, ex Tacito, libro xiv. Annalium, cap. xxvi. Corbuloni Cestius, de quo mox dicitur.

Ag. 64. *versu* 34. *lege,* suffectus est, ut refert Josephus, libro xvii. Antiq. cap. vii. Quintilius Varus.


Ag. 66. *versu* 20. *adde:* Nec dubitamus quin illud sit quod Faustus Manichæus ridicule Catholicis objecit, apud Augustinum, libro xx. contra ipsum, cap. iv. Solennes gentium dies cum ipsis celebrant, ut Kalendas & Solstitia. Januarias scilicet Kalendas, & solstitium hibernum. Quam accusationem Augustinus, cum ceteras dilueret, neglexit.

Ag. 67. *versu* 22. *lege,* duobus Geminis Coll. Nam & Judæorum præterea ritus, & Astronomicæ tabulæ in eum annum, ut alias dicemus, consentiunt.

Ag. 68. *versu* 12. *lege,* Theod. fio.


Ag. 78. *versu* 25. *lege,* edoceant.


















SPECIAL

82-B

2919

Inv. #

75



